





ՀԱՅԿ ՏԷՐ - ԸՍՏՈՒՆԹՆՏՐԵԱՆՑ

# Բ Ա Ռ Ա Ր Ա Ն

092 (03)

5

Հ Ա Յ

## ԿԵՆՍԱԳՐՈՒԹԵԱՆՑ

1441—1904

Ա.

Պ Բ Ա Կ Ա Ռ Ա Ջ Ի Ն

ԳՐԱԴԱՐԱՆԻ ՆԻ ՀԻՆԳ ՊԱՏԿԵՐՆԵՐՈՎ.



Թ Ի Ֆ Լ Ի Ջ


Արագատիպ Ա. Զուլթաթեյանի, Նիկ. 21.

Скоронечатня А. Кутателадзе, Ник. 21.

1904

A II  
3052





† 1903 թ. յունիսի 22

**ԱՐՄԵՆԱԿ ՏԵՐ-ԱՍՏՈՒԱՄԱՏՐԷԱՆՑ:**

Այս գրչի արձանը թող գարդարէ քո անշուք  
գերեզմանը, որովհետեւ դու էլ շէիր զլանում  
օգնելու ինձ այս գործում, և ձեռքդ ընկած  
գիրքն ու պատկերը ուրախացած տալիս էիր  
ինձ:

Քո Հայկը:

Տ Հոկտեմբերի 1904 թ.  
Տիֆլիս:



## ՄԻ ՔԱՆԻ ԽՕՅՔ

Գեռ 1896 թ., երբ ես աշակերտ էի Գէորգեան ճեմարանում, սկսեցի նիւթեր ժողովել այս գործիս համար: Առաջ ես մտադրուեցայ կազմել միայն թուականներից կազմած կենսագրութեանց բառարան, որպիսիք գոյութիւն ունեն համարեան բոլոր ազգերի մէջ, սակայն այդքանով բաւականանալն անկարելի էր, որովհետեւ մեր մէջ կենսագրական ճիւղը գրականութեան համարեան ամենավերջին աստիճանի վրայ է գրուած և այդպիսի դէպքում, ի հարկէ, աւելի լաւ կը լինէր ամփոփ տեղեկութիւններով մի գիրք, որպիսին է ներկայ գործս: Սա իսկապէս մի ցուցակ է, որից կարող են օգտուել մանաւանդ գաւառացի հայերը (քաղաքացիք առհասարակ հայ հեղինակներով և գրքերով քիչ են հետաքրքրում): Ինչպէս կը տեսնէ ընթերցողը, ես առհասարակ ինձ հետու եմ պահել դատողութիւններից, կուսակցութիւններից և աշխատել եմ տալ այն բոլորի մանրանկարը, որ այս կամ այն աղբիւրի միջոցով հասել է ինձ: Ես հաւատում եմ, որ այս գործս ունի պակասութիւններ, միայն այսքանը

կասեմ, որ հայոց մէջ այսպիսի գործի համար հարկաւոր է մի պարապ մարդ, որ 10 տարի առաւօտուայ 8 ժամից մինչև երեկոյեան 10 ժամը այս ու այն գիրքն ու լրագիրը գտնելու համար սրա ու նրա դուռը [թակէ, սրա ու նրա ետխիցը բռնած տասնեակ օրերով ման գայ, մինչև որ վերջապէս կենսագրութիւնը ստանայ, սրան ու նրան ամիսը 30 նամակ գրէ, որպէս զի գոնէ մէկին պատասխանեն (հաւատացէ՞ք ոչ մէկին չեն պատասխանի)... այսպիսով ես 3000-ից աւելի նամակ եմ գրել և գուցէ 400—450 պատասխան ստացել: Տաճկահայոց մասին աւելորդ է խօսել, և ոչ մի նամակի պատասխան. ես շնորհակալ եմ Վենետիոյ և Վեննայի Մխիթարեաններից, որոնք բացի հ. Բարսեղ Սարգսեանից ամենքն էլ պատասխանեցին, նոյնը կարելի է ասել և Եւրոպայում, Ամերիկայում և Հընդկաստանում ցրուած հայերի համար: Ռուսահայերը վերին աստիճանի անքաղաքավարի գրտնուեցան, գուցէ նրանք չը պատասխանելը համեստութիւն համարեցին, բայց շատ ի զուր, որովհետև այդպիսի համեստութիւն երբէք օգուտ չի բերիլ: Այս տեսակ դրութիւնից յետոյ աւելորդ է ասել, որ բառարանիցս դուրս մնացին Տաճկահայ գրողներից նշանաւոր հեղինակ (դասագրքերի) Մ. Արիկեանը, Յ. Ալանը, Արրահամ Այվազեանը (որի մասին մի քանի տող եմ գրում) և այլն: Ռուսահայերից չ'կարողացայ ձեռք բե-

րելու իշխ. ն. Ամատունու կենսագրականը, Յամենայն դէպս ես հաւատում եմ, որ վերջին հատորի մէջ գոնէ կը կարողանամ պակասը լրացնելու:

Ճնորհակալ եմ այն բոլորից, որոնք չ'զլացան և պատասխանեցին իմ նամակներին և կամ հարկաւոր գրքերն ու հանդէսները տուին ինձ օգտուելու համար \*), Ճնորհակալ եմ նաև այն պարոններից, որոնք կարևոր խորհուրդներ տուին, մանաւանդ բժիշկ պ. Լևոն Տիգրանեանից (Երևան), որը ինձ ուղարկել է զրական մի քարտէսի ծրագիր, որ կաշխատեմ տպել վերջին հատորի հետ:

Ի վերջոյ խնդրում եմ այն բոլոր պարոններից, որոնք ինձ չը կամեցան պատասխանել, մի կողմ թողնել իրենց համեստութիւնը և պատասխանել իմ նամակին: Կան շատեր, որոնց ես չեմ դիմել հասցէն չը գիտենալու պատճառով, ուստի և խնդրում եմ նրանցից գրել մանրամասն ինքնակենսագրութիւնը և վերջին պատկերի հետ զրկել ինձ, որի համար շատ շնորհակալ կը լինեմ:

Իմ հասցէն՝ Տփլիս, Նիկոլաևսկայա հրա-


---

\*) Գտնուեցան մարդիկ, որոնք իրենց կենսագրութեանց հետ ուղարկեցին ինձ իրենց հեղինակութիւնները, որի համար յայտնում եմ խորին շնորհակալութիւններս:

պարակ № 3. Тифлисъ, Николаевская пл. № 3  
և կամ Tiflis, Nikolaïevskajia pl. № 3.

Կրկնում եմ, որ ես մտադիր եմ այս գործս  
շարունակելու առանց կուսակցութիւնների խըա-  
րութեան և ամեն մի գործունեայ մարդու հա-  
մար գրելու այն, ինչ որ ինքն է:

ՀԱՅԿ ՏԷՐ-ԱՍՏՈՒԱՄԱՏԵԵԱՆՑ



## Մ Ա Տ Ե Ն Ա Գ Ր Ո Ւ Թ Ի Ւ Ն

ա) Բառարան երևելի արանց, 2 հատոր, զլիսաւորապէս կաթոլիկ հայոց կենսագրութիւններ (օտարներին էլ): Ունի Գէորգեան ճեմարանը:

բ) Շար հայ կենսագրութեանց, Արրահամ Այվազեանի Կ. Պ. 1893 թ. երեք տետր մօտ 20 կենսագրութեամբ:

գ) Առձեռն քառարան պատմ. աշխարհագրական եւ դիցարան. յատուկ անուանց, յաւելեալ յատուկ անունը Հայկական, Ն. Ճիւանեանի Կ. Պօլիս 1879 թ.

դ) Ուսումնասիրութիւնք հայ լեզուի եւ մտտնագրութեան յԱրեւմուտս, Գ. Ա. Զրումպֆի, փոխադր. Գ. վ. Զարբհ. Վենետիկ 1895 թ.

ե) Պատմութիւն Նոր Հայկական դպրութեան, Գ. վ. Զարբհ. Վենետիկ 1877 թ.

զ) Մատենադիտութիւն Հայկական, Գ. վ. Զարբհ. Վենետիկ 1883 թ.

է) Եկեղեցական պատմութիւն Հայաստ. եկեղեցոյ, Մ. եպ. Մուրադեանի. Երուսաղէմ 1872, Յ. վ. Մովսիսեանի, Էջմիածին 1886 թ.

ը) Հայոց պարբերական ժամուրդ, Գ. Լեոնեանի, Ալէքսանդրապոլ 1895 թ.

ժ) Հայ աշուղներ, Գ. Լևոնեանի, Ալէքս. 1892 թ.

ժ) Մխիթարեան յօրելեան, Վենետիկ 1901.

ժա) Պատմութիւն հայ լրագրութեան, Գր. վ. Գալէմբեարեանի, Վեննա 1893 թ.

ժբ) Բնար Հայկական, Մ. Միանսարեանի, Պետերբուրգ 1868 թ.

ժգ) Պատմութիւն Հայոց, հատոր Գ., 5 Մ. վ. Չամչեանի, Վենետիկ 1786 թ.

ժդ) Պատմութիւն Հայոց, (1772 — 1860), Աւետիս Պէրպէրեանի, Կ. Պօլիս 1871 թ.

ժե) Պատմութիւն կաթողիկոսաց Էջմիածնի, Մ. Մսերեանի, Մոսկուա 1876 թ.

ժզ) Հարիւրամեակ Կենարար Ս. Խաչի վերացման Մոսկուայի Հայոց եկեղեցւոյն, Յակոբ քահ. Սուրէնեանցի, Ռոստով 1879 թ.

ժէ) Ընտիր հատուածներ, մասն Ա. Էմ. քահ. նազարեանի, Տփլիս 1892 թ.

ժը) Ուրիշ բազմաթիւ գրքեր, կենսագրական բրոշիւրներ, դիսսերտացիաներ, գրքերի յառաջարաններ և այլն:

ժթ) Օրացոյցներ, Տփլիս, Կ. Պօլիս, Ռոստով, Երևան, Բագու և այլ տեղերում հրատարակուած:

ի) Նամակներ:

իա) Գրացուցակներ, Տփլիսի, Կ. Պօլսի, Վենետիկի, Վեննայի և այլ գրավածառանոցների ու գրադարանների:

*իբ*) Պարզերական հրատարակութիւններ, Արարատ, Արարս, Արևելք, Արձագանք, Բագմավէպ, Բանասէր, Բիւզանդիոն, Բիւրակն, Գեղունի (և Որբունի), Թատրոն, Լուսայ, Կռունկ, Հանդէս ամսօրեայ, Հիւսիսափայլ, Մեղու Հայաստանի, Մշակ, Մուրճ, Նոր-Գար, Սուրհանդակ, Վարժարան, Տարագ, Փարոս, Փարոս Հայաստանի, Փորձ:

*իգ*) Братская помощь постр. арм. въ Турціи, Москва.

*իդ*) Собрание актовъ, относящихся къ обозрѣнію исторіи Армянскаго народа, 3 тома, Москва 1833—38 г.

*իե*) Обзорѣніе Арменіи, А. Худабашева, Москва.

*իզ*) Армянскіе беллетристы Ю. Весел. и М. Берберяна.

*իէ*) რუსულ-ქართული ენციკლოპედიური ლექსიკონი, ივ. როსტომაშვილისა, 4 წიბნი, თბილისი, 1898—1900 წ.



## ՀԱՄԱՌՈՏՈՒԹԻՒՆՆԵՐ

ա. — առաջին.

արբեպ. — արբեպիակոպոս.

զլլ. — զլլուար.

զբ. վաստ. — զբաւոր վաստակներ.

զպ. — զպրոց, զպրահոց.

եկ. — ծխ. — եկեղեցական — ծխական.

եպ. — եպիսկոպոս.

Էջմ. — Էջմիածին.

Թարգ. — Թարգանու թիւն.

Էշխ. — Էշխան.

Տն. — Տնուեցաւ.

կաթ. — կաթնողիկոս.

կուս. — կուսակրօտ.

կ. Պ. — կ. Պալես.

կրթ. — կրթութիւն.

Նեմ. — Նեմարան.

մ. — մուսա.

մբ. Էջմ. — մբարան Էջմիածին.

մր. Վնտ. Մխ. — մբարան Վնեւակոյ Մխիթարեանց.

մր. Վնե. Մխ. — մբարան Վնեւայի Մխիթարեանց.

Ներս. զպ. — Ներսէսեան զպրոց.

պատբ. — պատբիտբ.

սկզ. — սկզբնական.

վ — վարդ. — վարդապետ.

Վաղ. — Վաղարշապատ.

վիճ. — վիճանուեցաւ.

Վնտ. — Վնեւակ.

տ. — տարեկան.

Տ — Տիֆլիս.

տպ. — տպուած է.

Փ — Փարիզ.

բ. — բաղաբ.

բա՛. — բա՛նեայ.

ԱՅՆԱՄԵԼԻՔԵԱՆ ՅՈՎՀԱՆՆԷՍ.—Իշխան, նշա-  
նաւոր անձնաւորութիւն վրաց Հերակլ Բ. և  
Գիորգի ԺԲ. թագաւորների օրով: Սրա ազջիկը՝  
Հեղինէն՝ վրաց թագաւորազն Դաւիթի կինն էր:  
Ռուսաց Պաւէլ կայսեր օրով Արամելիքեանը  
ընտանիքով Պետերբուրգ տեղափոխուեցաւ և  
կայսեր մի ազամանտ ներկայացրեց, որ իր մե-  
ծութեամբ և յստակութեամբ Ռուսաստանում  
երկրորդն էր համարոււմ (առաջինը հայ վաճա-  
ռական Սափրազեանցի տարածն էր, որ գնեց  
իշխ. Օրլովը 400,000 ռ. և Եկատերինէ Բ. կայս-  
րուհուն նուիրեց): Կայսրը՝ Արամելիքեանին իր-  
բև վարձատրութիւն, Կամենից-Պօզոլ'սկի նա-  
հանգում կալուածներ բախշեց պարագայքով և  
ստրուկներով: Նրա որդիքը պետական և զի-  
նուորական ծառայութեան մէջ ընդունուեցան:  
Իշխ. Յովհաննէս Սիմ. Արամելիք, որ Պետեր-  
բուրգի և Կիևի զինարանների (арсеналъ) կա-  
ռավարիչ էր և առանձնապէս ուսումնասիրել  
էր թնդանօթաձուլութեան արհեստը՝ Աղէքսանդր  
Ա. կայսեր հրամանով Պրուսիայի Փրիզլիխ Վիլ-  
հելմ թագաւորի մօտ ուղարկուեցաւ, որպէս զի  
Բերլինում ուսումնասիրէ թնդանօթաձուլութիւ-  
նը: Այս պատուէրն աջողութեամբ կատարելով՝

երկու վեհապետներից էլ վարձատրուեցաւ: Իշխ. Աննա Դաւթեան Աքամ. 1832 թ. ապրիլ 20-ից տուած հրովարտակով արքունի ֆրէյլինա ընդունուեցաւ: (Արամեյիքները խնամէացան Լազարեան տոհմի հետ, ուստի և Արամեյիքների մասին մանրամասնութիւնները կը տպենք Լազարեանք խօսքում):

ԱՅԳԱՐ ԴՊԻՐ.— Հայ տպագրիչ, ծն. Տաճկաստանի Եւզոկիա ք. ՓՁ. դարու առաջին քառորդում: Փորրուց ուսաւ իր քաղաքի մօտ եղած վանքերում: 1562-ին հայոց Միքայէլ Սեբաստացի կաթողիկոսը գնալով իր հայրենիքը, ծանօթացաւ Արգարի հետ և տեսնելով, որ նա ցանկութիւն ունի տպագրութեան գործը սովորելու, նրան մի վկայական տուեց և խորհուրդ տուեց Եւրոպա գնալ: Արգարն իր Սուլթանշահ որդու և ոմն Աղէքսանդր քահանայի հետ անցաւ Եւրոպա և ղիմեց դէպի Հռոմ, ուր ներկայանալով Պիոս VI պապին. նրա առաջարկի համաձայն կազմեց Հայաստանեայց Առաքելական եկեղեցու դաւանութեան և պատարագի մասին մի գրութիւն. որ մնացել է լատին լեզուով: Արգարն այնտեղ հայերէն գրեր ձուլել տալով Վենետիկ գնաց, ուր այդ ժամանակ հայ մետաքսավաճառներ և գոհարավաճառներ կային և սեպհական մատուռ էլ ունէին: Ծանօթանալով այդ վաճառականների հետ, նրանց օժան-

դակութեամբ 1565-ին տպեց «Սաղմոս» (Մեկնիչ Սաղմոսայ) \*): Արգարը 1567-ին անցաւ Կ. Պօլիս, ուր Առաքել վարդապետ Վիրապեցու ընկերակցութեամբ ս. Նիկողայոս եկեղեցու մօտ մի տպարան հաստատեց և շարունակեց հոգևոր բովանդակութեամբ զբքերի տպագրութիւնը, ինչպէս Փոքր Կերականութիւն կամ Այրբննարան 1567, Տօնացոյց 1568, Տաղարան 1568, Ժամագիրք 1568, Պատարագատետր 1568 (1569 էլ են գրում): Արգարին են վերագրուում նաև Յիսուս Որդի 1565 Վենետիկում տպուած և Մաշտոց 1569 Կ. Պօլսում: Մահուան թուականն անյայտ, հաւանականաբար մեռած Կ. Պօլսում

\*) Հայկական տպագրութեան սկիզբը ոմանք սխալմամբ հաշուում են այս թուականից, ըստ Ա. Արվազեանի «Շար հայ կենսագրութեանց» գրքի 1452 թ. է սկսուել և առաջին տպագիր գիրքն եղել է Պարզատումար գիրքը. ըստ Կապետի 1512—1513 թ. (տես «Բանասէր» 1903 թ. 6—7. էջ 203), ես տեսել եմ հանգուցեալ Ստեփանոս Տէր-Ստեփանոսեանի գրադարանում մի գիրք տպուած 148° (չեմ յիշում, միայն 5 էր կամ 6-ը), որի մէջ ս. Գրքից հատուածներ են տըպուած քանի մի լեզուով և ի թիւս այլոց նաև հայերէն երկաթագիր ազեղ տառերով սաղմոսից մի հատուած: Եթէ չեմ սխալուում այս գիրքը տպուած է Մարտէյլ քաղաքում: Սրա հիման վրայ գտնէ ես դժուարանում եմ հաւատալ, որ մենք դեռ 1485-ից էլ վաղ տպագրութիւն չենք ունեցել:

և գուցէ 1569-ին կամ յաջորդ տարին, որովհետև 1569-ից նրա մասին այլ ևս յիշատակութիւն չենք գտնում:

ԱՅԳԱՐԵԱՆ ՅԱՐՈՒԹԻՒՆ. — Հնդկահայ հարուստ վաճառական, որ եօթը պետութիւններից շքանշաններով էր վարձատրուած: Սա Գանդէսի ափին սեպհական նաւարան ունէր և իր կենդանութեան ժամանակ խոշոր գումարներ է տուել նոր-Ջուղայի, Բարսայի, Բաղդատի հայոց եկեղեցիներին, նարեկայ վանքին, Լիմ և Կտուց անապատներին: Նրա դերեզմանը գտնուում է Գալկաթայի ս. Նազարէթ եկեղեցու գաւիթում, հիւսիսային կողմը: Որդիքը՝ Սէթը մեռաւ Լոնդոնում անդաւակ և իր կարողութիւնն էլ մի անգլիուհու կտակեց. Յովհաննէսն և Բաղդասարը Սինգափուր, Յեյլոն, Հոնք-Քոնկ և ուրիշ շատ տեղերում նաւարաններ և շոգենաւային ընկերութիւններ հաստատեցին, որոնք դեռ այժմ էլ կան: Ինչպէս առաջ, այնպէս էլ այժմ Յարութիւնի կտակի համաձայն զրանց շոգենաւարով հայերը ձրի են տեղափոխուում \*):

\*) Այս Արգարեանի հետ չը խառնել Արգարեան Սահակ և Արգար աղաներին, որոնք իբր թէ ապրում են Չինաստանում և մօտ 100 միլիոն կարողութիւն ունեն: Սրանց մասին ինձ զրիլ է պ. Սմբատ Հազարեանը, սակայն ես հաւատ չընծայելով, իմ բառարանից դուրս թողեցի:


ԵՖԵԼԵԱՆ ՅԵՐՈՒԹԻԻՆ.—Յիւրիխի համալսարանի քիմիայի պրօֆեսսօր, ԼՕՈՒ Վարդաբլուր գիւղի մի գեղջուկի որդի, ուսումն ստացաւ Ներս. դպր. իրրն որդեգիր և աւարտելուց յետոյ Էֆէնդեանի հաշուով ուսումը շարունակելու համար արտասահման ուղարկուեցաւ: Այնտեղ բնական գիտութիւններն ուսումնասիրելով այլ ևս չը վերագարձաւ Գովկաս և միայն մի կարճ ճանապարհորդութիւն արեց: Նշանաւոր է իրրն քիմիագէտ և մի քանի տարրերի գիւտը նրան են վերագրում: Ունի եւրոպական լեզուներով աշխատութիւններ, գրում է եւրոպական թերթերում, այսպէս ասած նա հայերի համար այլ ևս գոյութիւն չունի:

Հ 3052



ԵՖԵԼԵԱՆ ՅՈՎՀԵՆՆԷՍ.—Այժմեան յայտնի գերասան, ծն. Չամախի ք. 1865 թ.: Սկզ. կրթ. ստացաւ ծխ. ուսումնարանում, ուր 1875-ին ուսման շրջանն աւարտելով մի տարուց յետոյ մտաւ Բագուի Ռէալական ուսումնարանի Ա. բաժանմունքը: Մինչև

1884 թ. մնալով ունալ. ուսումնարանում, դեռ



ուսումը շաւարտած թողեց ուսումնարանն ու սկսեց ծառայել Բագուի մասնաւոր զրասենեակներում, սակայն այդտեղ էլ տեսնելով, որ իր միտքը գործի վրայ չէ և զբաղուած է աւելի թատրոնական հարցերով, այդ էլ թողեց և նուիրուեց հայ բեմին: Դեռ աշակերտական սեղանից սկսեց մասնակցել ինչպէս հայ, այնպէս էլ ռուս ներկայացումներին իբրև սիրող և առաջին անգամ Բագուի Մարդասիրական ընկերութեան դահլիճում բեմ դուրս գալով ու բաւական յաջող խաղալով իր դերը՝ ներկայացման ներկայ գտնուող Երուսաղէմի միաբան Մամբրէ վարդապետից մեծ խրախուսանքի արժանացած՝ նուէր ստացաւ «Մանդուխտ» ողբերգութեան հայ-ֆրանսերէն օրինակը: Այս յաջողութիւնից ոգևորուած, քիչ յետոյ նա արդէն բեմ դուրս եկաւ իբրև դերասան և արագ յառաջդիմութիւն ցոյց տուեց: Սրանից մի քանի տարի առաջ մի պտոյտ արաւ Եւրոպայում այցելելով զլիաւոր քաղաքները, ուր նա հետեւել է Եւրոպայի նշանաւոր դերասանների խաղերին: Արեւելանը խաղացել է ինչպէս Կովկասեան, այնպէս էլ Ռուսաստանի համարեա բոլոր հայաքաղաքներում: Զմեռուայ թատերաշրջաններին առհասարակ խաղում է Տփլիսում և Բագում: 1902 թ. հրաւիրուեցաւ Տփլիսի հայ զբամատիրական ընկերութեան կողմից, որի մէջ գտնուում է ցարդ: Արեւելանը մեր այժմեան յայտնի դերասաններից

մէկն է, նրա ընկերատուարն է—Յոսեփ, Լիբ, Էդգար, Պետրուչիօ, Գոքտոր Չտօքման, Օսվալդ, Էրնանի և այլ նման գերերը: Հայ բեմի համար թարգմանել է բազմաթիւ թատերգներ, որոնք խաղացուած են: Մէկ-մէկ գրել է նաև հայաթերթերում:



#### ԸՖԵՂԵՆ ՄԸՆՈՒԿ.

— Բանասէր, ծն. Հին նախիջևանի մօտ Աստապատ գիւղում 1865 մարտ 5-ին: Սկզ. կրթ. ստացաւ Աստապատի Կարմիր վանքում: 1876-ին մտնելով Գէորգ. ճեմ. և 1885-ին աւարտելով, նոյն տեղ ուսուցչի, գրադարանապետի և քարտուղարի պաշտօններ ստանձնեց և այդ պաշտօն-

ներում երկու տարի մնաց: 1887/89 թ. ուսուցիչ Չուշու թեմ. դպ., իսկ 1889—1893 թ. ուսուցչութիւն արեց Տփլիսի Յովնանեան օրիորդաց ուսումնարանում: 1893-ին զնաց արտասահման բանասիրութիւն և մասնաւորապէս ընդհ. գրականութիւն ուսանելու.—1893/95 և 1896/98-ին իրրև իսկական ուսանող լսելով Ե-

նայի, Լայպցիգի և Բերլինի համալսարաններում, 1895/96 թ. իրրև ազատ ունկնդիր լսում էր Պարիզի համալսարանի դասախօսութիւնները: 1898-ին Յնայի համալս. քննութիւն տալով՝ գոկտորութեան աստիճանով աւարտելով Կովկաս վերագարձաւ և հրաւիրուեցաւ Գէորգ. ճեմ. իրրև դասատու հայ լեզուի և գրականութեան: Արեղեանը դեռ արտասահման չը գնացած գրադուել է հայոց գրականութեամբ և լեզուով: Նրա առաջին գրուածքները բանաստեղծական անյաջող փորձեր են՝ տպուած «Աղբիւր»-ի մէջ և առանձին գրքոյկով: 1889-ից Տփլիսիսում ապրելով և առանձնապէս հետաքրքրուելով լրագրական գործով՝ «Նոր-Պար»-ի գլխ. աշխատակիցներից մէկն էր և նրա յօդուածները իւր և կեղծ ստորագրութիւններով առանձին հետաքրքրութեամբ էին կարդացուում: 1891 և 1892 թ. վարեց նաև ժամանակաւոր խմբագրի պաշտօնը: 1893-ին տպեց *Հայոց լեզուի ուղղագրութիւնը* և հայոց հրատարակչական ընկ. յանձնարարութեամբ, որի խմբագրական մասնաժողովի անդամ էր, թարգմանեց Տօլստոյի *Արդարն ու մեղաւորը* և Գոգոլի *Տարաս Բուլբա*: Մինչև արտասահման գնալն աշխատակցում էր նաև «Մուրճ»-ին, իսկ արտասահմանից «Նոր-Պար»-ին և «Արարատ»-ին: Գալով Կովկաս նա սկսեց գրադուել հայ ժողովրդական բանահիւսութեամբ, որի դադարած դասախօ-

սուժիւնը վերսկսեց Գէորգ. ճեմարանում: Դեռ 1886-ին էջմիածնում գրի առնելով *Դաւիթ եւ Մհեր* զիւրյազնավէպի մի նշանաւոր վարիանտ, 1889-ին տպեց Չուշում: Այս վէպը ուսասհայոց գրականութեան մէջ մի նոր շարժում առաջ բերեց և ունեցաւ հետևողներ: Հայոց ժողովրդական հաւատքը (*Der armenische Volksglaube* տպ. Այապցիկ 1899) վերնագիրն է կրում նրա՝ զոկտորութիւն ստանալու աւարտաճառը (գիսսերտացիա), որի մէջ բաղդատութեամբ ուրիշ ազգերի հաւատքի և զիցարանութեան՝ ուսումնասիրել է հայոց ժողովրդական հաւատքի հեթանոսական կողմերը, ինչպէս են՝ հոգու հաւատք ու մեռելների պաշտամունք, լուսոյ և խաւարի, ճակատագրի, ջրերի, բոյսերի, կրակի և այլ պաշտամունքները: Միւս գործերը.— ա) *Գէորգ Դ. Մեծագործ կաթողիկոսի կենսագրութիւնը* Վաղ. 1899, բ) *Հայ ժողովրդական առասպելները* Մ. Խորենացու հայոց պատմութեան մէջ (քրննադ. և ուսուածք, արտատպ. «Արարատ»-ից) Վաղ. 1901 թ.: Այժմ Մ. Ա. գրադուած է Կոմիտաս վարդապետի հետ ժողովրդական երգերի բաղդատութեամբ ու խմբագրութեամբ: Երգերի առաջին յիսնեակը լոյս տեսաւ *Հազար ու մի խաղ* վերնագրով Վաղ. 1903 թ.: Բացի այս, ճեմարանի ուսուցիչ Սէթ Յարութիւնեանցի հետ միասին պարապում է Մովսէս Խորենացու պատմութեան ձեռագիրների բաղդատութեամբ՝ բնա-

գիրք վերականգնելու գործով և կազմում է հայոց լիզուի ընդարձակ քննական քերականութիւն, որ մշակում է երեք տարուց ի վեր:



ԱՅԻԽ ՀԵՐՄԱՆ. — Գերմանացի երկրարան, ծն. Բերլինում 1806-ին, ուր և 1831-ին աւարտեց հանքարանութիւն՝ գօկտորի աստիճանով: 1833 և 1836-ին զբաղուեցաւ Իտալիոյ հրարխային երևոյթները հետազօտելով: 1842-ին անցաւ Գորպատ ուր մինչև 1876 դասախօսեց համալսարանում: 1845-ին ճանապարհորդեց Հայոց աշխարհում (Армянская область—այս կոչումը տրուեցաւ 1828 թուին Երևանեան նահանգին) և նոյն տարուայ յուլիսի 29-ին Արարատ (Մասիս) բարձրացաւ նրա զիրքը, հանքային ու բուսական հարստութիւնները հետազօտելու: (Այս ճանապարհորդութեան մասին ունի ռուսերէն և գերմաներէն աշխատութիւններ): 1853-ին Արիւխը «ակագեմիկ» տիտղոս ստացաւ իսկ 1866-ին Պետերբուրգի գիտութեանց ճեմարանի պատուաւոր անդամ ընտրուեցաւ: 1876-ին իր զբաւոր վաստակները տպելու համար Վեննա գնաց և այնտեղ էլ մեռաւ 1886-ին: Նրա մարմինն այ-

րեցին և աճիւնը պահուում է: Արիխը մի նոր հանք էլ գտաւ, որ ի պատիւ նորա կոչուեցաւ Արիխիտ:



ԱՅՈՎԵԱՆ ԳԷՈՐԳ. —

Պատմաբան—ուսուցիչ, ծն. Լոռու Յձուն գիւղ. 1837 ապր. 7-ին: 1844ին հայրը մեռնելով, նրա պապ Արազը տարաւ նրան Սանահնի դպրեվանքը, որտեղից նոյն վանքի միաբան Սարգիս վարդապետը տանելով նրան Տփլիս՝ յանձնեց ներս. դպ. խնամքին, ուր Գէորգը յմեծ յառաջ-

դիմութիւն ցոյց տալով ներսէս Ե. Աշտարակցու ուշադրութիւնը գրաւեց և կաթուղիկոսի հրամանով 1849-ին ուղարկուեցաւ Մոսկուայի Լազարեան ճեմ., ուր նա զբաղուեցաւ առանձնապէս պատմութեամբ և գրականութեամբ: 1857-ին աւարտելով ուսման շրջանը, Գովկաս վերադարձաւ և 1858-ին հրաւիրուեցաւ ներս. դպ. հայոց և ընդ. պատմութիւնն ու աշխարհագրութիւնը դասախօսելու: 1863-ին Տփլիսի Զինուորական վարժարանի (Кадетский корпус) հայոց լեզուի դասերը ստանձնեց և 1865-ից մի

վկայական ստացաւ, որով իրաւունք տրուեցաւ նրան պետական ուսումնարաններում ուսուցչութիւն անելու, 1866 ին հրաժարուեցաւ ուսուցչութիւնից և նոյն տարուայ նոյեմբերի 1-ին, չորեքշաբթի օրը երեկոյեան 8 ժամին դուրս գալով անից. այլ ևս չը վերադառնալով ընդմիշտ անհետացաւ \*): Գր. վաստ.— Համառոտութիւն հայոց ազգի պատմութեան տպ. Տփլիս 1869, 77, 84 և այլն. Թողել է ձեռագիր ա) Հայոց պատմութիւն ընդարձակ եր) Հայաստանի աշխարհագրութիւն և այլն.



**ԱՐՈՎԵԱՆ ԽԱՉԱՏՈՒՐ.—**

Արդի հայ վիպասանութեան և բանաստեղծութեան հայրը, որդի Աեախը Արովեանի, ծն. Երեւանից 7 վ. հեռաւորութեան վրայ զբառնուած Քանաքեռ գիւղում 1804—5 թ. (ըստ տմանց 1806-ին), 1814—15 թ. ծնողները Խաչատուրին ս. Էջմիածին տարան ուսանելու, ժա-

\*) Գէորգ Արովեանի անհետանալու մասին նրա ժամանակակիցներից մէկը ինձ պատմեց, որ նա անհետանալուց առաջ հիւանդ էր և հաւանականօրէն նրա վախճանը բարակացաւն էր լինելու, և որ նա թէ հիւանդութիւնից նեղուած և թէ վատ հանգամանքներից ստիպուած Քուրը պէտք է ընկած լինի:

մանակակից Եփրեմ կաթողիկոսը, որ նրա պապերի աթոռասիրութիւնը գիտէր, սիրով ընդունեց նրան և ուրարակիր զպրի աստիճան շնորհեց, նրա գաստիարակ Անտօն արքեպիսկոպոսը 1820-ին Հաղրատի վանքը քաշուելով Խաչատուրին իր հետ տարաւ, իսկ այնտեղից էլ Տփլիս, ուր Խաչատուրն աշակերտեց ժամանակին յայտնի գիտնական Ղարաբաղցի Պօղոս վարդապետին Ստեփանոս նազարեանցի հետ, ներս. դպ. բացուելու օրից Խաչատուրը ընդունուեցաւ աշակերտ և 1829 փետրուար 24-ին աւարտելով երեքդասեան ներս. զպրոցի ուսման շրջանն, գնաց ս. Էջմիածին, ուր Եփրեմ կաթողիկոսը իր գիւանի քարտուղար և թարգման կարգեց, երբ ուսուց զօրքերը տիրեցին հայոց նահանգին, մի շարք ճանապարհօրդ գիտնականներ եկան երկիրն ուսումնասիրելու, մինչև անգամ ահագեմիկ Չօպէնը (որ Հայոց նահանգի ուսումնասիրութիւնն է գրել) մի տեսակ ստատիստիքական բիւրօ հաստատեց, Այդ միևնոյն ժամանակ՝ 1829 թ. Պովկաս եկաւ գերմանացի ընագէտ Գորպատի համալսարանի պրօֆ. Պարրօտը, այցելեց ս. Էջմիածին, ուր ծանօթացաւ Խաչատրի հետ և թարգմանի պաշտօնով իր հետ վերցնելով նրան, սեպտեմբեր 23-ին Մասիս բարձրացաւ Խ. Ա. յայտնել էր Պարրօտին երոսպական կրթութիւն ստանալու ցանկութիւնը և Պարրօտն էլ տեսնելով նրա ընդունակու-

Թիւնն ու բարեմասն կողմերը, վերադառնալով Դորպատ՝ բարեխօսեց լուսաւորութեան նախարար Լիվէնի առաջ, որի հրամանով պետական գանձարանից Խաչատրին 300 ռուբլի թոշակ նշանակուեցաւ: 1830 թ. սեպտ. 3-ին Խ. Ա. արդէն հասաւ Դորպատ: Այնտեղ նա ուսումնասիրելով գրականութիւնն ու մանկավարժութիւնը, իւրացնելով գերման և ֆրանս. լեզուները՝ մտաւոր պաշարով ծանրացած 1836-ին Տփլիս եկաւ: Յովհաննէս Ը. Կարբեցի կաթողիկոսը շատ լախտ վարուեցաւ Խ. Ա-ի հետ և արգելեց հայոց դպրոցներումը նրան ուսուցչի պաշտօն տալ, վախենալով, որ հայ երեխաներին լիւտերական հոգով կը կրթէ: Ա. Խ. յոյսը կտրած սկսեց ծառայել պետական ուսումնարաններում և 1837 փետր. 12-ին Տփլիսի գաւառական ուսումն. տեսուչ ու ֆրանսերէն լեզուի ուսուցիչ անուանուեցաւ: Միևնոյն ժամանակ մի մասնաւոր ուսումնարան էլ բաց արեց, ուր իր շուրջ հաւաքելով հայ պատանիներին, սկսեց կրթել նոր ուղղութեամբ (այժմ կան այդ աշակերտներից պ.պ. Գ. Գաւրիշեանցը և Գէորգ Արիմեանը): Գերմանացի ճանապարհորդ Մ. Վազներն ասում է. «Ան դպրոցը շատ անգամ դացի ու հայ տղոց յառաջդիմութեանը վրայ շատ դարմացայ: Տասը, տասնուչորս տարւան տղաք աղէկ կը կարդան ու կը գրեն հայերէն, վրացերէն, թաթարերէն, ռուսերէն, գերմաներէն ու

զաղղիներէն. Ստուգիւ շատ զարմացայ. զերմաներէն աղէկ շեշտելով կը խօսէին ու վարպետին իմ առջևս զրել տուած բաներէն տեսայ, որ զերմաներէն լեզուին կազմութեան աղէկ տեղեակ էին. իմ առջևս Կեթէին (Գեօտէ) ու Ըիլլէրի գործքերը կարգացին...» (Վազներ՝ ճանապարհորդութիւն ի Հայաստան թրգ. հ. Փ. ճամճեանի Վեհնա 1851 էջ 3), Արովեանին է պարտական իր տուած տեղեկութիւնների համար բարոն Ս. Հակոստատուղէնը.— «Արովեանը այն ազնիւ, ողջամիտ և ճշմարտասէր մարդերից մինն էր, որոց նմաններուն շատ սակաւ եմք պատահում կեանքի մէջ:... Ինձ պիտոյ էր միայն մի հարց առաջարկել նրան, դիպչել նորասրտին, և նոյն ժամայն զարթնում էին նրա մէջ մտքեր և յիշատակներ, որ իսկոյն հաղորդում էր ինձ: Այնուամենայնիւ Արովեանը լի էր վառուած հայրենասիրութեամբ զէպի իւր հայրենիքը. այս պատճառաւ ըստ մեծի մասին նորան եմ պարտական վայրը յիշուած բաներու համար...» (Թարգմ. Ե. Բաստամեանի, «Կուռնի» 1862 թ.): 1839 փետրուար 28-ին Ա. արձակուեցաւ հոգևոր կոչումից և նոյն տարուայ սեպտեմբերին ամուսնացաւ զերմանուհի օր. Էմիլիա Լօօզէի հետ, որից մի տղայ և մի աղջիկ ունեցաւ: 1843 յունիսի 19-ին Ա. նշ. Երևանի գաւառական ուսումն. տեսուչ: Անցնելով Երևան, այնտեղ էլ ուսումնարան բաց արեց: Այդ

ժամանակ Արուիհանը ցանկացաւ թողնել ընտանիքն և կուսակրօն դառնալ, սակայն ներսէս Ե. կաթողիկոսը մերժեց, Խ. Ա. լինելով պետական ծառայութեան մէջ, 1848-ին արդէն կօլլէժսկի ասեսօրի աստիճան (ЧИНЪ) ունէր և նոյն տարուայ մարտի 9-ին արձակուեցաւ պաշտօնից, 1848 թ. ապրիլ 2-ին յանկարծակի անհետացաւ Արուիհանն և ընդ միշտ կորաւ հայ անդրանիկ վիպասանի գերեզմանը \*): (Նրա մահուան օրն ոմանք զնում են յուլիսի 11-ին, ոմանք էլ յունիսի 12, որ սխալ է): Նրա անյայտանայու ամենաճիշտ տեղեկութիւնն այն է, որ Երևանի պարսիկներն են նրան կենդանի թաղել, մանաւանդ որ նրանց հետ հաշիւներ ունէր և առաւօտներ զնում էր զրօսնելու նրանց այգիներում (այս կարծիքը մենք լսել ենք Խաչատրի որդի Վարդանից, որը նոյնպէս Գորպա-

\*) Հանգ. Ա. Երիցեանը 1896 թ. № 102 «Արձագանք»-ում ասում է. (Երևի վերցրել է АКТЫ Археогр. РОММ. զրբերից) «1848 թ. ապրիլի 26-ին փոխարբայ իշխ. Վօրոնցովն ստացաւ Երևանի նահանգապետից հետեւեալ պաշտօնական գեկուցումն... «Երևանի դաւառական ուսումնարանի տեսչութիւնից արձակուած կօլլէժսկի ասեսօր Արուիհանն ապրիլի 2-ի լուսադիմին մեկնել է յայտնի չէ ուր և անհետ կորել: Ըստ իւր տանեցոց բացատրութեան, նա անջատուելուց երեք օր առաջ մտատանջութեան մէջ է ընկել, գրեթէ ոչինչ չի կերել, սակաւ է խօսել, շորերը չի հանել և իբր թէ անքնութիւնից տանջուելիս է եղել»:

տումն էր ուսել, երբեմն ուսուցիչ Երևանի թեմ. դպ. և յետոյ Գէորգ. ճեմարանում, մ. 1896 թ. էջմիածնում): Մի և նոյն կարծիք է յայտնում և պ. Լ. Տիգրանեանցը, որին պատմել է այդ մասին Արովեանի աշակերտ Վ. Խուզարաշեանը և սրան էլ նոյն իսկ պարսիկները ցոյց են տուել թաղման տեղը և երբ Վ. Խ. պատմել է իր հօրը, նա ասել է. «վաղ թէ ուշ Արովեանը պէտք է սպանուէր Ասադ բէգի ձեռքով», (chez la femme): Գ. Տիգրանեանն արդէն թաղման տեղը գտել է: Խ. Արովեանի պատկեր ունենալու համար հայութիւնը պարտական է դարձեալ պ. Տիգրանեանցին, որը 1881-ին հին իւզաներկ պատկեր գտնելով լուսանկարել տուեց, իսկ 1884-ին էլ նկարել տուեց «Խ. Արովեանի տնակը Քանաքեռում»:

Արովեանի և մեր զրականութեան գլուխ գործոցն է Վէրք Հայաստանի, որը հայրենասիրի առաջին աշխարհաբար վէպը, որով հիմք դրուեցաւ հայոց աշխարհիկ զրականութեան: Վէպը վերցրուած է իրականութիւնից: 1826 թ. երբ ռուսական զօրքերը յաղթական մուտք գործեցին Հայոց նահանգ, Արովեանն էլ վերադառնում էր իր հայրենիք ամառային արձակուրդների պատճառով և ականատես եղաւ իր հայրենակից Աղասու սխրագործութիւններին, որը գործում էր ռուսաց զրօշակի տակ: Այս քաջին ընտրեց նա իր վէպի հերոս և 1841-ին գրեց

այն լեզուով և բարբառով, որով խօսում էր նա իր մանկութիւնից ի վեր: Նա վախենում էր, որ իր վէպը կարող էր բնգունելութիւն չը գտնել, որովհետեւ ժամանակի գրքերը գրարար էին և «նոր լեզուն էլ անպատիւ»: Ա. տպագրութիւնը կատարուեցաւ 1858 թ. Տիխտում Խ. Ա-ի աշակերտ Յովսէփ Փանդոյեանի հրատարակութեամբ, իսկ Բ. տպ. 1897 Մոսկուայում Երկերի ժողովածուն Ի. Ժամհարեանի հրատ.: Կր. վաստ. I Տպուած առանձին. ա) Պարսպ վախտի խաղալիկ. Տ. 1844. 1864 և 1897 երկերում. բ) Անտիպ երկերը տետր Ա. Տ. 1904. գ) Նախաշաւիղ. դասագիրք. II. Երկերում տպուած ա) Օվսաննայ, պատմութիւն. բ) Փէօդորայ կամ Որդիական սէրը, երգախաղ մէկ անգամ տալու. գ) Խղճիկն այն խրճիթ, ոտանաւոր. դ) Մտածմունք ի տեսիլ հայրենեաց. ե) Ըանապարհորդութիւն սարոն սրօֆեսսոր Պարբոտի և Նաչատուր դարի Ապովեան, բացի այս մի շարք ոտանաւորներ, առակներ և այլն. Մնացած գործերը.—Մուտ Հայկայ ի Հայաստան և արճաւիրք երեսակայութեանն նորա ի ժամ պատերազմին, որ ի 1826 ամի. բ) Խնդամիտ զգացմունք երախտազէտ Հայկազին յազատութիւն Հայրենեաց իւրոց, ասացեալ յԵրևան 'ի 1826 ամի առ կոմսն Երևանի. (իմն Պասկևիչն). գ) Բան հրաժարական առ բարեկամ մի, որ դիմէր ի հայրենիս ի 1831 ամի. դ) Զգացմունք ցաւալի սրտիս ի տե-

սանելն իմ յօտարութեան զսիրելի հայրենա-  
կիցն իմ զԲաղալ Փահրաղեան ի 1832 ամի յ2  
մարտի ի Դորպատ. և) Առ հանդէս ուխտի ի  
սուրբ լեառն Մթածմինդայ ի 1840 ամի. զ) Քան  
ասացեալ ի վերայ դամբարանի սիրելի աշա-  
կերտին իմոյ Ղորխմազ Արղրութեանի... է) Զգ-  
նէս. պատմութիւն, գրուած 1841-ին. ը) Կարօ-  
տութիւն առ սիրելին ի 1842 ամի. թ) Մն-  
նաստան ս. Գեղարդայ վանի ՚ի 1842 ամի. ժ)  
Առաջի սրտկերի քաղմերախտ իմ քարերաբի՝  
Փրիդրիխ Պարբօտի, որ վախճ. ի 1842 ամի ի  
Դորպատ. ժա) Ի վերայ ուրումն տարաբաղդ  
աղջկան, յ8 մարտի 1844 յԵրևան. ժբ) Առ պա-  
տուական իմ քարեկամ... Եզոր Ակիմեան ի 1844.  
ի 28 ապրիլի. ժգ) Մուտ ի Հայրենիս ի 1844  
ամի. ժդ) Առ շնորհածաղիկ պատանի՝ ի 6 օ-  
գոստ 1846. ժե) Կարօտութիւն նախնի վայել-  
չութեանց հայրենեաց իմոց, ասացեալ ի 1844  
ամի յԵրևան (1824՝) ժզ) Աղերս առ Մուսայն  
ի դէմս Հայաստանեայց. ժէ) Վէրք Հայաստանի,  
վիշտ հայրենասիրի առ գետն Զանգի. (հատուած  
ի բումանէ). ժը) Առ գետն Զանգի, որ յԵրևան.  
ժթ) Առ գալուստ ն. ք. սրբ. Կարապետ արքեպ-ի  
Վրաստանի ու Տայոց. ի) Ազնուամտութիւն ու  
շնորհակալութիւն, պարզ պատմ. իա) Յօդուած-  
ներ ռուս. „Кавказъ“ լրագրում: Բացի այս թո-  
ղել է նաև գերմ. գրուածքներ տպուած ու ան-  
տիպ, որոնց մէջ խօսում է հայոց, քրդերի և

այլ ազգաց նիստ ու կացի վերաբերեալ \*):

**ԱՔՐԱՀԱՄ Բ. ԽՈՂԱՔԵՑԻ ԿԵՄ ՎԱՆԵՑԻ.**— Երբեմն առաջնորդ Մշոյ, 1730-ին ընտր. ամենայն հայոց կաթողիկոս: Սա էջմիածնի տաճարի մէջ երկու խորան շինեց յանուն ս. Լուսաւորչի և ս. Յակոբայ Մծբնայ Հայրապետի. Վխճ. 1734 նոյեմբ. 11-ին:

**ԱՔՐԱՀԱՄ Գ. ԿՐԵՏԱՅԻ.**— Պատմագիր կաթող. ամ. հայոց, հայ հօր և յոյն մօր որդի, երբեմն առաջնորդ Թրակիոյ կամ Թէքիր դաղի, ընտր. 1734 թ. նոյեմբ. 24-ին կաթողիկոս: Այդ ժամանակ նա ուխտ էր եկել ս. էջմիածին և իր նախորդ Արրահամ Խոշարեցու թաղմանը ներկայ գտնուեցաւ: Ինչպէս յայտնի է նոյն ժամանակներում Հայաստանը նատրը Չահի ասպատակութիւններին էր ենթարկուած և Արրահամն էլ բարեկամացաւ Չահի հետ և նրա հրաւիրմամբ զնաց Մուղանի դաշտը և օրհնելով նրա սուրբ՝ կապեց մէջքին ի նշան թաղաւորութեան: Չահը շատ մեծարեց նրան և իբրև

---

\*) Վերջից կտորներ կան թարգմանուած գերմ. Armenisch Bibliothek և ուր. Армянские беллетристы գրքերու: Ամբողջ վէպը փոխադրուած է թատերադրամի Ասլան Բալասի վերնագրի տակ: 1898 թ. Տիբիսուս կատարուեցաւ Խ. Ա-ի մահուան 50 ամեայ տարեդարձը:

իր սիրելի մարդ իր մօտ պահեց, որով կաթողիկոսը միջոց ունեցաւ մեղմելու շահի սիրտն և բազմաթիւ հայ գերիներ ազատ թողուեցան, Վերադառնալով ս. Էջմիածին, վխճ. 1737 ապրիլ 18-ին և թաղուեցաւ Չոփակաթ վանքի ձախակողմը: Երբահամ կաթող. գրել է նատըր-Չահի աւերմանց պատմութիւնը, որը սպ. Կալկաթայում (Հնդկաստան) 1796-ին և ս. Էջմիածին 1870-ին: Այս պատմագրութեան կցուած է հետաքրքիր յօդուած «Պատմութիւն Անի քաղաքին»:

ԱՅՐԱՀԱՄ ԿԱԹՈՂԻԿՈՍ Աղթամարի 1610—  
1614 թ.

ԱՅՐԱՀԱՄ ՎԱՐԴԱՊԵՏ.—Հայ կաթողիկների Լիբանանի կաթողիկոս, հիմնադիր Լիբանանի ս. Փրկիչ վանքի միաբանութեան, ծն. 1679-ին: Սոյ առաքելական հայոց կաթողիկոսութեան միաբան լինելով՝ Սոյ կաթողիկոսից եպ. ձեռնադրուեցաւ: Նախ Տրապիզոնում և յետոյ էլ Հայէսում առաջնորդութիւն արեց և խմորուեցաւ կաթողիկութեամբ, և որովհետև շրջապատող հայերին էլ մոլորեցնում էր, ուստի հայ եկեղեցու ջատագովները սկսեցին հալածել և նա էլ իբրև հերձուածող փախաւ Լիբանան, ուր եկեղեցի շինեց պաշտպանութիւն գտնելով Օսմանեան պետութիւնից ապստամբուած Տիւրզիներից և 1740-ին իրեն կաթողիկոս հրատարա-

կեց՝ հպատակուելով Հոռոի պապին: Վ.սճ.  
1749-ին:



ԱՅՐԱՀԱՄԵԱՆ ԳՐԻ-  
ԳՈՐ.—Գերասան. ծն.  
Տփլիսուսւմ 1862 յու-  
նուար 17-ին: Կրթ.  
ստացաւ Ներս. դպ.:  
Գ. դասարանից զըպ-  
րոցը թողնելով՝ հե-  
ռագրական ծառայու-  
թիւն մտնելու նպա-  
տակով մօտ երեք ա-  
միս զերման. և ֆրանս.  
լեզուններով պարա-

պեց: Այնուհետև 6 ամիս կամաւոր զինուոր ե-  
ղաւ և ապա սկսեց ծառայել մի երկրաշափի  
մօտ: Երբ 1879-ին Տփլիսուսւմ կանոնաւոր խումբ  
կազմուեցաւ և իշխ. նասպոլէօն Ամատունու  
ղեկավարութեամբ սկսեց կանոնաւոր ներկայա-  
ցումներ տալ, Գ. Արբ. շփուելով նրանց շրջա-  
նի հետ, սկսեց մէկ-մէկ մասնակցել ներկայա-  
ցումներին և կարողացաւ մի փոքրիկ դերք ձեռք  
բերել. որը հեռզհեռէ սկսեց աճել շնորհիւ իր  
անսպասմելի աշխատասիրութեան: Այս թատե-  
րաշրջաններից յետոյ նա իբրև դերասան սկսեց  
շրջել Պովկասի այլ և այլ քաղաքներ, զնաց նոր  
նախիջևան, Պարսկաստան և կրկին Տփլիսս վե-

բաղառնալով՝ անցաւ Մոսկուա, ուր երկու տարի հետեւեց նշանաւոր դերասանների խաղերին: 1891—92 թատերաշրջաններին նա Տփլիսում յայտնի եղաւ իբրև շնորհալի դերասան—հակառակորդի դերերում, ինչպէս վկայում են տեղական հայ և ռուս թերթերը: Այս շրջանից յետոյ նա ուղարկուեցաւ Կ. Պօլիս դերասաններ վարձելու, որ նստակիով նա կրկին անգամ յաջորդ տարին գնաց Կ. Պօլիս: Վերադառնալով Տփլիս մի քանի շաբաթ միայն կարողացաւ ապրել և 1894 թ. սեպտեմբեր 12-ին, երեկոյեան 6 ժամին սրտի պայթումից յանկարծամահ եղաւ և նոյն ամսի 16-ին թաղուեցաւ Խօջիվանքում: Գ. Արք. մեծ ապագայ ունէր, սակայն շուտով հանգաւ այդ ճրագը: Նրա դերերն էին փաստարան Բերենա Մնանկու(թին), Արու(թին) Զիմզիմով (Պէպօ) Գուլարէնց Օսէփ (Քանդած օջախ), (Գորտոր Չտորման), Փրանց (Աւազակներ), Բաշլէն, Մուլինէ (Դարբնոցապետ), Ժորժ Գիւվալ (Կամիլ. տիկին), Չէյօկ (Վենետ. վաճառական) և այլն \*):

Գ/Կ/Շ

**ԱՔՐՕՅԵԱՆ ՊԵՏՐՈՍ (ԱՊՐՕ).**— Զմիւռնիացի նշանաւոր հարուստ վաճառական, որ իր եղբայրների Արքաճամի ու Ստեփանի հետ մեծ


\*) Գ. Ա. 3—4 տարի ուսուցչութիւն է արել Ղուրա և այլ բաղաբներում, ժամանակը յայտնի չէ:

առևտուր ունէր Եւրոպայի այլ և այլ պետու-  
թեանց մէջ և Հնդկաստանից, Պարսկաստանից  
և Տաճկաստանից ասիական վաճառներն էր ար-  
տահանում Եւրոպա, Գլխաւոր վաճառատունը  
դանուում էր Զմիւռնիայում, Հոլանդիոյ Ամստեր-  
դամ քաղաքում ներկայանալով ուսաց Պետրոս  
Մեծ կայսեր՝ մի խնդրագրով յայտնեց իր առև-  
տրի ծաւալը և խնդրեց թոյլտուութիւն Ռու-  
սիայումն էլ առևտուր անելու, Ռուսաստանով  
Պարսկաստանից և Հնդկաստանից ապրանք տե-  
ղափոխելու մասին, Պետրոս Մեծը սիրով ըն-  
դունեց նրա առաջարկն ու 1717 թ. յունուար  
28-ից տուած (Ամստերդամում) հրովարտակով  
հրամայեց ում հարկն է, որ ազատ իրաւունք  
տրուի Ռուսաստանում առևտուր անելու՝ վերջ-  
նելով նոյն քանակութեամբ մաքս, որքան որ  
վերջնուում էր Զուղայեցի-Պարսկաստանցի հայ  
վաճառականներից, Հրովարտակը տուած էր ի-  
րեն Ապրոյին և շնորհուած առևտրական կա-  
տարեալ ազատութիւն, Ապրոն առևտուր էր ա-  
նում գլխաւորապէս մետաքսով և ակնեղէնով \*):

\*) Մենք աւելորդ համարեցինք այստեղ մէջ բե-  
րել հրովարտակի պատճէնը, ցանկացողը կարող է գրա-  
նել Գլխակիի Собрание актовъ, относ. къ обозрѣнію  
исторіи Армянскаго народа գրքում մասն I էջ 158—  
160, նոյնպէս և մեր «Հայ վաճառականները Ռուսաս-  
տանում» գրքումը, որ շուտով կը տպուի Պետրոս Ապ-  
րոյի պատկերը դանուում է ս. էջմիածնում:

ԱՄԵՊԻԵԱՆ ԱՐՁԼԿ. — Ծն. Ղազարիսի Աշուղի (Աալի) դ. 1860 մայիս 8-ին, Սկզբ. կրթ. ստացաւ իր քահանայ հօր մօտ իսկ նրա մահից յետոյ էլ այլ քահանաների մօտ, Այնուհետեւ բերուեցաւ Տփլիսիս և 1869-ից ուսաւ ծխ. ուսումնարանում, իսկ 1870—75 ներս. դպ. որսեղից արձակուեցաւ իրբև աշմկարար և մի առժամանակ էֆէնջեանի գրախանութում ծառայելուց յետոյ 1876—78 Գետաշէնում, 1879—81 Ջարաթալայում, 1881—82 նուխում ուսուցչութիւն արեց, Այնուհետեւ մտաւ Տփլիսիս Աղէքսանդրեան ուսուցչական ինստիտուտ, ուր 1886-ին ուսումն աւարտած գնաց Մոզդոկ ուսուցչի պաշտօնով, 1889—90 և 92—96 թ. Տփլիսիսում, 1890—91 Ջալալ-Պղլիում, 1891—92-ին Ալալալալարում ուսուցչութիւն անելուց յետոյ գիւղը քաշուեցաւ, 1901 թ. ցարգ ծառայում է Երևանի թեմ. դպրոցում, Ա. Ա-ի առաջին բանասիրականը ապուած է «Մեզու Հայաստան»-ի լրագրի 1881 մայիս 22-ի համարում, և այդ օրից սկսած գրում էր և՛ «Մեզու»-ի մէջ և՛ «Նոր-Դար»-ում տալով յօդուածներ և պատկերներ գիւղական կեանքից, Առանձին գրքով լոյս են տեսել ա) Մուսիկի գանգատը Տ. 1890 և բ) Բնախօսութիւն (թարգմ.) Տ. 1881, Ա. Ա. վերջերս չի գրում գրական մենաշնորհի գաւակների շրջանումը չը լինելու պատճառով,

ԱԳՈՆՑ Հ. ՍՏԵՓԸՆՈՍ (Քիւմէր).—Մ. Վտ. Մխ. ծն. Տրանսիլվանիոյ Ժուրճով ք. 1740 նոյեմբ. 20-ին. 1757-ին զրկուեցաւ Վենետիկ, ուր ուսաւ և 1763-ին վրդ. ձեռնադրուեցաւ. 1785-ին արքայի փոխանորդ ընտրուեցաւ, 1800-ին արքա. 1804 Հռոմում եպ. ձեռնադրուեցաւ «Միւնիաց» անուամբ: Վխճ. 1824 յունուար 24-ին Վենետիում, Գր. վաստ.—(քոլորը տպուած Վենետիում).—ա) Ծարտասանութիւն 1775. բ) Աշխարհազրութիւն 11 հար. 1802—16. գ) Պատմութիւն վարուց Մխիթարայ 1810. դ) Տեսութիւն հին և նոր կտակարանի 1819, 1824.



ԱԿԱՄԵԸՆ ՊԵՏՐՈՍ.

— Հայ թատրոնի յայտնի դերասան, ծն. Կ. Պօլսի Գաղատա թաղում 1849 (ասում են և 1850)-ին. 8—9 տ. հասակում նրան տուին թաղական վարժարան, սակայն Պեարոսը չը հետաքրքրուելով դպրոցով, 14 տ. սկսեց այցելել Արևելեան թատրոն.

Առաջին անգամ բեմ դուրս գալով «Վիլհէլմ աշխարհակալ»-ի մէջ մի սպայի դերում, այնքան ազդու կերպով արտասանել է

իր միակ ասելիք «մեռիր դաւաճան» խօսքերը, որ միանգամից իրեն սպասելիք ապագայի վճիռ է տուել, Առաջին անգամներ խաղալով Ս. Հէրիմանի առաջնորդութեամբ, 1867-ին բեմ դուրս եկաւ իրրե դերասան, 1869-ին խաղալով Վարդովեանի խմբումը, անցաւ Ռուսաստան՝ Նորնախիջկան, ուր մի շարք ներկայացումներ տուեց, Այգաեղ լսելով, որ Պ. Պօլսի հրդեհը լափել է իր հօր կարողութիւնը՝ Պօլիս վերադարձաւ։ 1879-ին Տփլիսից ստացած հրաւերի համաձայն եկաւ Կովկաս, ուր «Սէր առանց համարման» թատերախաղով հիմք դրեց մի շարք ներկայացումների՝ Կարճ ժամանակում Աղամեանի անունն այնքան ընդհանրացաւ, որ թատրոնը լըցւում էր ոչ միայն հայերով, այլ և օտարազգիներով։ 1880 և 81 թ. ամառները նա անցկացրեց Կովկասեան գաւառական հայաքաղաքներումը, իսկ 1882-ին գնաց Ռուսաստան և խաղաց ն. Նովգորոզ, Մոսկուա և այլ քաղաքներում \*): 1884-ին Պ. Ա. սկսեց խաղալ Պետերբուրգում (Ուրիէլ Ակոստա, Համլէտ, Կորբաղօ ևն) ուր մեծ յաջողութիւն գտնելով, այցելեց բազմաթիւ մեծ քաղաքներ և վերջապէս

\*) 1883 թ. ուսւ թերթերը, Աղամեանի Համլէտը հաւասարեցնում են Ռոսիների և Մալվինի խաղի հետ, մի քանիսն աւել են գտնում, իսկ նրա կատարած Արբենինը— Լեբմոնտովի «Թիմակահանդէս»-ում ապշեցրել էր ուսւ հասարակութեան։

1886-ին նորից Տփլիս եկաւ, ուր խումբ կազմելով Վլադիկավկազով նորից Ռուսաստան գրնաց, իսկ ձմեռուան թատերաշրջանին խաղաց Տփլիսում: 1887-ին Բաթումով կրկին Ռուսաստան գնաց այցելելով Կէրչ, Սիմֆերոպոլ, Թէոդոսիա և Յդեսսա, իսկ 1888-ին Ելիսաւէտգրադ, Մոսկուա և Կազան և նոյն տարին գնաց Կ. Պօլիս, ուր նշնալէս խումբ կազմելով սկսեց խաղալ դադդիական նոր թատրոնում: Այնտեղի յաջողութիւններից ոգևորուած, 1889-ին անցաւ Զմիւռնիա և մի շարք ներկայացումներ տուեց, սակայն այնտեղից արդէն հիւանդ Կ. Պօլիս վերադարձաւ: 1890-ին թիշկիները յայտնեցին, որ նա թորախտ ունի: Կ. Պօլսի ռուսաց դեսպանը, որ Ազամեանին անչափ սիրում էր, սկսեց այդ հիւանդութեան առաջն առնել տեղաւորելով նրան ռուսաց ս. Նիկողայոսեան հիւանդանոցում, սակայն չը նայած ամենամեծ և լուրջ խնամքին՝ Ազամեանը չը կարողացաւ մնալ հիւանդանոցում, դուրս եկաւ և 1891 յունիսի 2-ին մեռաւ Կ. Պօլսում:— 1888 դեկտ. 3-ին տօնուեցաւ նրա բեմական գործունէութեան 25-ամեայ յօրելեանը: Ազամեանը շատ անգամ խաղացել է ռուս և այլազգի դերասանների հետ իր դերը խաղալով հայերէն և կամ ֆրանսերէն, փորձել է ռուսերէն խաղալ, սակայն չի յաջողուել: Պ. Ա-ը և՛ նկարիչ էր և՛ բանաստեղծ և՛ վիպասան, լիզուտրան, քննադատ և այլն, նա խաղում էր

Համլէտ, Քին, Կօրրադօ, Յօսելլօ, Ուրիէլ Ակօստա, Լիր, Նարցիս և այլն: Գր. վաստ.—ա) Շէքսպիր և իր Համլէտ ողբերգութիւնը. Տ. 1887. բ) Նատակներ առ Սանդրօ և Բարեաւ մնաց իմ յոյսեր, Տ. 1894. գ) Անկոչ Տիր (վէպիկ, տպ. Հանդէս գրակ. և պատմ. մէջ 1888 թ.): Նրա մնացեալ գրուածքներն մի մասը ժողովուած է «Քերթուածք և թարգմանութիւնը» գրքումը, Վենետիկ 1896.

ԱԳԵԼԵԱՆ (ԱԶԱՐԻԱ ԳԵՆԵԻԼԵԱՆ).—Երիտասարդ բելլետրիստ. Հին-նախիջկանցի, աւարտեց Քիզալի պօլիտեխնիկում ոսկէմեդայով և ուսուցչութիւն արեց Երևանի թեմ. դպ.: Աւսանողական կեանքից չարքաշ և չքաւոր կեանք վարելով թորախտով հիւանդացած վերադարձաւ Կովկաս: Մ. 1903 նոյեմբ. 10-ին Հ. Նախիջկանում 30 տ. հասակում: Աղելեանը նախկին «Մուրճ»-ի գլխ. աշխատակիցներից մէկն էր և ղեկավարում էր վէպիկներ և պատկերներ Աղելեան կեղծ անուան տակ: Աշխատակցել է նաև հայերէն ուրիշ պարբերութիւններին: Գր. վաստ.—Սկեսուրը Տ. 1899:

ԱԶԱՐԵԱՆ ՍՏԵՓԱՆՈՍ (ԳԵՏՐՈՍ Ժ-րդ).—Տանկահայ կաթողիկոսների կաթողիկոս-պատրիարք, ծն. 1826 ղեկտ. 19-ին: Կրթ. ստացաւ Վեննայի Մխիթարեանց վանքում և կուսակրօն եղաւ:

1886-ին ընտր. կաթողիկոս: Վ.խճ. 1899 ապրիլ 19-ին Կ. Պօլսում: Իր եղբոր Արիստակէս Ազարեանի հետ, որը նոյնպէս ուսաւ Վեննայում ե առևտրական ասպարէզ մտաւ. կազմել է *Բառարան Եռնարէն-Իտալերէն-Հայերէն-Տաճկերէն*, Վեննա 1848 թ. ևն.

ԱԶԱՐԻԱ ՀԻՆ ԶՈՒՂԱՅԵՑԻ.— Սսի կաթողիկոս, ընտր. 1584-ին, սակայն գիտնական կոչուած Տիրատուր և Յովհաննէս վարդապետներն Աթոռի համար խռովութիւն ձգելով՝ Ազարիան ստիպուած եղաւ թողնել Սիսը և գնաց Կ. Պօլիս, ուր ընտր. պատրիարք, սակայն 1591—92 թ. հազիւ մի տարի մնալով պատրիարք, զիջաւ կիլիկեցոց թախանձանքին և վերադարձաւ Սիս, ուր զեռ շէին դադարել խռովութիւնները: Վ.խճ. 1601 յունիս 2-ին Սսում:

ԱԶԱՐԻԱ ՆՈՐ ԶՈՒՂԱՅԵՑԻ. — Վարդապետ տոմարագէտ: Դաւիթ և Մելքիսեղեկ կաթողիկոսների օրով սա նոր տոմար կարգադրեց տարեմուտը նշանակելով 1616 թ. մարտ 21-ից (1904 թ. Ազարիայի 289 թուականն է): Այս տոմարը զործ էր ածուում նոր Զուղայի հայոց մէջ և զեռ այժմ էլ հետքեր են մնացել: Առջին ամիսն է Զամս, որի 1-ը հաւասար է մարտ 21-ին: Ամիսների անունները. Շամս, Ադամ, Շրաթ, Նախայ, Ղամար, Նաթար, Թիրայ, Դա-

մայ, Համիրայ, Արամ, Ուլտան, Նիրհան, որոնք ունեն 30-ական օր և Աւելեայ, որ 5 օր ունի հայկական ամիսների պէս:

ԱԶԲԱՐ ԱԳԱՄ.—Հայ աշուղ, ծն. Երևանում 1816-ին պարսկաստանցի ծնողներից: Փոքր հասակից գիր կարդալ սովորելով՝ սկսեց երգեր շարագրել, սակայն զուրկ լինելով նիւթականից սկսեց զբաղուել կօշկակարութեամբ: Նա շուտով երգչի հռչակ ստացաւ և խնջոյքների զարդ դարձաւ: 1843-ին ամուսնանալով արհեստը թողեց և սկսեց աշուղութեամբ զբաղուել: Մ. 1846-ին (ըստ Լևոնեանի «Հայ աշուղներ»-ի 1844-ին): Նրա բանաստեղծութիւններն ու երգերը ցրուած են այս ու այն ժողովածուների և հանդէսների մէջ: Նշանաւոր են նրա Ակոռի կործանումը, Մեծ ու փոքր Մասիսների վէճը և այլն:

ԱԶՆԱԻՈՐԵԱՆ ԿԱՐԱՊԵՏ ԱՄԻՐԱ.—Տաճկահայ նշանաւոր հայերից մէկը, երբեմն արքունի սեղանաւոր և ազգային-պատրիարքական գործիչ, ծն. 1745-ին, մ. 1853 փետր. 24-ին 108 տարեկան:

ԱԶՆԱԻՈՐԵԱՆ. 2. ԲԵՐՈՎԷԷՆՆ Կ.—Մ. Վտ. Մխ., ծն. Կ. Պօլսում 1791 փետր., ուսաւ Վենետիկի վանքում և 1814-ին վարդ. ձեռնադրուեցաւ: Վխճ. Կ. Պօլսում 1843 ապրիլ 4-ին: Թարգմ.

(տաղ. Վենետիկում).—Պօսուէի՝ Խօսք ի վերայ ազգաց 1841, Փլօրի՝ Կենցաղ Իսրայէլացոց ևւ Զրիստոնէից: Հայերէնից Իտալերէն է Թարգմանել Կ. Ղ. վ. Ինճիճեանի Ամարանոց Բիւզանդեան 1831:

ԱԼԱԲԱԹԵԱՆ ՆԻՎՈՂԱՅՈՍ.—Փայիանեան օրիորդաց ուսումնարանի հիմնադիրներից մէկը, Տփլիսիցի: 1856-ին աւարտելով Տփլիսի գիմնադիան դնաց Մոսկուա, ուր ուսումնաւարտելով 60-ական թուականներին Տփլիսի եկաւ և 1868-ին քաղաքային ընտրութիւնների ժամանակ աւագ ներկայացուցիչ ընտրուեցաւ, իսկ Երևմիա Արծրունու հրաժարումից յետոյ 1<sup>1</sup>/<sub>2</sub> տարի քաղաքապետի պաշտօն վարեց: Երբ 1869-ին միտք յղացաւ Փայիանեան օրիորդաց ուսումնարան հիմնելու, նա մասնակցեց հիմնադիրների խմբին և սկսեց աշխատել ուսումնարանի նիւթական ապահովութեան համար: Մ. թուրախտից 1875 յուլիսի 25-ին Տփլիսում: 1858 թ. երբ մի խումբ պատանիներ թատերասիրաց խումբ կազմեցին և հայերէն ներկայացումներ էին տալիս, նա գրեց մի կատակերգութիւն— «Ղա՛յ իմ՝ կորած 50 ոսկի» վերնադրով, որ երկար խաղացում էր հայոց բեմի վրայ:

ԱԼԱՃԱՃԵԱՆ ՀԵՄԲԵՐՉՈՒՄ.—Տաճկահայ նշ. հրատարակախօս. 1860 թ. յունուարից սկսեց

Փունջ անունով շարաթաթերթ հրատարակելի  
 Կ. Պօլսում, որը լոյս էր տեսնում շարաթ օրե-  
 րը, 1864-ին փորձ արեց *Փնջիկ* վերնագրով  
 մի յաւելուած տալու, սակայն մի քանի համար  
 տալով ընդհատեց: 1892-ին Փունջը մի առ ժա-  
 մանակ դադարեց և ցարդ հրատարակուամ է: Հ.  
 Ա-ի այլ գր. վաստ.— ա) *Նեկտարինէ կոյս նա-  
 հատակ*, Կ. Պ. 1861. բ) *Հաւարածոյ հայկական  
 ասացուածոց* Կ. Պ. 1862 և այլն:



ԱԼԵՄԳԱՐԵԱՆ ՅԱՐՈՒ-  
 ԹԻՒՆ Վ. — Բանաստեղծ,  
 ծն. Աստրախանում 1796  
 սեպտ. 25-ին: Նրա պապը  
 Խօյի Խանի ալամդար (դրօ-  
 շակակիր) լինելով՝ նրա  
 ցեղը Ալամդարեան կոչուե-  
 ցաւ: Մկրտութեան անու-  
 նը Գէորգ էր, որի համար

մինչև քահանայանալը Գէորգ զպիր էր կոչուում:  
 Կրթ. ստացաւ տնային ուսուցիչներէ մօտ, իսկ  
 14 տ. մտաւ Աստրախանի Աղարաբեան դպ.,  
 աշակերտեց Սերովբէ վարժ. Պատկանեանին:  
 Նփրեմ արքեպ. (յետոյ կաթողիկոս) Աստրախա-  
 նի առաջնորդ եղած ժամանակ որդեգրեց նրան  
 և ուրարակրի աստիճան տուեց: 1813-ին ա-  
 մուսնանալով Լազարեան ճեմ.-ի հիմնադիրնե-  
 րից հրաւիրուեցաւ նոր բացուելիք ճեմ.-ի ու-

սուցչի պաշտօնով: 1814-ին քահ. ձեռնադրուելով Յարութիւն անուանուեցաւ: 1821-ին այրիացաւ և տեղափոխուեցաւ Աստրախան: Այնտեղ էլ երկար չը մնաց և ներսէս Աշտարակեցու հրաւիրմամբ զնաց Տփլիսի նորարաց ներսիսեան զպրօցի տեսուչ և ուսուցիչ: ներսէս արքեպ. ուս-սլարսկական պատերազմի պատճառով ստիպուած լինելով թեմը թողնել՝ Ալամդարեանին վեղար տուեց և Տփլիսի թեմի ժամանակաւոր կառավարիչ նշանակեց, ինքը ուս գօրքի հետ հայկական գօրագնդով զնաց պատերազմ: Այ. այս պաշտօնում մնաց մինչև 1828 թ.: ներսէս արքեպ. Բեսարաբիա տեղափոխուելով, Այ. ուղարկուեցաւ Հաղրատի ս. նշան, ուր նա հիւանդութիւն քաշեց \*): Հիւանդութիւնից կազդուրուելով՝ 1831 օգոստոսին զնաց Տփլիսիսկ այնտեղից էլ Քիշինև ներսիսի մօտ: ներսէս արքեպ. իր մօտ սահեց նրան և նրա արած ծառայութիւնների համար ս. Աննայի ասպետանշանով վարձատրել տուեց: 1833-ին Այ. նշանակուեցաւ ն. նախիջևանի ս. Խաչ վանքի վանահայր և 1834 մայիս 24-ին լոյս 25-ին աւագակներից կողոսպտուելով՝ սպանուեցաւ ու թաղ. եկեղեցու աշակոզմեան դրան մօտ: Գր. վաստ.

---

\* ) Այդտեղ է երգել և գրել 1831 ապրիլին «Յամսալներջն Ապրիլի զպատուհանս քացի» երգը, որի մէջ երևի իր կրած նեղութիւններն է կամեցել պատմել:

—ա) Հրահանգ Բրիտ. վարդապետութեան Մ. 1847, ք) 31 Բանաստեղծութիւն (գրարար, որոնց մեծ մասը երգոււմ է) հրատ. Ք. Պ. ՍՊԲ. 1884:



ԱԼԷԷԹՃԵԱՆ ԳՐԻ-  
ԳՈՐԻՍ ԵՊ.— ծն. Կ.  
Պօլսում 1840-ին ուր  
ուսաւ և վարդապետ  
ձեռնադրուեցաւ: 1879  
ապրիլ 13-ին եպիսկ.  
ձեռն: Կիլիկիոյ Մը-  
կըրտիչ կաթ. մահաց  
յետոյ ընտր. կաթո-  
ղիկոս, սակայն այլ և  
այլ հանգամանքներից  
ստիպուած չ'արժա-

նացաւ այդ կոչմանը: Վերջերս Սկիւտարի ս.  
Խաչ եկեղեցու քարոզիչ նշանակուեցաւ և նոյն  
պաշտօնում վիսճ. 1899 օգոստոս 15-ին: Գեո  
աշխարհական ժամանակ՝ 1863 թ. Կ. Պօլսում  
սկսեց հրատարակել «Թոնչնիկ Պիգասեան» ա-  
նունով հնգետասնօրեայ հանդէս, որը յաջողու-  
թիւն չ'ունեցաւ և մի քանիտեարներ տալուց  
յետոյ նոյն տարին դադարեց:

ԱԼԷՔՍԵՆԵԱՆ Հ. ԶԵՔԵՐԻԱ Վ.— Մ. Վտ.  
Մխ., ծն. Ակնում 1711 մայիսին: 1735-ին վարդ.  
ձեռն.: 1749-ին Մխիթարի մահաց առաջ քա-

րողչի պաշտօնով Կ. Պ. զրկուեցաւ և մահից յետոյ վերստին Վենետիկ գնաց արբայի ընտրութեան մասնակցելու: Նորընտիր արբան նրան կրկին Կ. Պօլիս զրկեց: 1786-ին վերջնականապէս Վենետիկ վերադարձաւ, ուր վիճ. 1793 զեկտ. 31-ին: Թարգմ. (տպ. Վենետիում)—ա) Կշիռ ժամանակի 1750, բ) Զրիստ. վարդապետութիւն Բելարմինտի 1770, գ) Գիրք հրաշից ս. Աստուածածնի 1772 և այլն: Սա է կազմել Մխիթարի երկհատոր բառգիրքի մէջ—Բառգիրք յատուկ անուանց Աստուածաշունչ գրոց (տպ. 1749):



ԱԼԷՔՍԱՆԵՆՑ ՏԻ-  
ԿԻՆ ՄԱՐԳԱՐԻՏ.—Գե-  
ղազրոյ հայ կին, Ղա-  
րարաղցի կալուածա-  
տէր Ումրբի բէկ Յհա-  
նեանցի աղջիկը, ծն.  
Ջուշում 1838-ին և  
ուսաւ տեղւոյն Կու-  
սանաց անապատի Ա-  
րիւ կոչուած կոյս Ե-  
ղիսարէթ Սարգսեանի  
մօտ: Փոքր հասակից  
ձեռագործ է սիրել:

Մի անգամ աղգականների հետ Տաթևայ վանքը ուխտ գնալով և տեսնելով եկեղեցական նրբա-

գործ-ասրղնագործ զգեստներն ու Գրիգոր Տա-  
թևացու ձեռագիր զեղեցիկ Աւետարանը, որ  
ըստ աւանդութեան Տաթևացու քոյրն է գրել,  
լանդրում է որ իրեն տան՝ գրութիւնը տեսնե-  
լու, սակայն մերժում է ստանում ասելով՝ որ  
կինը իրաւունք չունի եկեղեցական սրբութեան  
դիպչելու: Այդ օրուանից նրա մէջ միտք է յղա-  
նում գրել մի այդպիսի Աւետարան: Այդ օրուա-  
նից նա սկսեց ժողովել ձեռագիրներ, սկսեց  
ուսումնասիրել հայկական ծագկագրութիւնն ու  
զեղագրութիւնը: 1851-ին ամուսնանալով Գեա-  
րոս Ալէքսանեան վաճառականի հետ դարձեալ  
շարունակեց իր սիրած գործը և զեղագրութեան  
մի տետր կազմելով՝ 1862-ին զրկեց վենետիկ  
տպելու, որի համար Մխիթարեանները 6000  
ֆրանք պահանջեցին, սակայն մնաց անտիպ  
ամուսնու զրամական մի ձախորդութեան պատ-  
ճառով: 1868-ին Հայկական զեղագրութիւն վեր-  
նագրով մի տետր էլ կազմեց, որի երեսի վրայ  
Չուշու նոր թաղն է նկարած, իսկ մէջը կան ս.  
զրքից զանազան պատկերներ, հայկական ծագ-  
կագրերի ու հասարակ գրերի բազմաթիւ օրի-  
նակներ: Այս տետրը տպ. Տիփսիսում 1891-ին,  
նա զրեց մի Աւետարան \*) որի վրայ 5 տարի

\*) Այս աւետարանի մասին ցանկացողը թող կար-  
դայ 1886 թ. «Արձագանք»-ի № 22 և մեր յօդուածը  
Փարիզի «Բանասէր» ամսագրում (1903 զեկտեմբերի

է աշխատել և 1886-ի Մեռանօրհնէքին նուիրեց  
 ս. Էջմիածնի թանգարանին. Կաթողիկոսը մեծ  
 համակրանքով ընդունեց այդ անգնահատելի  
 նուէրը և օրհնութեան ու գոհունակութեան կոն-  
 դակով պատուեց տիկ. Մ. Ա-ին, Սրանից մի  
 օրինակ էլ գրելով նուիրեց Շուշու Ասղանշե-  
 ցոց եկեղեցուն. 1898-ին աչքացաւով հիւանդա-  
 ցած եկաւ Յփխիս և շնորհիւ ակնարոյժ Տար-  
 տաթէի բժշկուեցաւ. 1902 մարտի 27-ին մե-  
 աւ և նոյն ամսի 30-ին Վեհափառ կաթողիկո-  
 սի հրամանով Ասղանշեցոց եկեղեցու բակումը  
 թաղուեցաւ.

ԱԼԹԸՆԵԱՆ ՅՈՎՀԱՆՆԷՍ.—Փրանսիա տորո-  
 նի մշակութիւն մտցնողը, մի պարսկահայ գիւ-  
 դապետի որդի, ծն. 1709-ին. Փոքր հասակում  
 ծնողներէր կողացուելով իբրև գերի ծախուե-  
 ցաւ և տարուեցաւ Փոքր Ասիա, ուր սկսեց աշ-  
 խատել տորոնի և բամբակի ցանքսերում ու  
 գործարաններում, Մի օր էլ թողնելով իր գոր-  
 ծը, փախաւ Զմիւռնիայի ֆրանսիական հիւպա-  
 տոսարան, որտեղից գնաց Մարսէյ, իր հետ  
 տանելով տորոնի հունար \*): Մարսէյում ա-  
 մուսնանալով մի ֆրանսուհու հետ, որը 60,000

համարը). իսկ կենսագր. տեղեկութիւնները «Հայկական  
 գեղագրութեան» մէջ, 1902 թ. «Տարագրում և այլն»

\*) Այն ժամանակ Տաճկաստանից տորոնի հունար  
 գուրս տանողը մահուան էր դատապարտուած:

Ֆրանք գրամօժիտ ունէր, անցաւ Վերսայլ և ներկայացաւ Լուի ժե-ին ու յայանեց իր գործի մասին. Լուի ժե. նրան պաշտօն տալով յանձնարարեց մետաքսի մշակութեան նոր եղանակը մտցնել Ֆրանսիա, Ալթրենեանն այս գործումը մասուելով, թողեց պաշտօնն և՛ քաշուեցաւ Աւենիոն քաղաք, որտեղ սկսեց տորոնի մշակութիւնը: Մ. 1774-ին շքաւորութեան մէջ, սակայն այժմ Աւենիոնի գաւառը տարէն 20 միլիոն Ֆրանքից աւելի արժողութեամբ տորոն է արտահանում: 1846-ին Աւենիոնում նրան արձան կանգնեցրին: Հարաւային Ֆրանսիայում մի բոյս է մշակւում, որ նրա ազգանունից վերցրած althemie է կոչւում:

ԱԼԹՈՒՆԵՆԸ ԱՐՉԱԿ.— Տաճկահայ գրագէտ, ծն. Կ. Պօլսում 1850 յունուար 3-ին: Ուսաւ Պէզնեան վարժարանում և սկսեց ծառայել հայ վաշաների մօտ իբրև գանձապահ: 70-ական թուականներին ճանապարհորդեց Մօլտօ-Վալախիաում, անցաւ Հունգարիա և Լեհաստան և ծանօթացաւ տեղական հայոց ներքին կեանքի հետ: 1895-ին իբրև վտարանդի թողեց Տաճկաստանը և անձաւ Եգիպտոս, որտեղ մնում է ցարդ: Գր. վաստ. — ա) Տեղագրութիւն հայոց գաղթականութեան որք ի Մօլտօ-Վալախիա, Հունգարիա և ի Լեհաստան, Փօքշան 1877. բ) Սիրոյ

գոհը Կ. Պ. 1887 և Կ) Աղքատին պատիւ (երեք մաս) Գահիրէ 1903 \*):

ԱԼԹՈՒՆ ՏԻՒՐՐԻ ԱՌԱՔԵԼ. — Տաճկահայ թատրոնական գործիչ, ծն. Գահիրէում (Եգիպտոս) 1840-ին: Հազիւ 18 տ. էր, երբ նա երեաց հասարակութեան մէջ և 1859-ին քանի մի ընկերների հետ հիմնեց Կ. Պօլսի մէջ Խասրէոյի թատրոնը, իսկ յետոյ էլ Բերայի Արևելեան թատրոնը, որը մեծ դեր է խաղում տաճկահայոց թատերական պատմութեան մէջ: Մ. Կ. Պօլսում 1886 մայիս 26-ին:


ԱԼԹՈՒՆ ՏԻՒՐՐԻ ԱՐԻՍՏԱԿԷՍ. — Ծն. 1804 մարտ 18-ին Գահիրէում, ուր մտնելով պետական ծառայութիւն մեծ պաշտօնների հասաւ և վերջը Եգիպտոսի գլխաւոր պաշտօնատար եղաւ, միևնոյն ժամանակ էլ խմբագիր Եգիպտոսի պաշտօնաթերթի: Իր կեանքի վերջին տարիներն անցկացրեց Կ. Պօլսում, ուր նշանաւոր

\* Նեղագրութիւն գիրքը թէպէտ իր վրայ Փօքշան է կրում, սակայն տպուած է Կ. Պօլսում և որովհետև առանց գրաքննիչի, ուստի և տպագրութեան տեղը կեղծուած է: Մենք այս յիշում ենք որպէսզի ապագայում Հայկական տպագրութեան պատմութիւն գրողը գերծ մնայ սխալից: Այսպէս էլ բազմաթիւ դժբեր կան, որոնք տպուած են Կ. Պօլսում, սակայն երեսի վրայ գրած է Փօքշան, Կալաց, Փարիզ և այլն:

եղաւ իբրև սպարիտարքական—ազգային գործիչ։  
Մ. Կ. Պօլսում 1868 յունուար 2-ին։

ԱԼԻԽԱՆԵԱՆ ԻՍԱՀԱԿ.—Երիտասարդ գերասան, ծն. Դուշէթում 1878-ին։ Կրթ. ստացաւ ներս. դպ., ուր 1896-ին ուսումնաւաւարտելով նոյն տարուայ վերջը առաջին անգամ բեմ դուրս եկաւ և շարունակեց մասնակցել ինչպէս գերասան։

ԱԼԻԽԱՆԵԱՆ ՆԻԿՈՂԱՅՈՍ.—(Անկարող եղանք տեղեկութիւններ հաւաքելու) գրել է *Երուանդ Բ. ողբերգութիւնը*, տպ. Տ. 1888-ին, որ շարունակ խաղացում է հայ բեմի վրայ։



ԱԼԻՉԱՆ Հ. ՂԵՒՈՆԴ  
Մ. Վ.—Հանրագէտ Մր. Վ. Մ. Մ. Մ., ծն. Կ. Պօլսում 1820 յուլիսի 6/18-ին (Մկրտ. անունը Քերովրէ)։ 1832-ին հ. Մրկըրտիչ Վ. Ազեբեանը նրան Վինետիկ տարաւ, ուր վանքի դպ. աւարտելով 1836-ին վանական դառնալով Ղևոնդ վերակոչուեցաւ, իսկ 1840 յունիս 7-ին վարդապետ ձեռնադրուելով՝ քիչ յե-

տոյ Ռաֆայէլեան վարժարանի ուսուցիչ կարգուեցաւ: 1849-ից մինչև 1852 վարեց Բազմավէպ'ի խմբագրի պաշտօնը: 1850-ին, իր ապագայ աշխատութիւնների համար նիւթեր յժողովելու նպատակով Հռոմ գնաց, ուր Վատիկանի դիւանում հետազօտութիւններ անելուց յետոյ Վ.տ. վերադարձաւ: 1862-ին նոյն նպատակով այցելեց Լոնդոն, Վեննա, Բերլին, Փարիզ և Եւրոպայի այլ մեծ քաղաքներ, և ամեն տեղ մատենադարաններում աշխատելով բազմաթիւ քաղուածոյ նիւթերով 1853-ի մայիսին հասաւ Վ.տ., ուր Ռաֆայէլեան վարժարանի տեսչի օգնական նըշանակուեցաւ, իսկ Կ. Ռ. Թրեանի 'մահից յետոյ' 1866-ին տեսուչ, որ պաշտօնում մնաց մինչև 1872 թ.: Բացի այս միևնոյն ժամանակ վարել է նաև աթոռակալի, գործակալի և այլ պաշտօններ: Գէորգ վ. Հիւրմուզի մահից յետոյ միաբանութիւնն ուղեց նրան ընտրել արքա, սակայն զիջան նրա ազաշանքին, և շընտրեցին, որովհետև սպառնաց վայր դնել զրիշը: 1890 մայիս 3-ին տօնուեցաւ նրա գրական գործունէութեան յիսնամեակը: Վ.խճ. 1901 նոյեմբեր. 9/21-ին. կարճատև հիւանդութիւնից յետոյ: Հ. Ալիշանը Եւրոպական բազմաթիւ գիտական ընկերութիւնների թղթակից անդամ էր: Նրա գրական գործունէութիւնն սկսում է քահանայանալուց, իսկ 1843-ից Բազմավէպ'ի գլխաւ. աշխատակից եղաւ Հ. Ղ. Մարգար, Նահապետ,

Ալիշանեան և այլ ստորագրութիւններով: Ալիշանը հիմնաւորապէս գիտէր բոլոր Եւրոպական հին և նոր լեզուները, նաև Տաճկերէն, Արաբերէն, Ասորերէն, Եբրայեցերէն ևայլն: Նրա երկերը զարգարուած են բազմատեսակ սլաոկերներով, քարտէսներով, նմանահանութիւններով ևայլն և գիտնական, լուրջ ու անօրինակ աշխատութիւններ են: \*) Գր. վաստ.—(տպ. Վենետկում.). ա) Աշխարհագրութիւն քաղաքական 1854. բ) Նոր Հայաստան 1855. գ) Նուազք (5 հատոր բանաստեղծ.) 1857—88. դ) Հայոց երգք Ռաւկականք անդլ-հայ 1852—67. ե) Նմանութիւն Ս. Ալրզիոսի 1853. զ) Յուշիկք Հայրենեաց Հայոց. 2 հատոր 1870. է) Նշմարք եւ նշխարք Հայաստանի. 1870. ը) Տեղագրութիւն Շիրակայ 1881. թ) Շնորհայի եւ պարագայ իւր 1873. ժ) Ընդ Եղեւնեաւ 1874. ժա) Մնունդք սրտի եւ հոգւոյ 1888. ժբ) Յոյցք Աստուծոյ 1885. ժգ) Աղօթք արեղայի 1876. ժդ) Ռակեզերք (Թարգ.) 1878. ժե) Սիսուան, համագրութիւն հայկական Կիլիկիոյ եւ Լեւոն Մեծագործ 1885. ժզ) Այրա-

\*) Չը նայած այն հանգամանքին, որ Ալիշանը աշխատանքի լուրջ գինուոր էր, այնուամենայնիւ նա իր գրուածքներումը իր համոզման հակառակ ստիպուած է եղել մեղանշելու Հայաստանեայց Առաքելական եկեղեցու դաւանութեան դէմ ինչպէս իր նախորդը՝ Ն. Միրայէլ վ. Չամչեանը, որը աւելի բարեխիղճ գտնուեցաւ և «Կահան հաւատոյ» տետրով «մեղանշ» կանչեց:

րատ քնաշխարհ Հայաստանեայց 1890. ժէ) Սի-  
 սական, տեղագրութիւն Սիւնեաց աշխարհի. 1893.  
 ժբ) Հայ-Քուտակ կամ Հայկական ըրտարարու-  
 թիւն 1895, ժթ) Տեղեկագիր Հայոց Մեծաց 1855.  
 ի) Հայ-Վենետ. 1896. իա) Հին հաւատք հայոց  
 1895. իբ) Աշխարհագրութիւն Հայաստանի (տետր)  
 1853. իգ) Հայկական աշխարհագրութիւն 1881.  
 իդ) Սոփերք Հայկականք 1853—61. (22 հատո-  
 րիկ, որոնց մէջ ժողովուած են այլ և այլ ճա-  
 ռեր, վարքեր այլևայլ ձեռագիրներից), իե)  
 Վասն վանորէից որ 'ի Ս. ք. յԵրուսաղէմ. (Ֆրանս.  
 թարգմանութեամբ) 1896. իզ) Կամենից—Տարե-  
 գիրք Հայոց Լեհաստանի եւ Ռումինիոյ 1896.  
 (քաղուած ձեռագիր յիշատակարաններէց, նիւ-  
 թեր Լեհաստանի Հայոց պատմութեան համար).  
 իէ). Արշայոյս Բրիտաննութեան ի Հայաստան  
 1901. իբ) Հայապատում. Բացի այս ունի բազ-  
 մաթիւ թարգմանութիւններ. ա) Զանգակ՝ Աիլ-  
 լէրի 1871. բ) Ընթրիք Յիսուսի, Բոսուէի, 1890.  
 գ) Իմացք 'ի շարշարանս Բրիտոսի, Գ. Պեզմա-  
 ցու 1879. դ) Խտալիա Լ. Բայրոնի 1860 և 90 թթ.  
 ե) Հաղորդասէր հոգի, Բականի 1865. զ) Հրեշ-  
 տակք, Ս. Ալոյ Գոնզաղայի 1892. է) Ռողոլֆ  
 Հաւրերդունի, Լ. Բիւրգերի 1858. ը) Քնար  
 Ամերիկեան (թարգմ. ամերիկեան բանաստեղծ-  
 ներից.) 1874 կայլն. Հրատարակել է Արուսան  
 1895, Լաբուրնիա 1868, Կիրակոս Գանձակեցի  
 1865, վարդան վարդ. 1862. կայլն. Գր. վաստ.

Ֆրանսերէն ա). Le Haïk, sa période et sa fête 1859. *բ*) Tableau succinotde l'Histoire et de la Littérature de l'Arménie 1860. *գ*) Physiographie de l'Armenie 1869. *դ*) L'Armenie pittoresque. *ե*) Sisouan ou l'Armeno Cilicie 1899. *զ*) Ayas, son port et son commerce et ses relations avec l'Occident 1899 *հայլն: Իտալերէն.—ա*) Geonomia armena 1881. *բ*) Elia d' Alessandro 1876. *գ*) L' Armeno-Veneto 1893. *դ*) Vardan il grande 1875. *Անգլիերէն ա*) Armenian popular songs 1852—67. *բ*) Picturesque Armenia 1867. *Գերմաներէն* Das pittoresche Armenien 3 *հատոր* 1893 *հայլն: Անտիպ գրուածքներ.—ա*) Պատմութիւն հայ վանօրէից յիտալիա եւ յերոսաւ. *բ*) Հայաստան նախ քան զՀայաստան մինչեւ ցՄեծն Տիգրան *գ*) Յիշատակարանք հայ գրչագրաց. *դ*) Կոնդակք քահանայապետաց առ Հայս եւ կաթողիկոսաց առ քահանայապետս. *ե*) Մնացորդք Տեղագրութեանց Հայաստանի. *զ*) Հայկականք (8 *հատոր*, հաւաքումն ազրերք հայ պատմութեան և մատենագրութեան): Բացի այս այլհայլ մանր գրուածքներ կրօնական, գրական, պատմական և այլ բովանդակութեամբ:

**ԱԼԻԶԱՆ ՊԵՏՐՈՍ ՄԸՐԳԱՐ.**—Նշանաւոր հայ զրամահաւաք, հրբեմն արքունի սեղանաւոր, ունէր գրամների (որոնց մէջ և հայոց) մեծ և

հարուստ ժողովածու, ծն. Կ. Պօլսում 1775 մ.  
1834-ին:



ԱԼԽԱԶԵԱՆ ՅԱԿՈՅ.—  
Ռուսաց պետութեան  
հայազգի նշ. զինուո-  
րական, չքաւոր ծնող-  
ների որդի, ծն. 1826  
յունուար 1-ին: Ու-  
սումն աւարտեց Տրփ-  
լիսի Զինուորական  
վարժարանում (Ка-  
детский корпус) և  
զինուորական ծառա-

յութիւն մտաւ: 1863-ին մասնակցելով Լեհական  
ապստամբութեան դէմ մղած զործողութիւննե-  
րին. աչքի բնկաւ իր քաջութիւններով և սկսեց  
արագութեամբ առաջ գնալ, իսկ 1874-ին Կով-  
կասի 19-րդ զօրարաժնի հրամանատար նշա-  
նակուեցաւ: 1877-ին. նախ Քուլթայիսի և ապա  
Սուլսումի զօրարաժնի հրամանատար եղաւ—իսկ  
1877—78 Ռուս-Տաճկական պատերազմի ժամա-  
նակ մեծ քաջութիւններ ցոյց տուեց և միննոյն  
ժամանակ Արխաղ, Ռւրուխ, Չափսըղ և այլ լեռ-  
նականների դէմ մղած զործողութիւններին  
գլխաւոր կարգադրիչ զօրապետի պաշտօն կա-  
տարեց: 1885-ին Ռուսական 3-րդ զօրաբանակի  
հրամանատար անուանեցաւ Ռուսիոյ արևմտեան

սահմանների վրայ: 1894-ին հրաժարուելով պաշտօնից, նշանակ. Պետերբուրգի արքունի Զինուորական խորհրդի անդամ, որ պաշտօնում և մեռաւ 1896 նոյեմբեր 2-ին Պետերբուրգում: Մարմինը բերուեցաւ Տփլիս և թաղուեցաւ Վանք—մայր եկեղեցու բակում:

ԱԽՎԵՐԴԵԱՆ ԳԷՈՐԳ.—բժիշկ, ծն. Տփլիսում 1818-ին: 1830-ին զրկուեցաւ Մոսկուա՝ Լազ. ճեմ., ուր 1834-ին ուսումն աւարտելով մտաւ տեղւոյն համալսարանի բժշկական ֆակուլտետ: Համալսարանում նիւթական նեղութիւններ կրելով 1839-ին աւարտեց և Տփլիս վերադարձաւ, ուր զինուորական բժշկի պաշտօն ստացաւ: Զինուորական նախարար Չերնիշևը, որ շատ լաւ ճանաչում էր Գ. Ա-ին, 1842-ին նրան իր մօտ հրաւիրեց անձնական բժշկի պաշտօնով, սակայն Գ. Ա. իր մտքումը դրած լինելով գործել իր հայրենի Տփլիս քաղաքումը, 1846-ին վերադարձաւ Տփլիս և իր հետ բերեց հայերէն գրքերի հարուստ ժողովածու, որ պատահամբ ձեռք էր բերել Մոսկուայում: Տփլիսում նա հետեց իր տոհմական զբաղանութեան պատմութեան, զբաղուեցաւ ձեռագիրներով, որի մի հարուստ ժողովածու կար Հ. և Ա. Էֆէնջեանների մատենադարանում: Նա առանձնապէս իր ուշքը դարձրեց հայոց ժողովրդական բանահիւսութեան վրայ և 1852-ին հրատա-

րակեց Մոսկուայում Սայաթ-Նովայ նշանաւոր  
 երգչի բանաստեղծութեանց ժողովածուն (Ք.  
 տպ. Տ. 1903): Մ. Տփխիսում ծանր շիւանդու-  
 թիւնից յետոյ 1861 նոյեմբեր 17-ին և նոյն  
 ամսի 19-ին [ժաղուեցաւ \*]:

ԵԿՈՂՈՒԹ ԱՆԳՐԷՆՍ.—Գերմանիայում հայ-  
 ազիտութեան-հայկարանութեան սկիզբը դնողը-  
 ծն. Բեռնշտադ ք. 1654 մարտ 6-ին: Դեռ 6 տա-  
 րեկան էր երբ սկսեց երբայեցերէն սովորել և  
 աշակերտեց նշ. արևելագէտ Աւոստոս Փայֆե-  
 րին: Ակոլութիւ ժամանակի ընթացքումը հմտա-  
 ցաւ հին եգիպտական և հայ լեզուներին: Առ  
 հասարակ նա փորձ արեց ապացուցանելու, որ  
 հայ լեզուն եգիպտական ժաղումն ունի, սակայն  
 այդ կարծիքը չընդունուեցաւ: Իր՝ հայոց լեզուի  
 վերաբերեալ աշխատութիւնն տպելու համար մեծ  
 ծախսով հայերէն նշանագրեր ձուլել տուեց:  
 Գր. վաստ.— ա) *Զառայեզու Կուրանք*—Tetrapla  
 alcoranica... (արար. պարսկ. թուրք. և լատին.)  
 Բերլին 1701. ք) *Արդիու հայերէն*. Obadias arme-  
 nus, quo cumanalisi vocum armeniarum grammatica...  
 Լէյպցիգ 1675: Այս գրքումը խօսում է հայ լե-

\*) Ա. Գ. ունեցել է ինչպէս տպագիր, այնպէս էլ  
 ձեռագիր հազուագիւտ հայերէն գրքերի ժողովածու,  
 որոնց մէջ եղել է Գաւիթ-Գանիէլեան վէճերի վերա-  
 բերեալ հետաքրքիր ձեռագիրներ: Ո՛րի մօտ են այդ  
 յիշատակարանները, ժամանակ է տպելու:

զուի ուսման մասին մէջ է բերած Արդիու մար-  
զարէութեան հայերէն թարգմանութիւնն իր կա-  
տարած լատին թարգմանութեան հետ: Բացի  
այս կան տեղեկութիւններ հայոց լեզուի քերա-  
կանութեան վերաբերեալ են:



ԱՀԱՐՈՆԵԱՆ ԱԻԵՏԻՍ.

—Վիպագիր, ծն. Սուր-  
մալու դաւառի (Երևանի  
նահանգ) Իզդիր Մաւայ  
գիւղում 1866 յունուար  
4-ին: Սկզ. կրթ. ստա-  
ցաւ իր մօր մօտ, յե-  
տոյ Իզդիրի ծխ. ու-  
սումնարանում: Ընցնե-  
լով Գէորգ. ճեմ. և 1885-

ին աւարտելով Զ. դասարանի շրջանը՝ հայրենի  
գիւղը վերադարձաւ: 1886-ին հրաւիրուեցաւ  
Իզդիրի ծխ. ուսումն. ուսուցչի պաշտօնով և  
այս պաշտօնը նա վարեց մինչև ուսումնարանի  
փակումը՝ 1895 թ.: Այնուհետև երկու տարի  
մնաց գիւղում անպաշտօն, իսկ 1898-ին ան-  
ցաւ Զվէլյցարիա, ուր Լոզանի համալսարանում  
1<sup>1</sup>/<sub>2</sub> տարի հետեւեց գրականութեան դասախօ-  
սութիւններին: 1900-ին գնաց Փարիզ և սկսեց  
լսել Սորբոնի գրական ֆակուլտէտում: Վե-  
րադառնալով արտասահմանից հրաւիրուեցաւ

«Մուրճ»-ի խմբագրութիւնից իբրև մշտական աշխատակից և անդամ, որ պաշտօն և վարում է ցարդ: Ապրելով Իգդիրում նա տեսնում էր հայ գաղթականութեան լէգէոններն, որոնք արագ արագ փախչում էին Տաճկաստանից Ռուսաստան, և Ա. Ա. իբրև ժողովրդի մարդ, շարունակ շփում էր, հարցնում նրանց շարն ու բարին և ուսումնասիրում *խեղճերի* կեանքը, որոնք նիւթ դարձան նրա վէպերին: Նա սկսեց գրել ուսուցչական ժամանակներից՝ աշխատակցելով «Տարագ»-ին, «Մշակ»-ին և տալով *խեղճերի խեղճ* դրութեան պատմութիւնը: Այդ շրջանին է պատկանում նրա *Հոօ կինը* (տպ. Տ. 1897): Առաջին պատկերը՝ *Պուտըս կաթ*—վերցրած է թուրքահայ գաղթականների կեանքից («Մշակ» 1896): Այս պատկերին հետևեցին *Փռշուրըս խաց*, *Փալագ-Գուրդունի*, *Բաշօն*, *Ռաշիդ*, *Բաղդի խաղեր*, *Հարեւաններ*, *Զնդանում*, *Աքաղաղը և այլն*, որոնք լոյս տեսան Պատկերներ վերջին տարիների թիւրքահայոց կեանքից ժողովածուի մէջ (Մ. 1900 թ.) Ահ. գնալով արտասահման շարունակեց աշխատակցել «Մշակ»-ին, իսկ 1901-ից «Մուրճ»-ին: Ահարոնեանի գրուածքները լի են տանջուած սրտերի ախն ու վախով, գեղեցիկ նկարագրութիւններով և հետաքրքիր են: Բացի վերև յիշուածներից ունի. ա) *Խեղճերը* Տ. 1902 (ժողովածու). բ) *Խտալիայում* Տ. 1904. գ) *Մրրկե*

սուրբը Տ. 1903. դ) Կեանքի դասը Տ. 1903. ե)  
Մայրերը Տ. 1903. զ) Մխիթարեան միաբա-  
նութիւն Տ. 1901. է) Արագ (ժողովածու) Տ.  
1904. ը) Լոռութիւն վէպ Տ. 1904.



ԱՂԱՅԷԳԵԱՆ ՄԱՐԿՈՍ\*).

—Նշ. հայ հրատարա-  
կախօս-խմբագիր. ծն.  
Զմիւռնիայում 1830 թ.,  
Սկզբ. կրթ. ստացաւ  
տեղւոյն ս. Մեսրոպեան  
վարժարանում, իսկ 1843  
թ. ուղարկուեցաւ Փա-  
րիզ՝ Մուրատեան վար-  
ժարան, ուր 1849-ին  
ուսումն աւարտելով վե-  
րադարձաւ Զմիւռնիա

և ընկերանալով Մատթէոս Մամուրեանի հետ  
(«Արևելեան Մամուլ»-ի հանգ. խմբագիրը) մի  
մասնաւոր ուսումն. բաց արեց, որը ժամա-  
նակին մրցում էր ս. Մեսրոպեան վարժարանի  
հետ: Այս մրցումիցն ազատ պահելու համար՝  
վարժարանի վարչութիւնն Աղարէզեանին տեսչի

\* Այս կենսագրութեան համար զիմեցինք տիկ.  
Սրբուհի Երիցեանին, որի եղբայրն է պ. Աղարէզեանը  
և ծննդեան ու ուսման թուականները նրանից ստա-  
ցանք: Պ. Աղարէզեանը մեր նամակին չը պատասխա-  
նեց:

պաշտօն տուեց: Զմիւռնիայից նա Կ. Պօլիս անցաւ և հասարակական գործունէութեան ապարէզ մտաւ և 1859-ին նորընտիր Մատթէոս կաթողիկոսի հետ քարտուղարի պաշտօնով էջմիածին եկաւ: Ներս. դպ. վարչութիւնից ուսուցչութեան հրաւէր ստանալով եկաւ Տփլիս, շփուեցաւ ժամանակակից հայ գործիչ երիտասարդութեան շրջանին և 1860 թ. սկսեց խումբազբել «Կոունկ շայոց աշխարհի» ամսագիրը, որի հրատարակիչն էր Չ. Էֆէնջեանցը: «Կոունկ»ը մեծ դեր է խաղացել մեր պարբերական մամուլի գործում. նրա աշխատակիցներն էին Գ. Մուրատեան, Յ. Կարինեանց, Գ. Ըբրմազանեան, Ե. Բաստամեան, Առաքել Արարատեան, Մ. Մամուրեան, Մելիք-Ազարեան և այլք, որոնք բոլորն էլ յայտնի մարդիկ էին և դեռ այսօր էլ չի կորել նրանց անունը: Ամուսնանալով Գօլգեանի ազգկայ հետ, շորս տարի հրատարակիչուց յետոյ 1864 յունուարից այլ ևս չը հրատարակեց և 1865-ին գնաց Կ. Պօլիս: Այնտեղ էլ համարեան «Կոունկ»-ի ծրագրով սկսեց 1866-ից հրատարակել «Ժիլն Աւարայրի» անունով ամսագիր, սակայն նիւթական անյաջողութեան պատճառով 1867-ին դադարեցրեց: Այդ ժամանակներում, ինչպէս յայտնի է, տաճկահայերը զրադուած էին 1862 թ. տեղի ունեցած Զէյթունի անցրեքով, որի համար կազմուեցաւ Քննիչ Յանձնաժողով և Մ. Ա. էլ ընտրուելով անգամ

1867-ին իբրև քննիչ Ձէյթուն գնաց, որտեղից Պօլիս գնալով՝ նուրար-Չահնազարեան վարժարանի դասատու անուանուեցաւ։ Այդ պաշտօնումն էլ երկար չը մնաց, որովհետև Վանի մեծ հրդեհի պատճառները ստուգելու համար քննիչ նշանակուեցաւ և միևնոյն ժամանակ ընդհանուր վերաքննիչի (պետական) պաշտօնը ստանձնելով գնաց Վան։ Հրդեհի մասին զեկուցումներ տալով, իր պաշտօնը շարունակեց, սակայն քիչ յետոյ գնաց Կ. Պօլիս և մինչև այժմ ապրում է այնտեղ։ Հայոց Միացեալ ընկերութիւնը, որ մի ժամանակ անագին գործ էր կատարում Տաճկաստանում, Մ. Ա-ին յանձնարարեց զրել Հայոց պատմութիւն աշխարհարար և ընդարձակ, որ և կատարեց Աղարէզեանը 14 տարի աշխատելով, բայց այդ կարևոր աշխատութիւնը մինչև այժմ մնում է անտիպ։ Ա. Մ. աշխատակցել է և աշխատակցում է «Լուսնայ»-ին, «Բիւզանդիոն»-ին և այլն։ Գր. վաստակներ. ա) Հայկական թատր. Գարեգին Սրուանձտեաց (4 մասն) Կ. Պ. 1867. բ) Յայտարարութիւն կանտնաց ս. Մեսրոպ. վարժ. Ձմիւռնիա 1858. գ) Թուղթ Հայոց աշխարհի, ազգի եւ եկեղեցու ազգայնութեան մասին առ պատրիարք Տ. Ներսէս արքեպ. Կ. Պ. 1878։ Թարգմանել է ա) Գիլօյի Բաղաբակըթութեան պատմութիւն («Կոունկ»), բ) Ժրագիր պատմութեան Հայաստան աշխարհին Կ. վ. Չահնազարեանի (Ֆրանսերէնից) Տ. 1863. և այլն։

ԱՂԱՐԷԿԿԵԱՆ ԱԻԵՏԻՍ ՂԱԶԱՐ. — Հնդկահայ նշ. վաճառական. Սա մեծ գումարներ է կտակել յօգուտ ազգի և եկեղեցւոյ, նախ առևտուր էր անում Կալկաթայում, յետոյ Կանտոն և Հոնկ-Քօնկում 27 տարի շարունակ, ծն. Կալկաթայում 1827 յունուար 5-ին, մ. Հոնկ-Քօնկ 1877 յուն. 12-ին:



ԱՂԱԹՈՆ ԳՐԻԳՈՐ. — Տաճկահայ նշ. գործիչ, հարուստ կալուածատիրոջ որդի, ծն. Խասպիւղում 1823 յուլիս 4-ին և կրթ. ստացաւ նոյն թաղի ներսիսեան վարժարանում: Փոքր հասակից նրան որդեգրեց ձէզայիրլեան Մկրտիչ ամիրան: Կ. Պօլսում Գր. Ազաթոնը կարողացաւ բացի հայ և թուրք լեզուներից նաև եւրոպական լեզուներ սովորել և 1840-ին Մկրտիչ ամիրան նրան Փարիզ ուղարկեց ուսանելու: Այնտեղ նա մտաւ Կրինեօնի երկրագործական վարժարան, ուր մեծ ընդունակութիւններ ցոյց տալով, տեղւոյն Օսմանեան դեսպան Բէշիզ փաշայից շատ սիրուեցաւ: Ուսումն աւարտելով 1847-ի վերջերը Կ. Պօլիս գնաց, որտեղից 1848-ին ուղարկուե-

ցաւ Այ-Մամայի նորարաց երկրագործական վար-  
ժարանի տեսուչ և ուսուցիչ, սակայն այդտեղ  
երկար չը մնաց և 1849 թ. ձէգայիրլեան ամի-  
րայի անձնական գործերի կառավարչի պաշ-  
տօնը ստանձնեց, 1852-ին նոյն ամիրան սնան-  
կանալով, Գր. Ա. անպաշտօն մնաց և զրական  
ասպարէզ մտաւ իր մասնաճիւղի վերաբերեալ  
յօդուածներ տալով Journal de Constantinople լրա-  
դրին, որոնց համար 1853-ին ֆրանսիական կայ-  
սեր. պարտիզպանութեան ընկերութիւնը նրան  
թղթակից անդամ ընտրեց, Հետզհետէ ծանօ-  
թանալով թուրք նշանաւոր պաշտօնեաների հետ,  
1856-ին Վաճառականական Բարձրագոյն խոր-  
հրդի անդամ ընտրուեցաւ, 1858-ին Սարդի-  
նիոյ Թիւրենի ցուցահանդիսին ուղարկուելով  
Տաճկաստանի կողմից իրրե ներկայացուցիչ,  
տնտեսագիտական բաժնի համար մի քանի  
շքանշաններով վարձատրուեցաւ, Այնտեղից նա  
Փարիզով Կ. Պօլիս գնաց, ուր 1860-ին շքա-  
նշանով վարձատրուած Ելիմտից նախարարու-  
թեան Բարձրագոյն դիւանի անդամ ընտրուեցաւ,  
որի մէջ կարեւոր դեր խաղաց նա և 1862-ին  
Տար իւլ Փինուն թղթաղբամների բարձման հա-  
շուակալութեան սենեկի տնօրէն կարգուեցաւ,  
1864-ին Յաման, Հեռագրական վարչութեան  
տնօրէն կարգուելով, յաջորդ տարին Փարիզ ու-  
ղարկուեցաւ այնտեղի Հեռագրական համաժողո-  
վին մասնակցելու, Այնտեղից վերադառնալով ի-

րեն յանձնուած գործի ծաղկման համար աշխատեց և 1866-ին Յաման. [թղթատարութեան ընդհանուր տնօրէնի պաշտօնն էլ իրեն յանձնուեցաւ և նոյն տարին Հեռագրական միջազգային համաժողովին, Յամանեան պետութիւնից պատուիրակ կարգուեցաւ և մի քանի պետութիւններից ինչպէս նաև Ռուսիայի կողմից շքանշաններ ստացաւ: 1867-ին կրկին Փարիզ գնալով [թղթատարական միջազգային համաժողովին մասնակցելու համար, Յամ. պետութիւնից հրաման ստացաւ աշխատել Տաճկաստանում եղած օտար [թղթատարական տները վերջացնելու հարցը վճռել, որ և յաջողեցաւ, միայն մի քանի դրժուարութիւնների համար չը կարողացաւ Կ. Պօլիս վերադառնալ և միևնոյն ժամանակ հիւանդանայով 1868 [թ. մայիսի 27/4-ին մեռաւ: Մարմինը Փարիզից Կ. Պօլիս տարուելով մեծ հանդէսներով [թաղուեցաւ: Գր. Աղաթոնը իբրև ազգային գործիչ, մեծ դեր խաղաց հայ կեանքումը՝ լինելով հսկող նուպար-Չահնազարեան վարժարանի և 1869-ին մի քանի ընկերներով հիմնեց «Բարեգործական Համազգային բարենպատակ ընկերութիւն Հայոց» և այլն:

ԱՂԱԹՈՆ ՄԿՐՏԻ 2. — Տաճկահայ նշ. գործիչ, լեզուաբան, խմբագիր, Պատրիարքարանի գործօն ժողովական, ծն. 1820-ին (՝), Լինելով շքաւոր ծնողների որդի, հազիւ կարողացաւ

փոքր ինչ կրթութիւն ձեռք բերել այն էլ ինքնակրթութեամբ: ժամանակի ընթացքում կարողացաւ գրական դիրք ձեռք բերել և 1846-ին ընկերանալով ժամանակի նշ. հայկարան Յովհաննէս Տերոյենց Չամուռճեանի հետ՝ սկսեց հրատարակել «Սուրհանդակ Կոստանդնուպօլսոյ» անունով շաբաթաթերթ, որը հայոց պատրիարքարանի կիսապաշտօնական օրգանի զեռ էր խաղում: Նոյն տարուայ յուլիս 1-ից անունը փոխեցին և սկսեցին «Հայաստան» անունով հրատարակել: 1849-ին Չամուռճեանը հեռացաւ և Մ. Աղաթոնը մենակ մնաց իբրև լիազօր խմբագիր, սակայն տարուայ վերջը ստիպուած եղաւ թողնելու այդ ասպարէզը: Այդ ժամանակներից համարեա՛ սկսուեցաւ Սահմանադրութիւն հաստատելու հարցն և Մ. Ա. այս գործումն էլ սկսեց մեծ դեր խաղալ, որով Սահմանադրութիւն հաստատող լամբի մէջ յաւերժացրեց իր անունը: Մ. 1890 նոյեմբեր 23-ին Միտիլիում:


ԱՂԱՄԱԼԵԱՆ ՄԵՐԻԱՄ.—Գուտար երևանցի հայագրի մելիք Սահակի, ամուսնացած էր վրաց թագաւորագն Աղէքսանդրի հետ, մ. 1882 հոկտ. 7-ին և թաղուեցաւ Վանքի Մայր եկեղեցու մէջ:

ԱՂԱՄԱԼԵԱՆ Հ. ՍՈՒՔԻԱՍ Վ.—Մր. Վտ. Մխ. ծն. Գողթնի Չոռոթ աւանում 1738 դեկտ. 11-ին: Նրա ծնողները Առաքելական հայեր էին և պար-

սից լծից ազատուելու համար Փիլիպպոսօլ  
զաղթեցին, որտեղից 1755-ին Սուքիասին Վե-  
նետիկ զրկեցին, ուր կրթուելով՝ 1761 թ. վարդ-  
ձեռնադրուեցաւ և քարոզչի պաշտօնով Արևելք  
ուղարկուեցաւ. Հ. Աղամալեանն այցելեց Հրնգ-  
կաստանի Կալկաթա և Մաղրաս քաղաքները,  
ուր նրան սիրով ընդունեցին իբրև ճշմարիտ  
հայ հոգևորականի \*), Բաւական գումար ժողո-  
վելով հ. Սուքիասը Վենետիկ դարձաւ, որտե-  
ղից նոյն պաշտօնով զնաց Վ. Պօլիս: Վերա-  
դառնալով կրկին Վենետիկ նա նորից Հնդկաս-  
տան անցաւ և այս անգամ ծանօթացաւ հայ  
հարուստ Եղուարդ Ռաֆայէլ Ղահրամանի հետ,  
որին խորհուրդ տուեց իր կարողութիւնից  
ազգին մաս տալու: Աղամալեանը վխճ. Մաղ-  
րասում 1789-ի մարտ 18-ին և հայ քահանայի  
ձեռքով ու հայկական ծէսով թաղուեցաւ: Թո-  
ղել է տպուած և անտիպ զրուածքներ—*Թուա-  
րանութիւն Վտ. 1781:*

\*) Պէտք է նկատել, որ Մխիթարի ժամանակակից  
հոգևորականները, որոնք Վենետիկից գնում էին արե-  
ւելք, իսկական հայ հոգևորականի տպաւորութիւն էին  
թողնում իրենց վեղարով և տարազով և որ գլխաւորն  
է (զոնէ մեզ հասած ազբիւրներն այդ են ասում) նրանց  
մէջ չկար այն նեղ հասկացողութիւնը՝ նեղսիրտ պապա-  
կանութիւնը, այլ նրանք մի տեսակ առերես կաթոլիկ-  
ներ էին: Եթէ այդպէս չը լինէր՝ էջմիածնի անունով  
ապրող հնդկահայերը դուրս կը վճռաէին նրանց և Ռա-  
ֆայէլն ու Սամուէլ Մուրատը գումարներ չէին շարտալ:

ԱՂԱՅԵԱՆ ՂԱԶԱՐՈՍ.—Մանկավարժ-փրկասան-բանաստեղծ, ծն. Բօլնիսի Խաչէն գիւղում 1840-ին \*)։ Սկզբ. կրթ. ստացաւ Ճամշուլտէի քահանայի մօտ, ուր մի փոքրիկ աղջկայ հետ սիրահարուելով հօր կողմից հալածանքի ենթարկուեցաւ։ Մայրը նրան՝ հօրից հեռու պահելու համար Տփլիս տարաւ, ուր Ղ. Ա ին 1853-ին յաջողուեցաւ ներս. դպ. մանել, սակայն հօր կամակորութիւնը նրան ստիպեց թողնել դպրոցը և նա դեռ շաւարտած հեռացաւ դպրոցից։ Եօթը տարի այս ու այն կողմը թափառելուց յետոյ մտաւ Հ. Էֆէնջեանի տպարան, որտեղ զբաղարութիւն սովորեց։ Մի քանի անգամ Հ. Էֆէնջ. նկատելով, որ Ղ. Ա. բանաստեղծութիւններ է գրում, քաջալերում է նրան։ Նա երկար չը մնաց տպարանում և ուսանելու նպատակով ճանապարհուեցաւ Մոսկուա։ Նա



\*) Ղ. Աղայեանն ասում է, որ եկեղեցական մատաններում գրուած չի եղել նրա ծնունդն, ուստի և իր մօրից հարցրել իմացել է, որ ծնուել է Ակոռու անբժան տարին—1840-ին։

այնպիսի սուղ նիւթականով դուրս ելաւ Տրփ-  
խիսից, որ հազիւ կարողացաւ Թէոդոսիա հաս-  
նել 1862-ին և որպէսզի կարողանար գլուխ բե-  
րել իր ցանկուծիւնը մտաւ հայոց Խայրաբեան  
ուսումնարանի տպարան: Հազար տեսակ զըր-  
կանքներ կրելով հաւաքեց ճանապարհածախս և  
զնաց Մոսկուա, ուր նա դիմեց ժամանակակից  
հայ գրագէտներին յայտնելով իր ցանկուծիւնը,  
սակայն այնպիսի կծու պատասխաններ ստա-  
ցաւ, որ միանգամ ընդ միշտ վճռեց զրաշա-  
րուծիւն անել, կոպէկներ ետ դնել և այդպի-  
սով 'ի կատար ածել իր ցանկուծիւնը: Մոս-  
կուայից նա Պետերբուրգ զնաց, ուր նոյնպէս  
զրաշարուծեամբ զրադուեցաւ, իսկ ազատ ժա-  
մերին սկսեց համալսարան յաճախել: Այնտեղ  
նա շփուեցաւ ուսանողական շրջանի հետ և  
նուիրուեցաւ գրականութեան: Ուսանողները տես-  
նելով Աղայեանի բարեմասն կողմերն ու բնա-  
տուր ձիրքը, սկսեցին օգնել և խորհուրդ տուին  
լոյս ընծայել *Արուծիւն եւ Մանուէլ* վէպը, որ  
կարգացել էր նրանց մօտ: Վերագառնալով Կով-  
կաս, 1867-ին Էջմիածին հրաւիրուեցաւ տպա-  
րանի կառավարչի պաշտօնով, ուր մի առ ժա-  
մանակ վարեց նաև «Արարատ»-ի խմբագրի պաշ-  
տօնը: 1870-ին զնաց Ախալցխա ուսուցիչ այն-  
տեղից Ալէքսանդրոպօլ, ուր 5 տարի մնաց, ա-  
պա 1½ տարի մնալով Տփլիսիսում 1878-ին հրա-  
ւիրուեցաւ Երևանի թեմ. դպ., այնտեղից Ղա-

րարագի (Զուշու) թեմ. դպ. և այնուհետև կրկին Տփլիս, ուր նշանակուեցաւ հայոց դպրոցներէ թեմ. վերատեսուչ, որ պաշտօնը վարեց նա մինչև 1889 թ.: Այնուհետև մի առ ժամանակ էջմիածնում պաշտօնավարելով կրկին Տփլիս անցաւ, որտեղից հայոց ուսումնարանների փակումից յետոյ գնաց հարաւային Ռուսաստան՝ հայաքաղաքներում ուսուցչութիւն անելու: Վերջին տարիներ ապրում է Տփլիսում առանց պաշտօնի: 1902 մայիս 19-ին Տփլիսում տօնուեցաւ նրա գրական գործունէութեան քառասնամեակը:—Ա. Ղ. յայտնի է իբրև հմուտ մանկավարժ—ուսուցիչ, նրա գրուածքները բազմակողմանի են՝ բանաստեղծական, վիպական, ուսումնասիրական, մատենախօսական, մանկավարժական և մանկական: Նա մեր մանկական գրականութեան առաջին զարկ տուողներիցն է: Աշխատակցել է «Ազրիւր», «Արարատ», «Հանդէս գրակ. և պատմ.», «Մշակ», «Մուրճ», «Տարագ», «Փորձ» և այլ հանդէսների», կազմել է մի շարք ընտիր դասագրքեր և մեթոդիկաներ, որոնք ընդունուած էին հայոց դպրոցներում և դեռ այսօր էլ գործ են ածուում պետական ուսումնարաններում: Գր. վաստ.—ա) Ուսումնա մայրենի լեզուի ա. ք. դ. տարի (տասնեակ տպագրութիւններ), բ) Հայկական հնչիւնների մասին, քննութիւն Կ. Պօլսի քարքառի, Տ. 1874. գ) Անահիտ հին գրոյց Տ. 1881 և 91. դ) Արու-

թիւն եւ Մանուէլ վէպ Տ. 1888—89—93 (երեք մասն) և 1900. և) Բանաստեղծութիւններ Տ. 1890. գ) Երկու քոյր 1872 և 92. է) Իմ կեանքի գլխատր դէպքերը Տ. 1894. բ) Արեգնազան գրոյց Տ. 1888. թ) Տորք Անգեղ եւ Հայկանուշ գեղեցիկ. գրոյց Տ. 1888. ժ) Սրինգ հովուական Տ. 1882. ժա) Մի երես մեր նորագոյն պատմութիւնից Տ. 1891. ժբ) Մեր ուսուցիչներին ընկերական նուէր Տ. 1892. ժգ) Ժամանակակից ատենախօսութիւն Տ. 1898. ժդ) Արքայադուստր Վարդենի Մ. 1879. ժե) Պատկերասր այրենարան Տ. 1903 (երկու անգամ տպուած), Թարգմ. ա) Իսահակ Ջէմ. բ) Ոսկէ ձկնիկ Տ. 1884 ևն.

ԱՂԱՅԵԱՆ ՄԱՏԹԷՈՍ. — Դերասան. ծն. Հին Նախիջևանի Կարճևան գիւղում 1863 նոյեմբեր 16-ին, Սկզ. կրթ. ստացաւ գիւղի քահանայի ու ուսուցչի մօտ, յետոյ Տփլիսում մասնաւոր ուսումնարանում. Պատանի հասակից սկսեց իրրեւ սիրող խաղալ, իսկ 1879-ից սկսեց խաղալ իշխ. Ըմատունու խմբի մէջ իրրեւ դերասան, որ և շարունակում է ցարգ, 1898-ին Մ. Ա. գնաց Մոսկուա և յետոյ էլ Պետերբուրգ ուսներկայացումներին հետեւելու համար, 1901-ին դարձեալ նոյն նպատակով գնաց Մոսկուա, 1904 յունուարին տօնուեցաւ նրա բեմական գործունէութեան 25 ամեակը, Խաղում է սիրահարի դերեր, Աղայեանը լաւ ծանօթ է Կովկասի գա-

ւառացիներին և եղել է նաև Ռուսաստանի հայ-  
աքաղաքներում ու Պարսկաստանում, Խաղում է  
զլխաւոր խմբի մէջ, Մէկ-մէկ բանաստեղծու-  
թիւններ էլ է գրել, որոնք տպուել են «Տա-  
րազ»-ում:

**ԱՂԱՆԵԱՆ ԳԻՒՏ ԱԻԱԳ**

**ՔԱՀԱՆԱՅ.**—Թարգմանիչ,  
խմբագիր, հնահաւար-  
հրատարակիչ. ծն. Տըփ-  
խիսում 1856 մարտ 1-ին,  
Սկզ. կրթ. ստացաւ Տի-  
րուհի Մամիկոնեանի ան-  
գրանիկ — մասնաւոր օ-  
րիորդաց ուսումնարա-  
նում \*) 1863-ին, ուր  
աշակերտեց Գարեգին  
Մուրադեանցին (հանգ.



Մեկքիսեղեկ եպիսկոպոս), իսկ 1865-ին մտաւ  
Ներս. դպ., ուր 1873-ին ուսումն աւարտելով  
սկսեց ուսուցչութեամբ զբաղուել: Գեռ սկզբ-  
ներում երբ նա դպիր Յարութիւն Առաքելեանց  
էր կոչուում, Հաւլարարի ս. Մինաս եկեղեցու  
մօտ մի ուսումնարան բաց արաւ, որտեղ անձամբ  
դաս էր տալիս: 1876-ին Ներս դպրոցում ու-  
սուցչի պաշտօն ստացաւ (ընդհատել է 1891—

\*) Ուսումնարանն օրիորդաց էր համարում, սա-  
կայն ընդունում էին երկու սեռի երեխաներին:

1901 և կրկին ծառայել), իսկ 1885-ից մինչև այժմ Տեխնիքական ուսումնարանի կրօնուսույց է: 1879-ին սարկաւազ ձեռնադրուեցաւ և ազգր ո խեց Աղանեանի, իսկ 1880 յուլիս 7-ին քահանայ ձեռնադրուելով՝ անուանուեցաւ Տէր Գիւտ: Նրա գրական գործունէութիւնը սկսուեմ է 1875 թ., երբ սկսեց աշխատակցել «Մեղու Հայաստան»-ի հայաթերթին և միևնոյն ժամանակ սկիզբ դրեց մանկական գրքերի թարգմանութեանց, որոնք 1877 թ. սկսան մէկը միւսի ետեից լոյս տեսնել: Տ. Գիւտը շատ վաղ զգաց մանկական գրքերի կարիքը և այդ գրքերին ևն պարտական մեր նախկին ուսումնարանների սաները, ժողովուրդը, որ ձեռքին ունէին դիւրամարս և հետաքրքիր գրքեր: 1889 թ. սկսեց հրատարակել հայերէն պատի հատուածական օրացոյց, որ շարունակուեցաւ մինչև 1903 թ. և սրանով սկիզբ դրեց ուսահայոց մէջ պատի օրացոյցների հրատարակման, որից օրինակ վերցրին Ա. Գուլամիրեանը, Մ. Զմշկեանը, Կ. Ափինեանը և վերջերս Ե. Թովչեանը: 1896-ին հայրապետական յանձնարարութիւններով գնաց Կ. Պօլիս՝ պատրիարք Մատթէոս արքեպ. Իգմիրլեանի մօտ, ուր օգտուեցաւ ինչպէս պատրիարքական զիւանի գործերից, այնպէս էլ Յովհաննէս ա. ք. Մկրեանի հարուստ զրազարանից և վերջին դարու հայ պատմութեան համար նիւթեր ժողովեց: Այնտեղից անցաւ Դերմանիա և

էջմիածնի տպարանի համար ձուլարան ու տը-  
պագրական մեքենաներ գնեց: 1896 թ. սկսեց  
հրատարակել «Հուլիս» վեցամսեայ հանդէս, իսկ  
1902 յունուարից սկսեց տարէն վեց գիրք հրա-  
տարակել, որ իր ճոխ և բազմակողմանի բովան-  
դակութեամբ ուսաստանաց մէջ առաջինն է \*):  
Տ. Գիւտն ի մի ժողովելով ԺԸ. և ԺԹ. դարերի  
հայոց եկեղեցու պատմութեան վերաբերեալ ձե-  
ռագիր յիշատակարանները և պատմական նիւ-  
թերը, 1893 թ. սկսեց մեծագիր հատորներով  
լոյս ընծայել «Դիւան Հայոց պատմութեան» վեր-  
նագրի տակ: Այս գործը այն է մեզ համար, ինչ  
որ Կովկասեան Հնագիտական ընկերութեան  
հրատարակած «АКТЫ» գործերը (գիւտններից  
երկուսն արժանացել են Սահակ-Մեսրոպեան  
մրցանակին): Տ. Գիւտն առաջինն է, որ կազ-  
մեց Տօմարագիտութեան և Աստուածաշտու-  
թեան աշխարհարար ձեռնարկները (հաշուի չենք  
առնում Ս. ա. ք. Մանգլինեանի և Մխիթարեանց  
գրարար ձեռնարկները): 1900 թ. ընտրուեցաւ

\*) Աշխատակցել են և աշխատակցում են Կ. Եզեան,  
Պոօշեան, Շիրվանզադէ, Մուրացան, Վ. Փափազեան,  
Ի. Յարութիւնեանց, Գ. Ենգիբարեան, Մ. Բերբերեան,  
Քաջբերունի, Յարոյ, Ն. Քարամեան, Ե. Շահաղիզ,  
Մուշէ վ., Տ. Վ. և ուրիշ ժամանակակից աչքի ընկ-  
նող գրողները: «Լուսման» այն գեր է խաղում այժմ և  
զեռ աւելի, ինչ որ արել են «Կոունկ» և «Փորձ» ամ-  
սագիրները:

ներս. դպ. առաջին քահանայ—հոգաբարձու.  
1901 թ. հոկտ. 28-ին կատարուեցաւ նրա գրա-  
կան-մանկավարժական գործունէութեան 25 ա-  
մեակը Տփլիսում. Վեհ. կաթողիկոսից բազմիցս  
վարձատրուած է կոնդակներով և ի թիւս այլ  
պարգևների վարդապետական լանջախաչով: Աշ-  
խատակցել է «Մեղու», «Արձագանք», «Նոր-Պար»  
և այլ պարբերականներին: Պր. վաստ.—ա) Աղո-  
թատետր, բ) Կրօնի դասագիրք ա. բ. գ. տարի  
(այս գրքերը մի քանի անգամ են տպագրուել).  
դ) Տօմար եւ տօնացոյց Հայաստ. եկեղեցւոյ Վաղ.  
1890 և Տ. 1894. դ) Կարնոյ գաղթը 1891 \*).  
ե) Դիւան Հայոց պատմութեան ա—բ գիրք 1893.  
դ. Սիմէօն կաթողիկոս 1894, դ. Ղուկաս կա-  
թողիկոս 1899. ե. Դանիէլ կաթողիկոս 1902.  
դ. Դաւիթ կաթողիկոս 1904 (դեռ 9 հատոր  
պատրաստ է տպագրութեան համար). դ) Կարգ  
Աստուածաբաշտութեան (4 տպագրութիւն է ունե-  
ցել ա. 1894, բ. 1895, գ. 1899, վերջինը 1902-ին).  
է) Հնից-Նորից հնախօս. ուղեւորութիւն պրակ ա.  
1900. բ) Նամակագիրք 1902. թ) Պատի եւ ծո-  
ցի օրացոյցներ 1889—1903 յունուար 1-ը:  
Քարգմանութիւններ.—ա) Հաւատարմութիւնը ա-  
մեն արգելքների յաղթում է 1877. բ) Խաւարից  
դէպի լոյս 1878. գ) Դօն Բիշօտ լաժանչեցի

\*) Այստեղից սկսած բոլոր գրքերը տպուած են  
Տփլիսում:

1878. դ) Գէորգ Ռօլէստօն 1879. և) Երրորդ  
ոսկի 1879 և 93. զ) Ռօբինզօն 1881. է) Չէս-  
տէրստօնի ժառանգը 1882. ը) Ալտէա 1885. թ)   
Եան Էրնստ Սժօլիար 1885. ժ) Արծուի մտած-  
մունքը 1892. ժա) Գիւղի սուրբը 1892. ժբ)   
Կեանքի դպրոցը 1892. ժգ) Դէպի Աթէնք 1896  
և 1901. ժդ) Մի կտոր հաց 1896 և 1901. ժե)   
Որսորդ, ժզ) Մատուռի անընկճներու, ժէ) Կա-  
րա, ժը) Անտառապետ Փրեդերիկ 1903. ժթ)   
Տնային բժշկարան պրակ ա. (Իս. Յար. հետ)  
1903. պրակ բ. (նոյնպէս) 1903 \*), Վերջերս  
հրատարակեց ս. Գրիգոր Լուսաւորչի իւղատիպ  
մեծադիր պատկեր, տպ. Լայպցիգ 14 գոյնով:

ԱՂԱՆՈՒՐ ՎԻՔՏՈՐԻԱ.— Հայազգի խալիքէն  
լեզուով գրող բանաստեղծուհի, ապրում է Խա-  
լիայում, գրել է մի քանի հատոր բանաստեղ-

\*) Բացի վերև յիշուածները հրատարակել է 50  
կտոր այլ և այլ հայ հեղինակների ինչպէս Ի. Յարու-  
թիւնեանի, Յ. Պարոնեանի, Գ. Կպ. Սրուանձտեանի,  
Մ. արքեպ. Մուրադեանի, Հայրիկի, Ե. Շահագիրի, Յ.  
Թումանեանի և այլոց ինքնուրոյն գործերը, և թարգ-  
մանութիւններ—Ռանգարէի, Ա. Այնօի, Սպիրիի, Պես-  
տալոցիի, Կարալէնկոյի, Մ. Գօրկիի, և այլ ընտիր հե-  
ղինակների գործոց թարգմանութիւնները Այս բոլորը  
մի հրատարակչական ընկերութեան համար էլ դժուար  
կը լինի, սակայն Տ. Գիւտի գործունէութիւնը զեռ էլի  
ոչինչ է հայ յոռեանս Թէրսիդէաների համար:

ծութիւններ, որոնցից մի քանիսը թարգմանուած են «Բագմավէպ» և «Գեղունի» հանդէսներում—օր. Լոսթիւն, Զմոսսած Կոլիսքիի մը և այլն:

ԱՂԱՓԻՐԵԱՆ ԳՐԻԳՈՐ ԵՊ.—Ուսուցիչ-թարգմանիչ. ծն. Ատրախանում 1827 յունիսի 26-ին: Կրթ. ստացաւ Մոսկուայի Լազ. ճեմ. և յետոյ Ազաֆոն Ալիմեանի հաշուով \*) գնաց Դորպատ և 1849 սեպտեմբերին մտաւ համալսարան աստուածարանութիւն ուսանելու նպատակով, թէպէտ գրուել էր Կամերալիայի (ժողովրդի տընտեսութեան վերաբերեալ գիտութիւնները): Մի քանի տարի մնալով Դորպատ անցաւ Ն. Նախիջևան, ուր ուրար ստանալով գնաց Մոսկուա և 1857-ին Լազ. ճեմարանում ուսուցչի պաշտօն ստացաւ: 1858-ին գնալով Էջմիածին՝ արեղայ ձեռնադրուեցաւ և ուղարկուեցաւ Ն. Նախիջևանի ս. Խաչ վանքի վանահայր: Գարբիէլ վ. Այվազովսկին, որ նոյն թեմի փոխանորդ էր՝ շընդունեց նրան և Ազաֆիբեանը պետական հրամանի համաձայն գնաց Էջմիածին: 1872 մարտ 26-ին Գէորգ Գ. կաթողիկոսը նրան եպ. ձեռնադրեց: Ուսուցչութիւն անելով Թէոդոսիոյ Խալիպեան ուսումնարանում և Գէորգ. ճեմարա-

\*) Բ. ժ. Լ. Տիգրանեանն ասում է—Պետերբուրգի հայոց եկեղեցու հաշուով «Լուծայ» 1903 № 5:

նում, 1879-ին Հին Ղրիմի ս. Խաչ վանքի վանահայր էր արգէն և յետոյ էլ երկար ժամանակ Աստրախանի թեմի առաջնորդ եղաւ: Մակար կաթ. ծերութեան պատճառով նրան հանգստութիւն շնորհեց նշանակելով Ազուլիսի ս. Թովմայ առաք. վանքի վանահայր, ուր և վիճ. 197-ին: Աշխատակցել է «Արարատ»-ին տալով *Կրօնական ընթացակարգի խորհրդածութիւններ* վերնագրով քարոզների մի ամբողջ հաւաքածու, որոնք լոյս տեսան առանձին գրքերով (Վաղ. 1887 և 197): Այդ քարոզները թարգմանել է գերմաներէնից, տպուել է «Արարատ»-ում: Նրա թարգմ. նաև *Մերթ խօսակցիս, մերթ լուռ կուգաս* ոտանաւորը (Քնար Հայկական):

ԱՂԷՔՍԵՆԳՐԵԱՆ ՅՈՎՍԷՓ. — Հայ մաթեմատիկ, աւարտել է Լազ. ճեմ. և Մոսկուայի համալսարանում մաթեմատիկական գիտութիւնները: Մ. 1832-ին: Ռուսահայոց մէջ առաջին անգամ սա կազմեց թուարանութեան դասագիրք, տպ. Մոսկուա 182<sup>6</sup> թ.:

ԱՂԷՔՍԵՆԳՐ Ա. ԶՈՒՂԱՅԵՅԻ. — Ամենայն հայոց կաթողիկոս, յաջորդեց նահապետին 1706 թ. գեկտեմբերին: Հմուտ լինելով վանական կարգերին՝ կաթողիկոսանալու օրից նորոգութիւնների ձեռնամուխ եղաւ, շինեց ձմեռան սեղանատուն, վանքը հարստացրեց կահ-կարա-

սիով, անօթներով, սպասներով և ձեռք բերեց  
կալուածներ: Այս բոլորի հետ նա գրազիտութեան  
սիրող լինելով՝ դպրոցներ բացաւ և իր մայրենի  
եկեղեցու ջերմ ջատագով հանդիսացաւ \*) Վխճ.  
1714 նոյեմբեր 22-ին և թաղ. Մայր Տաճարի  
արևմտեան դրան աջ կողմը՝ զանգակատան տակ:

ԱՂԷՔՍԸՆԴՐ Բ. Կ. ՊՕՂՍԵՅԻ՝ ՂԱՐԱՂԱԶ.—

Ամ. հայ. կաթ., ընտր. Մինաս Ակնեցուց յետոյ  
1753 թ. և 1754 մարտի 6-ին օծուեցաւ: Սա  
էջմիածնի բազմամեայ և բազմաշխատ միարան-  
ներից մէկն էր,  $1\frac{1}{2}$  տարի կաթողիկոսութիւն ա-  
նելուց յետոյ վախճանուեցաւ 1754 նոյեմբեր

---

\*) Աղէք. Ա. կաթողիկոսի ժասին, որ Հոռմի պապե-  
րին բողոք ուղարկեց կաթողիկ վարդապետների անկար-  
գութիւնների համար, Չամչեանն ասում է. «յղեաց գիր  
սիրոյ և յարգութեան առ սրբազան պապն Կղեմէս մե-  
տասաներորդ ի դիմաց իւրոց և ի դիմաց համօրէն  
վարդապետաց և բովանդակ հօտին իւրոյ, յորում ըն-  
դունելով զՀոռովմայ հայրապետն լինել փոխանորդ Քրիս-  
տոսի և յաջորդ Պետրոսի վիմի՝ անուանէ զնա երիցս  
երջանիկ արեգերական հայրապետ և պետական գլուխ  
և այլն», մինչդեռ 1873 «Փարոս»-ում տպուած է Աղէք-  
սանդր կաթողիկոսի այդ նամակը, որը հակառակն է  
ասում: Այս սխալմամբից զերծ չեն մնացել և հարբ Մ.  
վ. Բժշկեան, Ի. վ. Փափաղեան և ընկ.: Ծիծաղելի է  
և ցաւալի՝ (Տես Չամչեան հատ. Գ. էջ 749—750, և  
«Փարոս» 1873 Մոսկուա էջ 3—28):

11-ին և թող. Մայր Տաճարի արևմտեան դրան հարաւային կողմը՝ զանգակատան տակ:

**ԱՂՈՒԱՆԵԱՆ ԳՐԻԳՈՐԻՍ ԱՐՔԵՊ.**—Տաճկահայ ազգու քարոզիչ, ծն. Վանում 1827 թ., (ըստ Կ. Պօլսի ս. Փրկչեան Օրացոյցի 1832), ուր և ժամանակի խալիֆաների մօտ եկեղեցական զբքերը բերանացի անելով սկսեց եկեղեցում դպրութիւն անել: 1862 թ. արեղայ ձեռն. իսկ 1879 ապրիլ 13-ին եպ.: Ինչպէս տաճկահայրում, այնպէս էլ ռուսահայրում վարել է պաշտօններ և ամեն տեղ էլ թողել փառաւոր գործունէութեան հետքեր: Վխճ. 1893 զեկտ. 8-ին Հին-Ջուղայում:




**ԱՃԱՌԵԱՆ ՀՐԱՉԵԱՅ.**

—Լեզուարան. ծն. Կ. Պօլսի Սամաթիա թաղում 1876 մարտ 8-ին: Սկզ. կրթ. ստացաւ թաղային վարժարաններում և 1889-ին մտաւ Կ. Պ. Ազգային Կեդրոնական վարժ., ուր 1893 թ. աւարտեց, 1893/94 թ. Կեդր. վարժարանի նա-

խակրթարանի և Գառը զիւղի Արամեան վարժարանի հայ և տաճիկ լեզուների դասատու

եղաւ, իսկ 1894/95 թ. Գարնոյ Սամաարեան ուսումնարանի ուսուցիչ, 1895 թ. հսկա, գնաց Փարիզ և աշակերտեց պրոֆ. Ա. Մէլլէին, 1897 փետր. 13-ին Փարիզի լեզուարանական ժողովի անդամ ընտր. և մասնակցեց Երևելագլանների ժԱ. համաժողովին, 1898 թ. աւարտելով Ecole des Hautes Etudes-ի (Բարձրագոյն ուսմանց վարժ.) սրտամ.-բանասիրական բաժինը՝ գնաց Սարաբուրգ, ուր մի առ ժամանակ հետեւեց հայազէտ չիւրչմանի դասախօսութիւններին և նոյն տարուայ յուլիսին գնաց Էշմիածին, ուր սկսեց պարապել մատենագարանում և միևնոյն ժամանակ ստանձնեց Պէտրգ. նեմ. տանկերէն և պարսկերէն լեզուների դասախօսութիւնը, Այնտեղից նա անցաւ Ջուշու թեմ. դպ. հայոց լեզուի և մատենագրութեան ուսուցչի պաշտօնով։ Անտանի ա. բանասիրականը ապուած է «Հանդէս Ամսօրեայ»-ի 1895 օգոստոսի համարում, Աշխատակցել է և աշխատակցում է «Հանդէս Ամսօրեայ», «Յագմավէլ», «Երարատ», «Քրտակն», «Քանաւր», «Հանդէս Հայապիտութեան», Memoires de la societe linguistique, Revue internationale de Rhinologie, Otologie, Zaringologie et phonetique experimentale, Sprachwissenschaftliche Abhandlungen հանդէսներին ապուով միմիայն լեզուարանական յօդուածներ, Գր. վաստ. — ա) Բնութիւն Աւրանըզի բարբառին Վա. 1898, բ) Բնութիւն Վարաբանդի բարբառին Վազ. 1900, գ) Ընդուն

Հայերէն ձեռագրաց Մանասարեան վարժ. ի Կոստան (գերմ. թարգմ.) Վն. 1900. դ) Թուրքերէնի ազդեցութիւնը Հայերէնի վրայ եւ թուրքերէնէ փոխանակ լսանքը Պօրոյ Հայոց քարտան մէջ. Մ. 1902. ե) Հայոց նոր վեպները (Մանանգեանի հետ) Վաղ. հասար. Ա. 1902, հասար. Բ. 1903. գ) Հաւարածոյ Պօլսանայ անգիր գրականութեան (իր բրոշ՝ Արճնուհու հետ). Լ) Ստուգարանական քառարան Հայ լեզուի արժաններու եւ այլն. Փրանսերէն. ս) Les explosives de l'ancien arménien étudiées dans les dialectes modernes Փ. 1899. ը) Etude sur la langue Lazo Փ. 1899. Կն.



ԸՃԷՄԵՆՆ ՄԿՐՑԻՉ.—

Ցանկանայ բանաստեղծ. ծն. Կ. Պօլսի Օրթաղիւղ թաղում 1838 յուլիս 19-ին. 1848 թ. սկսած սուսա թաղային ս. Թաղմանչաց վարժ., իսկ յետոյ Մայր եկեղեցու եւ Քերայի նարեկեան վարժար. որակցից 1852 թ. գնաց Վենետիկ եւ մասն.

Քաճայէլեան վարժ. ի Փ. դասարան. 1858-ին վերագառնարով Կ. Պ. յաշորդ 1859-ին Կայսերական Հեռագրական վարչութեան մէջ պաշտօն ստացաւ. Այդ պաշտօնը վարից նա նաև

Վալտնա, Ըգոդրա և Վարնա քաղաքներում:  
1866-ին Գ. Աղաթոնը Հեռագրական վարչու-  
թեան զլխ. կառավարչի պաշտօնը ստանալով  
Աճէմեանին կրկին Կ. Պ. հրաւիրեց և աւելի  
բարձր պաշտօն տուեց, որի մէջ նա հետզհետէ  
առաջ գնաց և այժմ Հեռագրական և Թղթա-  
տարական նախարարութեան մէջ ճարտարա-  
գէտների դիւանի տնօրէնի պաշտօնն ունի: Նրա  
գրական գործունէութիւնը սկսում է 1875 թուա-  
կանից, երբ նա հրատարակեց իր բանաստեղ-  
ծական երկերը. ա) Վահագն դիւցազներգ. (գրար.)  
բ) Ժպիտք եւ Արտասուք. գ) Լոյս եւ Ստուէրք.  
դ) Գարնան հովեր: Ունի նաև անտիպ երկեր:  
Թարգմանել է Ըէքսպիլիի Աւազակները-ը և ուրիշ  
թատերգութիւններ Արևելեան թատրոնի համար:  
Սկզբում գրում էր գրարար, վերջերս աշխար-  
հարար:

ԱՄԱՏԵԱՆ ՍԵՐԳԻՍ.— Տաճկահայ հմուտ ու-  
սուցիչ, ծն. Անջրդի գիւղում (Արարիկը քաղա-  
քի մօտ) 1856 թ.: 1878 թ. երևաց նա իրրև  
ուսուցիչ Երիզայի ընկերական վարժարանի, որ-  
տեղ նա պատրաստեց լաւ գաւառական ուսու-  
ցիչներ, որոնք դեռ այժմ էլ կան: Ամատեանն  
ուսումնասիրելով Երիզայի շրջակայքը սկսեց  
աշխատակցել հ. Ալիշանին՝ ուղարկելով տեղա-  
գրութիւններ \*): Աշխատակցել է «Արևելեան Մա-

\*) Այս կենսագրականը ստացել ենք պ. Ա. Կայ-

մուլ-ին: Ունի մի մեծ աշխատութիւն չին եւ  
Նոր Հայաստան վերնագրով, որ դեռ անտիպ է:

ԱՄՍՏՈՒՆԻ ՆԱՊՕԼԷՈՆ (իշխան). — Հայոց  
թատրոնի ծաղկման և զարգացման նուիրուած մի  
գործիչ, երդուեալ հաւատարմատար և Տփլիսի  
քաղաքային Վարկի ընկերութեան նախագահ:  
Ն. Ա. 1879 և 1881 թ. Տփլիսում թատրոնա-  
կան խմբեր է կազմել և այդ խմբերումն են ե-  
ղել Աղամեան, Աստղիկ, Սիրանոյշ, Պետրոսեան  
և միւսները: Ասում են, որ իշխ. Ամատունին  
վերջերս դատի ենթարկուեցաւ Վարկի ընկերու-  
թեան մէջ գործած դեղձումների համար: Մ.  
1899 թ. փետրուարին \*):

ԱՄԱՐԻԱՆ ՅՈՎՍԷՓ ՅՈՎՀԱՆՆԻՍԵԱՆ. — Նշ.  
հնդկահայ հարուստ՝ Սմարանգցի: Ռուս-պարս-  
կական պատերազմներից դեռ առաջ ներսէս  
արքեպ. Աշտարակցին (յետոյ կաթողիկոս) Հրդ-

---

ծուռուց, իսկ նա էլ պ. Յակոբ Շաւարշից: Չը գիտենք  
որքան ճիշտ է, բայց մենք այսքան լսել ենք, որ Ամա-  
տեանը մեծ գործ է կատարել հ. Ալիշանի բարոէզնե-  
րի համար, որի համար շրջել է գաւառից գաւառ: Այս  
բանի մասին էլ է գրել պ. Յ. Շաւարշը:

\*) Հակառակ մեր ցանկութեան անկարող եղանք  
լրիւ կենսագրութիւն տալու. մենք կաշխատենք վեր-  
ջին յաւելուած հատորի մէջ զետեղելու ինչպէս կեն-  
սագրութիւնն, այնպէս էլ վերջին պատկերը:

կահայերի հետ յարարերութիւն սկսեց և նկարագրելով էջմիածնի ու ժողովրդի վիճակը՝ կոչ կարգաց օգնելու հայրենակիցներին և միևնոյն ժամանակ յայտնեց, որ շուտով ուսական գորքը պիտի շարժուի դէպի էջմիածին։ Ամարխանը, որ առասպելական կարողութեան տէր էր, 1829 հոկտեմբեր 20-ին զրեց Ներսէսին, որ պատրաստ է գալ Ռուսաստան, ծառայել Ռուսաց կայսեր իր հոգով, մարմնով ու հարստութեամբ՝ գնելով մահմեդականներից հայարնակ գաւառներն և յանձնել ողորմած կայսեր՝ կառավարելու։ Ներսէսն այս նամակի մասին յայտնեց Քրիստափոր Լազարեանցին, իսկ սա էլ գեներալ-ադիւտանտ Բեկենզորֆին, որը յայտնեց կայսեր, որ Ամարխանը պատրաստ է գալու, միայն քանի մի տեղեկութիւններ է ուզում ստանալ։ Պայտրն այս միջնորդական գրութեան վրայ անձամբ մակագրել բարեհաճեց. «Пусть онъ придетъ сюда, а свѣдѣнія, вмѣ требуемая, Я ему дамъ, когда его увижу.» (Թող նա այստեղ գայ, իսկ նրա ուղած տեղեկութիւնները ես կը տամ նրան երբ որ կը տեսնեմ իրեն)։ 1830 թ. դեկտ. 3-ից տուած Բարձրագոյն հրովարտակով նրան գալու իրաւունք տրուեցաւ, սակայն ինչ-ինչ պատճառներով նա չեկաւ։ Մահուան տեղն ու թուականն անյայտ \*)։

\*) Ամարխանը ուզում էր գնել Տաճկաց և Պարսից

ԱՄԵՐԻԿԵԱՆ ՅՈՎՀԱՆՆԷՍ (ՄԻՀՐԴԱՏ).—Ռուսահայ անդրանիկ դերասան. ծն. Ախալցխայի Ծինուբանի գիւղում 1843 մայիս 1-ին: Ներսէս Ե. կաթ. պատահամաժ տեսնելով Ամերիկեանին, որդեգրեց և ընդունեց ներս. դպրոցի սան: Այնտեղ նա ծանօթացաւ գրականութեան և զեղարուեստի հետ և սիրելով թատրոնական գործը, միտքը դրեց հայոց մէջ կանոնաւոր թատրոն հիմնել: Մինչև նրա ժամանակները, շատ քիչ ներկայացումներ էին տրուում և գործը չէր կանոնաւորուած: Թողնելով ներս. դպրոցը նա առաջին անգամ Միհրդատ ողբերգութեան մէջ բեմ դուրս եկաւ կատարելով Միհրդատի դերը և այդ օրուանից նրա անունը Միհրդատ մնաց: 1860 թ. խաղալով Դրաստամատի դերը (Արշակ Բ.), հռչակուեցաւ իրրև դերասան և այս յաջողութիւնից ոգևորուած վճռեց ընդմիշտ նուիրուել բեմին: Տփլիսի հասարակութեան գէպի



ձեռքն՝ եղած հայաբնակ երկիրներն և այն էլ թզաչափով, ուրեմն պէտք է երևակայել ինչպիսի հարստութեան տէր էր: Մանրամասնութիւնները մենք մեր մի այլ աշխատութեան մէջ կը տանք:

հայոց թատրոնն ունեցած անտարբերութիւնը ստիպեց Ամերիկեանին թողնել Տփլիսը, և նա 1874-ին գնաց Փոթի, ուր հայերէն և վրացերէն լեզուներով մի ներկայացում տուեց և գնաց Կ. Պօլիս։ Այնտեղ էլ սկսեց խաղալ (Պէպօ, Արշակ Բ. ևն), սակայն յաջողութիւն չունեցաւ և թորախտով հիւանդացած Տփլիս վերադարձաւ։ Այստեղ նա հիւանդ դրութեան մէջ շարունակեց իր սիրած գործը, սակայն շարքաշ հիւանդութիւնը մի կողմից, նիւթականն էլ միւս կողմից խեղդեցին նրան և Ամերիկեանն, իբրև վերջին ապաւէն, դիմեց հայ խմբազրատներին, օգնութիւն խնդրեց և ձեռնունայն ելնելով ամենի մօտիցն էլ, 1879 թ. փետրուար 5-ին ատրճանակով ինքնասպան եղաւ Տփլիսում։ Ամ. աշխատակցել է «Կուունկ»-ին և «Մշակ»-ին, վերջինին շատ գեղեցիկ և սրամիտ յօդուածներ է տուել *Չարուճ* կեղծ ստորագրութեամբ, սակայն «Մշակ»-ի հանդուցեալ խմբագիրը չը մտաւ նրա նեղ դրութեան մէջ...

ԱՄԻՐԵԱՆ ՊԵՏՐՈՍ և ՊՕՂՈՍ.— Եզրայրներ, նոր Զուղայեցի հայ վաճառականներ, որոնք մեծ առևտուր ունէին նոր Զուղայում և Հընդկական քաղաքներում։ 1688 թ. դեկտեմբերին Աստրախանով Մոսկուա գնացին պարսկական և հնդկական ապրանքներով (մետաքս, ակնեղէն, գորգեր և այլն), այնտեղից նովգորոզ և

ուրիշ հայ վաճառականների հետ գնացին Զվեղիա ու Հոլանդիա։ Այնտեղից եւրոպական ապրանքներով վերադառնալով 1689 մայիսին Մոսկուա հասան և նորից Աստրախանով Պարսկաստան գնացին։ Այնուհետև նորա մի քանի անգամ էլի գնացին Մոսկուա և ուրիշ քաղաքներ, իսկ 1694-ին Մոսկուայի Բելիյ գորոզ կոչուած քաղաքամասում եղած Հիւրատուն կոչուած (Гостинный дворъ) քարվանսարայում վաճառատուն բաց արին։

**ԱՄԻՐՋԱՆ(ԵԱՆ) ԲԵԳ-ԼԱՐ.** — Յպերային երգիչ — բարիտոն. ծն. Տփլիսսում 1868 յուլիս 4-ին։ Կրթ. ստացաւ ներս. դպ. 1879 — 1885 և աւարտելով Պետերբուրգ գնաց, ուր 1886-ին Կոնսերվատորիա մտաւ։ Այնտեղ նա աշակերտեց Էվերարգիին, Գարելին և այլոց մինչև 1889 թ., սակայն օգի վատ ազդեցութիւնից ստիպուած թողեց Պ.-Բուրգը և 1890-ին անցաւ Իտալիոյ Միլան քաղաք, որտեղ նոյնպէս կոնսերվատորիա մտաւ և մինչև 1894 թ. սլարապեց իտալական ուղղութեամբ, իսկ նոյն



տարուայ յունիս 21-ին աւարտեց առաջին մըր-  
ցանակով և սեպտեմբեր 11-ին բեմ դուրս եկաւ  
Վենետիկում՝ Բօսինի թատրոնում՝ կատարելով  
Փաուստի մէջ Վալենտինի դերը, Տասնեչորս ա-  
միս խաղալով և երգելով Իտալիայում՝ 1895-ին  
անցաւ Ռուսաստան՝ Մոսկուա և սկսեց խաղալ  
խտալական խմբում, 1896 ապրիլ 5-ին հրաւի-  
րուեցաւ արքունի թատրոնի վարչութիւնից ե-  
րեք տարի պայմանագրով և այնուհետև սկսեց  
երգել (քիչ բացառութեամբ միայն) արքունա-  
կան թատրոններում այցելելով Ռուսաստանի,  
Լեհաստանի, Սիրիբի և այլ կողմերի մեծ և  
փոքր քաղաքները, 1902 թ. մեծ պասին հրա-  
ւիրուեցաւ Ատորախանի Արքունի Երաժշտական  
ուսումնարանի վարչութիւնից, ուր աշակերտ-  
ներին և ուսուցիչներին պատրաստելով իր մաս-  
նակցութեամբ ներկայացրեց Դեմոն, Եւզենիյ  
Անեզին, Փաուստ և Բիգօլետտօ, 1903 թ. յու-  
լիսից պայմանաւորուեց Ֆիզների հետ և նրա  
խմբի հետ գնաց ն. Նովոգորոդի Եարմրկա մին-  
չև սեպտեմբերի 1-ը, իսկ յետոյ եկաւ Տփլիս,  
ուր անցկացրեց ձմրան երգաշրջանը, Ամիրջանը  
տուկ է համերգներ և մասնակցել այլ և այլ  
բարեգործական երեկոյթներին միմիայն Բոս-  
տովում և Տփլիսում երգելով նաև հայերէն եր-  
գեր, նրա բէպէրտուարն է ուսերէն. Դեմոն,  
Օնեզին, Ռուսլան, իշխան Իգոր, Յուդա, Կա-  
լաշնիկով, Գրիգ. Գրեւազնըիյ, Գրաֆ Տօմսկիյ,

Տրօնկուրով, Վեազեմսկիյ, Իշխ. Կուրլեատեւ,  
Նանուշ, Մուցիօ, Բօրիս Գօղունով, Իշխ. Նլից-  
կի, և այլն. Օտար լեզուներով—Ամոնասարօ,  
Նելուսկօ, Էսկամիլիօ, Մեֆիստոֆել, Վալնն-  
տին, Բիգօլեստօ, Բարնարա, Նագօ, Թօնիօ,  
Վօլֆրամ, Փիգարօ, Բեպպօ, Մարսել, Նիլա-  
կանտա, Բենատօ, Կարլ Ն., Մերկուցիօ, Կա-  
պուլետ, Զիանչիօտտօ ևն ևն.

ԱՄԻՐՏՕԼՎԱԹ.—Ճարտար բժիշկ, Ամասիա-  
ցի, որ բնակուում էր Կ. Պօլսում. Սա հմուտ էր  
արար, թուրք, պարսիկ, յոյն և լատին լեզու-  
ներին և օգտուելով այդ լեզուներով եղած նշ-  
բժշկական գրուածքներից՝ գրեց մի ճոխ բժրշ-  
կարան, որի մէջ յիշատակել է մինչև ինքն ե-  
ղած հայ բժիշկների անունները. Մ. 1496 զեկ-  
տեմբեր 8 ին.

ԱՅՎԱԶԵԱՆ ԱՐԱՀԱՄ \*).—Հմուտ կենսա-  
գիր, տանկահայ, ապրում է Կ. Պօլսում, ճա-  
նապարհորդել է շատ հայաբնակ տեղերում և  
իր գործերի համար նիւթեր հաւարել. ահա իր  
խօսքերը. «Զիս ճանչցողները գիտեն որ փոշ-

\*) Հակառակ մեր ցանկութեան անկարող եղանք  
այս հետաքրքիր մարդու կենսագրութիւնը ձեռք բե-  
րելու. Մեր նամակին, որ ուղղեցինք «Արևելք»-ի մի-  
ջոցով, որի խմբագրատանը ծառայել է, չը պատաս-  
խանեց.

տանկ հիւանդութեամբ տառապելովս հանդերձ՝  
ամեն կողմ արշաւածեմ եւ կ'արշաւեմ կենսա-  
գրելի անձանց ժամանակակից ծերունիներ զրտ-  
նելու, հազուազիւտ ձեռագիրներ եւ յիշատակա-  
րաններ սրբատելու եւ օգտուելու, եւ մանաւանդ՝  
երբեմն արժանահաւատ ականգութեանց դիմելու  
եւ ապաւինուելու... \*): Սա առ այժմ կենսագրել  
է 17 մարդու, եւ այդ կենսագրականները ի մի  
ժողովուած կազմում են երեք տետր Շար հայ կեն-  
սագրութեանց վերնագրով, տպ. Կ. Պ. 1893. (ա.  
բ. եւ գ. մասն): Միւս զր. վաստ. ա) Արտասուք  
մանկան. բ) Առաջին մրմունջք. գ) Քնարն. դ) Անա-  
կրէնոնդական նուագք. ե) Մէփիստոփէլ: Անտիպ-  
ներ—Վերիտոն. Հայ արհեստաւորք. Ամիրայք.  
Տարեգիր հայ թատրոնի. Յուշիկք Բիւթանականք.  
Սաղիմական նամականի. Մալակայի առթիւ հայ  
նաւատեարց եւ հայ նաւապետաց պատմութիւնք:

ԱՅՎԱԶԵԱՆ ԲԱԳՐԱՏ.—Վիպասան. ծն. Տրփ-  
խիսում 1862 յունիսի 8-ին. Կրթ. ստացաւ  
Ներս. դպ. եւ 1882 թ. աւարտելով, սկսեց ու-  
սուցչութիւն անել, որը շարունակեց 14 տարի,  
ծառայելով Չամախում 1882—83, Բագուում  
1883—85, Ախալցխայում 1886—87, Սղնախում  
1887—88 եւ Տփխիսում 1888—96 թ., իսկ ու-  
սումնարանների փակումից յետոյ, 1897-ից ըս-

\*) Շար հայ կենսագր. Գ. մաս էջ 223.

կրսեց ծառայել Վրաստանի և Իմերէթի թեմի կոնսիստորիայում վարելով դիւանապահի և գործավարի պաշտօնները, որ և վարում է ցարդնա դրական ասպարէզ մտաւ թերթերի միջոցաւ և սկսեց աշխատակցել «Միզու Հայաստան»-ի, «Նոր-Գար» և «Արձագանք» լրագիրներին սեպհական և կեղծ ստորագրութիւններով տալով մի շարք պատ-



կերներ ու վիպակներ, իսկ սկզբում գրելով բացառապէս «Մեղու»-ի մէջ տալիս էր յօդուածներ, որոնք լաւ ընդունելութիւն գտան։ Նոյնը կարելի է ասել և վէպերի վերաբերեալ, որոնք նոյն իսկ կրկին տպագրութեանց են արժանանացել։ Գր. վաստ.— ա) Մութ խորշերից Տ. 1888 (գրոյց). բ) Աշոտ Երկաթ Տ. 1893—95, 1900—1904 (վէպ). գ) Տանջանքի քովից Տ. 1895 (վէպ). դ) Հիւսիսի Արծիւը Տ. 1901 (վէպ). ե) Սեւ յաղթանակ Տ. 1903 (վէպիկ); Ունի նաև անտիպ գրուածքներ՝ Անիի կործանումը ԺԱ-ըդ դարում \*), վէպ, Խելագար—դրամա, Հոգի և

\*) Արդէն տպուած է «Բանասէր» ամսագրի մէջ Փարիզում։

մարմին վէպ ժամանակակից կեանքից, Թարգ-  
մանել է Կարմին Սիլվայի Պիատրա Արսա, Տ.  
1888 թ.:

ԸՅՎԸՋԵԱՆ ԳԼԲՐԻԷԼ ԸՐՔԵՊԻՍԿՈՊՈՍ. — Ծն.  
Թէոդոսիայում 1812 մայիս 10-ին, նրա հայրը  
կաթոլիկ էր, իսկ մայրը առաքելական հայ և  
նա մկրտուեցաւ հայոց եկեղեցում Աղէքսանդր  
անունով, Վա. Մխ. մր. Բժշկեան Տ. Մինաս  
վարդապետը, որ Ղրիմու հայ կաթոլիկների հո-  
վիւ էր, նրա դաստիարակութիւնն իր վրայ առ-  
նելով՝ 1826-ին Վենետիկ ղրկեց, ուր նա ուսա-  
նելով՝ 1834-ին վարդապետ ձեռնադրուեցաւ և  
քիչ ժամանակից յետոյ զնաց հայրենիք, որտե-  
ղից Վենետիկ և նորից հայրենիք ու Վենետիկ  
վերադառնալով 1842-ին առաջարկեց միաբա-  
նութեան Բազմավէպ անունով ամսագիր հրա-  
տարակել, որի համար համաձայնութիւն ստա-  
ցաւ և 1842-ին սկսեց հրատարակել՝ իրեն օգ-  
նական ունենալով Տ. Տ. Ալիշանին և Սորկու-  
ճեանին, նա «Բազմավէպ»-ի խմբագրի պաշտօ-  
նը վարեց մինչև 1848 թ. մինևոյն ժամանակ  
վարելով նաև միաբանութեան ատենադպրի  
պաշտօնը: 1848-ին նա ղրկուեցաւ Փարիզ, իր-  
րև տեսուչ և դաստիարակ Մուրատեան վար-  
ժարանի, որը 1846-ին Պատուայից Փարիզ էր  
փոխադրուած: 1852 թ. սկսած այդ վարժա-  
րանի վարչութեան և միաբանութեան միջև մի

ներքին խռովութիւն ծագեցաւ \*) և բազմաթիւ  
զբազրութեանց վախճանն այն եղաւ, որ Գար-  
բիէլ, Սարգիս Թէոդորեան և Ամբրոսիոս Գալ-  
ֆայեան վարդապետները 1855 թ. թողին կա-  
թոլիկութիւնը և մտան  
Հայաստ. Առաքելական  
եկեղեցու գիրկը: Գար-  
բիէլ վ. իւր ընկեր վար-  
դապետների հետ Փա-  
րիզում Հայկազեան ա-  
նունով մի ուսումնարան  
հաստատեց, ուր հաւա-  
քուած էին Կ. Պօլսից և  
այլ տեղերից բերած հայ  
պատանիներ, սակայն  
նիւթական զրկանքները մի կողմից և Պօլսոյ  
*էֆէնդիների* կամայականութիւններն էլ միւս  
կողմից ստիպեցին փակել այդ դպրոցը և 1857-  
ին իրեղէններն աճրդով ծախուեցան: Այնուհե-  
տև նա Կ. Պօլիս գնաց, որտեղից Ռուսաստան՝  
Բեսարաբիա անցաւ և թեմի առաջնորդ նշա-  
նակուեցաւ: Այստեղ էլ Յարութիւն աղա Խա-



\*) Այս խռովութիւնների մասին տեղեկութիւններ  
կարելի է գտնել Սարգիս եպ. Թէոդորեանի «Պատմու-  
թիւն Մուրատեան վարժարանի», նաև «Պատմութիւն  
զարձին երից վարդապետաց», «Ռւրուազիժ ողւոյ և  
ընթացից Միթիթարեանց» և «Յայտարարութիւն Մու-  
րատեան վարժարանի» գրքերում:

լիպեանի օժանդակութեամբ Թէոդոսիայում Նա-  
լիպեանն անունով ուսումնարան հաստատեց և  
սեպհական տպարան ձեռք բերեց զպրոցի հա-  
մար: Այս ուսումնարանն էլ ինչ որ Կարապե-  
տեան, Հայրապետեան և ես ինչ զիտեմ մայրա-  
պետեան կուսակցութիւններին զոհ գնաց. զըլ-  
խաւոր մեղաւորն էլ մեզ ամենիս լաւ յայտնի  
Միքայէլ Նալբանդեանցն էր, որը իր կամայա-  
կանութեամբ մեծ վնասներ հասցրեց զպրոցին...  
1871-ին ուսումնարանը Ն. Նախիջևան տեղա-  
փոխուեցաւ Թեմական դպրանոց անուան տակ,  
իսկ աշակերտները ցրուեցան: Դժգոհ այգպիսի  
կամակոր հակառակորդներից, որոնք բարին շա-  
քութեամբ վճարեցին, ընդունեց Գէորգ Գ. կաթ.  
հրաւէրը, և գնալով Էջմիածին ետ. ձեռնադրուե-  
ցաւ և նորահաստատ (1874) Գէորգեան ճեմա-  
րանի տեսչի պաշտօնը ստանձնեց: Մի քանի  
տարուց յետոյ աշակերտական խռովութեանց  
պատճառով թողեց այդ պաշտօնը և 1879-ին  
նշանակուեցաւ Վրաստանի ու Իմերէթի թեմի  
առաջնորդ, սակայն երկար չը մնաց և 1880 ապ-  
րիլ 8-ին վխճ. և թաղուեցաւ Վանքի Մայր եկե-  
ղեցու բակում: — Բաժանուելով Մխիթարեան-  
ներից, հէնց 1855 թ. Փարիզում սկսեց Մա-  
սեաց Աղանի անունով հայ-ֆրանս. ամսագիր  
հրատարակել, որը տեղափոխեց Թէոդոսիա և  
1860 թ. սկսեց հրատարակել իբրև երկշարաթա-  
թերթ հայ և ռուս լեզուներով: 1865-ին դա-

դարեց Մասեաց Աղաւնին, Գր. վաստ.—ա) Համառօտ պատմութիւն Ռուսաց Վ.տ. 1836. բ) Պատմութիւն Օսմանեան պետութեան Վ.տ. 1841. գ) Ծառյաղագս հնչման Ղ. եւ Լ տառից Վ.տ. 1852. դ) Ուրուագիծ ոգոյ եւ ընթացից վննետկոյ Մխիթարեան միարանութեան Փ. 1857. ե) Լսարան շոգեշահ պատմութեանց (9 տետր) Թէոդոսիա 1868—1870. զ) Օրէնք վայելուչ կենցաղավարութեան Թ. 1871. է) Խանգարմունք Հայկարանութեան ի հնումն եւ ի նորումս Թ. 1869. ը) Ուղղագրութիւն լեզուիս Հայոց Թ. 1869. թ) Թէ ինչպէս Հոովմայ եկեղեցին ոչ եւս է կաթողիկէ եկեղեցի. Վաղ. 1878. ժ) Եիկոյ եպիսկոպոս եւ պատմ. դարձին Հայկազանց Լեհաստանի ի կաթողիկոսութիւն Վաղ. 1877. ժա) Ես. խակրթանք հայերէն լեզուի (երկք մաս). Վաղ. 1876—77—78. ժբ) Պատմութիւն Խալիպեան ուսումնարանի Տ. 1880. ժգ) Դասագիրք Բրիտ. վարդապետութեան Վաղ. 1875. ժդ) Առակք՝ Քոխլովի թարգմ. Կ. Պ. 1870. էջմ. 1896. ժե) Յանոսի յաղագս պապին եւ ժողովոյ նորա Տ. 1871. ժզ) Յաղագս մարդկային պարտուց Սիլվիոյ Ֆէլիքոյ. Վ.տ. 1854 \*).

---

\*) Վաղուց արդէն, դեռ Սիմէօն երևանցի կաթողիկոսից առաջ էջմիածնում գաղանխքները ծածկելու համար դորձ էին ածում մի տեսակ ծածկագրեր, որոնց գաղափարները տպել է Գիւտ ա. ք. Աղանեանցը Վի-

ԱՅՎԱԶԵԱՆ ՅՈՎՍԷՓ ԵՊԻՍԿՈՊՈՍ.— Առաջ-  
նորդ Եգիպտոսի հայոց. ծն. Էրզրումում 1833-  
ին, եպ. ձեռնադրուեցաւ 1899-ին Էջմիածնում:



ԱՅՎԱԶՈՎՍԲԻ ՅՈՎՀԱՆ-  
ՆԷՍ.— Աշխարհահռչակ հայ  
ժողովանկարիչ, եղբայր Գար-  
րիէլ արքեպիսկոպոսի. ծն.  
Թէոզոսիայում 1817 յուլիս  
17-ին: Նրա դաստիարակ-  
ները փոքր հասակից նկա-  
տելով, որ սիրում է նկար-  
չութիւնը. ուշադրութիւն

գարձրին, իսկ շնորհիւ Թէոզոսիոյ քաղաքապե-  
տի, որ յետոյ Սիմֆերոպոլի նահանգապետ եղաւ,  
Յովհաննէսը ընդունուեցաւ Սիմֆերոպոլի գիմնա-  
զիա, որտեղ եղած ժամանակ շնորհիւ իշխանուհի  
Նարբիշկինայի 1833-ին ընդունուեցաւ Պ.-Բուրգի  
Գեղարուեստից համարան իրբն կայսեր կարինետի  
թոշակաւոր, և միննոյն ժամանակ աշակերտեց  
Ֆրանսիական ժողովանկարիչ Տաննէրին: Այնուհե-  
տեւ Այվազովսկին մեծ իշխան Կոնստանդին Նի-  
կողանիշի հետ մի գրօսանք կատարեց Ֆիննա-  
կան ժոցում, Մի շարք նկարներից յետոյ, ո-

---

ւան Հայոց պատմութեան» Գ. գրքում: Ներսէսի ժամա-  
նակ էլ մի տեսակ ծածկագրեր էին գործածուում, որով  
գրուած մի շարք գրութիւններ մնացին, որոնք անմեկ-  
նելի էին: Գարրիէլ արքեպ. կարողացաւ և մեկնեց այդ  
գրութիւնները:

ըոնց համար ոսկէ շքանշան ստացաւ. 1840-ին պետական հաշուով Իտալիա գնաց, որտեղից անցաւ Փարիզ և Միջերկրական ծովով Ռուսիա վերադարձաւ: 1846 թ. կայսեր հրամանով նա ուղեկցեց Մեծ իշխան Կոստանդին Նիկոլաեիչին՝ եւրոպական Թուրքիայում, Փոքր Ասիայում և Արշիպելագի ջրերում կատարած ճանապարհորդութեան ժամանակ և վերադառնալով Պ.-Թուրգ՝ 1847-ին պրոֆեսսորի կոչումը ստացաւ: 1851-ին նա ուղեկցեց Նիկողայոս Ա կայսեր մինչև Սելաստոպոլ: 1857-ին նա իր նկարները Փարիզ տարաւ, ներկայացաւ Նապոլէօն Գ-ին և Եւգինիա կայսրուհուն. այդտեղ նա ստացաւ Պատուաւոր Լէգէօնի շքանշան և իր եղբայր Գարրիէլ վարդապետի հետ Կ. Պօլսով Ռուսաստան վերադարձաւ: 1860-ին նա ուղեկցեց Մ. իշխ. Մարիա Ալէքսանդրովնային Կ. Պօլիս: 1868-ին եկաւ Կովկաս, որտեղ նկարեց տեսարաններ Սև ծովի ափերից և անցաւ Գաղեստան նոյն նպատակով, իսկ Տփլիսումն էլ պատկերահանողէս բացեց: 1869-ին նա ներկայ եղաւ Սուէզի ջրանցքի բացման հանդիսին: 1873-ին ուղևորուեցաւ Ֆլորէնցիա, որի Գեղարուեստից ճեմարանում Պիտտի պալատի գալէրէում դրուեցաւ նրա ինքնագիր պատկերը (այս պատուին շատ քչերն են արժանանում): Նրա հռչակն նոյն իսկ Օսմանեան սուլթանին հասաւ, և Այվազովսքին հրաւիրուեցաւ Կ. Պօլիս, ուր մեծ պատուով ընդու-

նուեցաւ և շքանշաններ ստացաւ: 1888 սեպտեմբեր 26-ին տօնուեցաւ նրա զեղարուեստական գործունէութեան յիսնամեակը, որի համար Պ.-Քուրզի զեղարուեստից ճեմարանը նրան պատուաւոր անդամի տիտղոս շնորհեց և ի պատիւ նորա ոսկէ մէդալլ կտրեց: 1900 թ. ապրիլ 19-ին մեռաւ և թաղուեցաւ Թէոդոսիոյ հայոց ս. Սարգիս եկեղեցու գաւթում: Իրեն հաշուով ինքը նկարել է մօտ 5000 պատկեր (չը հաշուած փոքրերը), որոնք գտնուում են աշխարհիս բոլոր նշ. քաղաքների գալերէյներում և նշանաւոր անձանց տներում: Ունեցել է 100-ից աւելի պատկերահանդէս և միշտ բարեգործական նպատակով (ի հարկէ մուտքից գոյացած գումարը). վերջինն եղաւ Բագուում 1899 թ. վերջերը, իսկ Թէոդոսիայում նա ունէր մշտական գալերէյ: Իտալիա եղած ժամանակ նա նկարել է *Նէապօլեան գիշեր*, *Լուսընկայ գիշեր*, *Փոթորիկ*, *Բաօս*, ևն: 1866—77 թ. կրետացիների ապստամբութեան ժամանակ նկարեց տեսարաններ նրանց ապստամբական կեանքից և Յդեսսայում պատկերահանդէս բանալով արդիւնքը կրետացիներին նուիրեց: 1877—78 թ. ռուս-տաճկական պատերազմի և 1894—96 Սասնոյ և այլ հայկական կոտորածների ժամանակ մի շարք պատկերներ նկարեց այդ դէպքերի առթիւ: Նրա պատկերները—*Աշխարհի ստեղծագործութիւնը*, *Համաշխարհային Զրհնդեղ*, *Տրասլիզոնի հայոց ջարդը*,

Բայրոնի մուտքը ս. Ղազար, Խորտակուած նաւը, Զրիստոս ծովի վերայ, ծովը զիշեր ժամանակ, Սեւ ծովը արեւելեան ափերից և այլն և այլն:

**ԱՅՎԱՏԵԱՆ ՍԱՀԱԿ ԱՐՔԵՊ.** — Առաջնորդ Պարսկաստանի և Հնդկաստանի հայոց. ծն. Կ. Պօլսում 1853-ին, 1898-ին էջմիածնում եպ. ձեռնադրուեցաւ և ուղարկուեցաւ Ատրպատականի առաջնորդ, իսկ 1901 թ. նշանակուեցաւ Պարսկ. և Հնդկաստանի առաջնորդ:



**ԱՅՏԸՆԵԱՆ Հ. ԱՐՍԷՆ Վ.** (արքեպիսկոպոս). — Մը. Վն. Մխ. յայտնի լեզուագէտ-բանասէր. ծն. Կ. Պօլսի Բերա թաղում 1825 յունուար 7-ին, ուր Մխիթարեանց վարժարանում ստացաւ սկզ. կրթ.: 1835-ին դրկուեցաւ Վեննա, վանքի դպրոցում

մեծ յառաջդիմութիւն ցոյց տուեց և առանձնապէս իր ուշադրութիւնը լեզուների վրայ կեդրոնացրեց. նա դեռ աշակերտական սեղանից

սկսեց գրել: 1845 նոյեմբեր 1-ին վարդ. ձեռն. և նոյն 1845 ին թարգմանեց Կիկերոնի Միլոնի ճառը ու զբաղուեցաւ այլ և այլ ուսումնասիրութիւններով: Հայոց մէջ նա առաջինն էր, որ երկրագունդ պատրաստեց և 1851-ին արդէն արաբերէնը պատրաստ էր, իսկ 1848-ին սկսեց հայերէնը պատրաստել, որը տպուեցաւ և դիտնականներին զարմանք պատճառեց \*): Այդ միննոյն ժամանակ նա մի ճանապարհորդութիւն արեց Կէօշէք եղբայրների հետ և այցելեց Կ. Պօլիս, Զմիւռնիա, Այտրն, Փարիզ և այլ քաղաքները, իսկ 1862 ղեկտ. 12-ին հասաւ Վենետիկ: Նրա աշխատանքի զլխաւոր առարկան հայոց աշխարհարար լեզուն էր, որի *Քրնտական քերականութիւնը* 1866-ին տպելով Վեննայում, մի նոր դարեշրջան բաց արեց: Նա այդ գրքբում վերցնելով մեր գրաբարը մայր աշխարհարար հայերէնի, մշակեց վերջինը և ապացուցեց, որ արդի հայերէնը մի ընդունակ և դիւրին լեզու է, նրա մէջ նա գտաւ այն յատկութիւնները, և թերես աւելին, քան ինչ որ գրաբարումն է: 1851-ին նա ուղարկուեցաւ Զմիւռնիա տեղոյն Մխիթարեան վարժարանի դասատուի պաշտօնով, սակայն 1853 ղեկտեմբերին

\* ) Տպուած է մեծ և փոքր. Կ. Պօլսի Պալենց գրատան գրացուցակի մէջ այդպէս է նշանակուած և առաջինն արժէ 2400 զրուշ իսկ փոքրը—500 զրուշ:

Վեննա փերագարձաւ և մի տարուց յետոյ կըրկին Ջմիւռնիա գնաց: 1867 հոկտեմբերին Վ. Պօլսի Մխիթարեան վարժարանի (ի Բանկայթի) տեսուչ նշանակուեցաւ և այդ պաշտօնը վարեց նա մինչև 1876 թ., երբ արդէն Վեննա գնաց: 1886-ին ընտրուեցաւ Վեննայի Մխիթարեան միաբանութեան արքա: 1895-ին կատարուեցաւ նրա գրական գործունէութեան յիսնամեակը: 1902 թ. յուլիսի 8/21-ին վխճ. Վեննայում: Այտրնեանը շարունակ աշխատակցել է իր միաբանութեան Եւրոպա և Հանդէս Ամսօրեայ ամսագիրներին և գրել է մեծ մասամբ լեզուաբանութեան վերաբերեալ: Ունի թարգմանութիւններ և, ուսումնասիրութիւններ և *Քերականութիւն արդի հայերէն լեզուի Վն.* 1867 և 1882: Հրատարակել է նաև հ. Վ. Չալըխեանի *Քերականութիւն Հայկազեան լեզուի* գիրքը իր կողմից յաւելուածներ տալով և ուղղագրելով: Պէտք է նկատել, որ Այտրնեանը նկարիչ էր և ինքնակրթութեամբ առաջ գնացած: Նրա առաջին նկարն է *Ամենասուրբ Արարողութիւն*, որը նուիրել է նա Ջմիւռնիոյ Նարլը գիւղի եկեղեցուն: Միւս նկարներից նշանաւոր են *ս. Պօղոսի*, *ս. Լուկիայի*, *ս. Աստուածածնի*, *Տիրամօր վերափոխումն* և *Մխիթարի պատկերները*: Բացի այս նա պատրաստել է բազմատեսակ ծաղկագրեր ու այլ տեսակ գրեր, որոնք երևացել են Հանդէս Ամսօրեայի, Արարատի, Տարագի, Աղբիւրի

և այլ հանդէսների էջերում. Այտընեանն առհասարակ զեղարուեստասէր լինելով, հիմք զրեց իրենց եկեղեցական երաժշտութեան, որով ինքն երկար զբաղուեցաւ՝ ուսումնասիրեց և Վեննայի յայտնի երաժշտագէտների մասնակցութեամբ տպագրեց:

ԱՆԵՆԵԱՆ 2 ՄԿՐՑԻ2 Վ.—Մք. Վտ. Մխ. ծն. Կ. Պօլսում 1715 թ., աշակերտեց Մխիթարին և 1739-ին վարդ. ձեռնադրուեցաւ: 1756—1758 թ. Կ. Պօլսում քարոզչի պաշտօն վարեց, որտեղից վերադարձաւ Վենետիկ, իսկ այնտեղից էլ ուղարկուեցաւ Հռոմ իբրև ներկայացուցիչ Վենետիկի Մխիթարեանց: 1766-ին թողեց այդ պաշտօնը և Վենետիկ գնաց: 1775-ին կրկին Կ. Պ. զրկուեցաւ, սակայն իբր անխոհեմ ընթացքի համար մի քանի ամսից յետոյ Թեսաղոնիկէ աքսորուեցաւ, որտեղ և մ. 1777 սեպտեմբերի 6-ին: Անանեանն օգնել է Մխիթարին Հայկազեան քառարան-ի մէջ (1749—69), նա կազմել է Բառզիրը յաշխարհարարէ ի գրաքառտպ. Վտ. 1769 (Բ. հատորումն է գտնուում), 1869-ին տպուեցաւ առանձին՝ սրբագրութեամբ 5. Եղ. Հիւրմիրզի:

ԱՆԳՐԷԱՍ ՊԵՏՐԻԱՐԷ ԵՐՈՒՍԵՂԷՄԻ.—Անգրէաս եպ. լինելով Աստուածատուր Մարտինցի (Մերտինցի) պատրիարքի հօրեղբօր որդի՝ 1542-

ին ընտրուեցաւ պատրիարք, որովհետեւ Աստուածատուրը ծերութեան պատճառով հրաժարուեցաւ: Անդրէասը բարեգարդեց վանքը, տէրութեան միջոցով ոչնչացրեց *բաժ* կոչուած տուրքը «զոր պահանջէին այլազգիք 'ի միաբանաց և յուխտաւորաց», նորոգեց ս. Կուսի գերեզմանը, ս. Յակոբայ վանքի մօտ տաճիկներին արևմտեան կողմը տեղ գնեց և ձիթենեաց պարտէզ տնկեց վանքի համար: Նա բազմատեսակ վէճեր ունեցաւ յոյների և լատինաց հետ \*) և 29 տարի պատրիարքութիւն անելուց յետոյ 1571-ին վախճանուեցաւ:

ԱՆԴՐԷԱՍ ՍՏԱՄԲՈՒՅԻ.—Պատրիարք Կ. Պօլսի, ընտր. 1675-ին. «ձէհէննէմ վլըտիվէնի կոչուած երէցը» \*\*): 1676-ին աթոռընկէց եղաւ:

ԱՆՈՅՂԵԱՆ ԿԱՐԱՊԵՏ.—Ռումանահայ, Պուրբէշի (Բուխարեստ) ազգային հաստատութեանց բարերար, մ. 1876 յունիս 23-ին:

ԱՆՏՈՆ ՔԱՀԱՆԱՅ.—Սիւնեցի. երբ հայ մեւլիքներն Աղուանից Եսայի կաթողիկոսի մասնակ-

---

\*) Մանրամասնութիւնները տես «Ժամանակագրական պատմութիւն ս. Երուսաղէմի», Երուսաղէմ 1890. Աստուածատուր եպ. Տ. Յովհաննիսեանցի, հատոր Ա. էջ 254—275:

\*\*) 1901 թ. ընդարձակ Օրացոյց. Կ. Պօլիս էջ 108:

յութեամբ ուսաց Պետրոս Մեծ կայսեր հետ 1724 թ. ժողովից յետոյ յարարերութիւններ սկսեցին, այս քահանային Քեխա 2էլէպու. Պետրոս երէցի և Սիմէօն Պօպովի ( ) հետ ազերուական նամակներով կայսեր մօտ ուղարկեցին, որով օգնութիւն էին խնդրում. Անտոն քահանան Պ.-Նուրզ հասնելով ինքնապլուխ կարգադրութիւններ արեց և խնդրեց, որ հայերին Պասսից ծովի ափերին նոր աիրած երկիրներում բնակութեան տեղ տան. 1724 նոյեմբեր 10-ից տուած Բարձրագոյն հրովարտակով այդ խնդրին բաւարարութիւն տրուեցաւ և տ. Անտոնն իր բնկերներով վերադարձաւ. Այս խնդրի հիման վրայ կանցլեր գրաֆ Պօլսովիներ հայերի համար որոշեց Գիլան, Մազանդարան, Բագու, Գերբենտէն, Անտոն քահանան ներկայացաւ իրեն ուղարկող ժողովին, և երբ լսեցին նրա արարքների մասին՝ անպատուեցին ինքնապլուխ կարգադրութիւնների համար և որովհետև տ. Անտոնը վախենում էր մեկիքներից, մանաւանդ որ մի շարք տարածայնութեանց պատճառ դարձաւ, երկու օրից յետոյ փախաւ...

ԱԶԸԳԵԱՆ ԽՈՐԷՆ ԱՐՔԵՊԻՍԿՈՊՈՍ.— Պատրիարք Պ. Պօլսոյ, ծն. Քէրէմէթում 1842 նոյեմբեր 4-ին, Կրթ. ստացաւ Պ. Պօլսում, ուր և վարդ. ձեռնադրուեցաւ, իսկ 1873-ին էջմիածնում եպ. 1888 սեպտ. 29-ին Պ. Պօլսի պատ-

բիարք ընտրուեցաւ. այդ ժամանակ նա Արմաշի  
գալրեվանքի վանահայր  
էր. 1894 թ. յունիս 4-ին  
թեր և գէմ խօսակցու-  
թիւնների առաջն առ-  
նելու համար հրաժա-  
րուեցաւ պատրիարքու-  
թիւնից և այնուհետև  
նա ապրում էր Մարրի-  
գիւղում իրրև քարոզիչ,  
Վ. խճ. Կ. Պօլսում 1899  
թ. հոկտ. 26-ին: Գր.



վաստ. — ա) Փիլիսոփայութիւն, Արմաշ 1880. ք)  
Կենցաղ նկենդեցականաց, Կ. Պ. 1892:

**ԱԶՃԵՆ ԱՐԱՄ.** — Տաճկահայ գրագէտ-գրա-  
շար, որ 1884 թ. Կ. Պօլսում սկսեց *Հապտեր*  
*Դիրոզինեան անունով* հանդէս հրատարակել և եր-  
կու համար տալուց յետոյ Կրթական նախարա-  
րութեան հրամանով զազարեց, 1888 թ. նորից  
սկսեց տպագրել, սակայն մի քանի համար մի-  
այն կարողացաւ տալ:

**ԱՊՐԹ ՍԱՀՆԳ.** — Զմիւռնիացի հայ խմբագիր  
երբևմն թարգման Բ. Դրան. 1849 թուից Օս-  
մանեան ծառայութիւն մտնելով ծառայեց մին-  
չև իր մահը և հայոց հասարակական գործերումն  
էլ նշանաւոր դեր էր խաղում. նա իր ժամա-

նակին նշանաւոր էր և իրրե լեզուարան և 1852 թ. փետրուար 28-ից Գրիգոր Մարկոսեանցի († 1888) հետ սկսեց նոյնան Աղաւնի անունով շարաթաթերթ հրատարակել, որի համար սեպհական տպարան էլ ունեցաւ: Այս թերթը հազիւ տարի ու կէս տեկց և 1853-ին դադարեց: Ապրօն մ. 4. Պօլսում 1900 թ.:

ԱՌԱՔԵՆԼ ԳԱՒՐԻԺԵՅԻ.—Պատմագիր ժէ-րզ դարու: Առաքել վարդապետը պատանի հասակում էջմիածին տարուեցաւ և այնտեղ աշակերտեց Փիլիպպոս կաթողիկոսին, որը նրան վարդապետ ձեռնադրեց: Նոյն կաթողիկոսի հրամանով 1655 թ. սկսեց շարագրել Չահ-Արրասի Հայաստան արշաւելու պատմութիւնը, որին ինքը մեծ մասամբ ականատես է եղել: Վ.խճ. 1669 թ. և թագ. էջմիածնի միարանական գերեզմանատան, ուր այսօր էլ կայ հին տապանաքարը \*): Առաքել վ. պատմութիւնն սկսել է 1601 թ. և հասցրել է մինչև 1662 թ.: Այս գիրքը շատ հետաքրքիր է և հետաքրքիր յաւելուածներ էլ ունի: Առաջին անգամ տպ. Ամստերդամում 1669 թ. շնորհիւ Ռական վ. Երևանցու, երկու անգամ

---

\*) Եթէ չենք սխալոււմ, նրա տապանաքարը նորոգելու, թէ՛ նոր տապանաքար շինելու համար մի փոքրիկ գումար հաւաքուեցաւ, ինչ եղաւ տապանաքարը Փողն էլ որին որ յանձնուեցաւ, նա ինչ արեց:

էլ տպուեցաւ Էջմիածնում՝ 1886 և 1896 թ.։ Առաքել Դաւրիժեցու պատմութիւնը թարգմանուած է ֆրանսերէն Քրոսսէի ձեռքով։

ԱՌԱՔԵԼԵԱՆ Ն. ԽԱՉԱՏՈՒՐ Վ. — Հոռոմայ անդրանիկ հայ ծառաներից մէկը. ծն. 1666 թ. Կարինում և սլաւոնի հասակում ս. Էջմիածին ուղարկուեցաւ ուսանելու, սակայն Վարդան վ. Յունանեանի զրգմամբ (սա իր անկարգ վարք ու բարբի համար Էջմիածնում բանտարկուած լինելով նոր էր ազատուել) նրա հետ Հոռոմ գնաց, որտեղ Ուրբանեան դպրոցի սխոլաստիք դասընթացն աւարտելով, 1692-ին վարդ. ձեռնադրուեցաւ և որպէս քարոզիչ ուղարկուեցաւ Կ. Պօլիս իր հայրենակիցներին կաթողիկոսութիւն քարոզելու։ Այնտեղ նրան շատ լաւ ընդունելութիւն ցոյց տուին և նա մազապուրծ՝ վախաւ հայերից և այս ու այն օտարազգիների ողորմութեան ապաւինուեցաւ։ Կ. Պօլսում նա ծանօթացաւ Մխիթարեան միաբանութեան հիմնադիր Մխիթար վ-ի հետ և նրան էլ կաթողիկոսեամբ վարակելով՝ զրդեց անցնել Իտալիա (Մխիթարն անցաւ իրրև հայ, քայց նրա ժառանգները դաւաճանեցին հայրենի եկեղեցուն...)։ Կ. Պօլսի անյաջողութիւններն ու հունձի պակասութիւնը նրան ստիպեցին հեռանալ այդ տեղից և նա 1718-ին քարոզչի պաշտօնով անցաւ Բելգրադ, Տրանսիլվանիոյ հայաքաղաքներ,


որպէս զի բազմից հալածուած հայ զաղթականներին գոնէ կարող լինի մոլորեցնելու: Այստեղ արդէն բացարձակ հալածանքն անկարելի էր, պապականութիւնը և պապը թագաւորում էին թագաւորների վրայ... Մեռաւ 1740 ապրիլ 30-ին \*): Գր. վաստ.—ա) *Քերականութիւն հայ. Հոտմ 1691.* բ) *Համառօտութիւն քարոյականի աստուածբանութեան Վտ. 1709:* Բացի այս ունի նաև քանի մի սխալաստիք զրուածքներ:

ԱՌՆՔԵԼԵՆ ՂՄԲԵՐՉՈՒՄ.—նշ. հայ գրագէտ-հրատարակախօս ծն. Չուշում 1855 մայիս ամսին: 8 տ. հասակում ծնողները նրան Չուշու կուսանաց վանքի ուսուցչուհիների խնամքին յանձնեցին, որտեղ նա կարդալ-գրել սովորելով, 1865-ին իր ծնողների հետ Թաւրիզ տեղափոխուեցաւ և այնտեղ երկու տարի ուսաւ հայոց ուսումնարանում, իսկ յետոյ սկսեց պարագել տնային ուսուցիչների մօտ: 1874-ին նա կրկին Չուշի գնաց և սկսեց պատրաստուել, որի արդիւնքն այն եղաւ, որ 1877-ին Բագուի Ռէա-

---

\* ) Ահա սրանք են պատճառ (Եիկոլ եպ., Պաշատուր և Վարդան վարդապետները և այլն), որոնք ջընջեցին, ոչնչացրին հայութեան անունը արևելեան եւրոպայում: Միտիթարեանները լաւ գիտեն այս բոլորը, սակայն խոստովանուելու կարիք չեն զգում, մանաւանդ Վենետիկցիք, թէ չէ Վեննայեցիք բարեխիղճ են:

լական ուսումնարանի Ե. դաս. ընդունուեցաւ։ 1879-ին ավարտելով, զնաց Մոսկուա և մտաւ Պետր. Բազում. ակադեմիա, սակայն հայրը մեռնելով հանգամանքները նրան ստիպեցին 1881-ին Զուշի վերադառնալ, ուր Քէորզ Գ. կաթողիկոսի կոնդակով թեմական և օրիորդաց դպրոցների տեսուչ նշանակուեցաւ։ Նա այդ պաշտօնը վարեց մի տարի և այն էլ ձրիաբար։ 1882 թ. մասնակցեց հայոց առաջին (և վերջին) Ուսուցչական ժողովին, որ տեղի ունեցաւ Տփլիսում։ Ինչպէս 1884—85, այնպէս էլ 1892 թ. նա մասնակցեց կաթողիկոսական ընտրութիւններին իբրև աշխարհական պատգամաւոր Պարսկաստանի և Հնդկաստանի թեմի։ Հ. Առ. ջանքերով հիմնուեցաւ Զուշում Կովկասեան Հայոց Բարեգործական ընկերութեան ճիւղը, և նա մի քանի տարի նոյն ճիւղի նախագահի և քարտուղարի պաշտօնները վարեց։ 1892—98 Կովկ. Հայոց Բարեգ. ընկ. քարտուղարի պաշտօնը վարեց։ 1880 թ. հանգ. Գաբրիէլ Միրզոյեանցի և օր. Ն. Տէր-Մարկոսեանի հետ հիմնեց Տփլիսի Հայոց Հրատարակչական ընկ. և 6 տարի խմբագրա-



կան մասնաժողովի անդամ եղաւ: 1900 թ. Պարսկաստանի Կեդրոնական Կրթական Յանձնաժողովի անդամ ընտրուեցաւ: Հ. Ա-ի գրական գործունէութիւնը սկսուած է 1872 թուականից, երբ նա սկսեց Թարբիդից թղթակցել «Մշակ»-ին (տես «Մշակ» № 15): Այնուհետև նա շարունակեց փոքրիկ ընդհատումներով, տալով հասարակական-բանասիրական և մատենախօսական յօդուածներ, իսկ 1893 թ: սկսեց «Մշակ»-ում առաջնորդող յօդուածներ գրել: Աշխատակցել է «Հայկական աշխարհ», «Մեղու Հայաստանի», «Գործ», «Արևելք», «Հայրենիք», «Հանդէս Ամսօրեայ», «Արարատ», «Новое Обозрѣніе», «Новости», «С.П.-Бург. Вѣдомости», «Русскій Курьеръ», «Моск. Телеграфъ» «Phare de Rispore» (Կ. Պօլիս) պարբերականներին: Գրվաստ.— ա) Պատմութիւն խաչակրութեան եւ թագաւորութեան Երուսաղէմայ Վաղ. 1874. բ) Խորմեան Հայրիկի կաթողիկոսական ընտրութիւնը Տ. 1893. գ) Զէյթուն, տեղագրութիւն Տ. 1896. դ) Ազգայնութիւն եւ նրա պրինցիպլները Տ. 1883. ե) Գալիլէյ Տ. 1899. զ) Միլտօն Տ. 1900. է) Պարսկաստանի հայերը, նրանց անցեալը, ներկան եւ ապագան. ը) Ծանապարհորդութիւն Թարբիդից Նախիջեան. թ) Հանրագիտակ բառարան (մամուլի տակ). ժ) Եապօնիա թարգ. ևն. Բացի այս ա) Le Babisme en Perse. բ) La question Armenienne. գ) Бабизмъ Տ. 1901. Թարգմանել է.

ա) Առողջօպահական ընթերցանութիւն ներքեւ եւ խոնար ընակարանների մասին Տ. 1880. բ) Վիլհելմ Տէլլ (համառօտ) Տ. 1892. գ) Բսան վէպիկներ եւ զրոյցներ Գի դը Մօպսսանի, Տ. 1897. դ) Ուրանիա, Ֆլամարիոնի Տ. 1900. ե) Գոռոզ Ազգէն, Գարշինի Տ. 1895. զ) Ժանսպարհորդ գորտ, Գարշինի. Տ. 1895. է) Գր. Արծրունու Թիւրքաց հայերի տնտեսական դրութիւնը Տ. 1894 և այլն. Անտիպ.— ա) Քրիստոնէական եկեղեցու պատմութիւնը. բ) Հայաստանի աշխարհագրութիւնն եւ Հայրենագիտութիւն. գ) Պատմութիւն Պարսից (2 հատոր). դ) Պատմութիւն Թիւրքիայի և այլն \*):

ԱՌԱՔԵԼԵԱՆ ՅԱՐՈՒԹԻՒՆ ԴՊԻՐ, ՍԱՐԿԵՒԱԳ  
— ԱՂԱՆԵԱՆ ԳԻՒՏ Ա. Ք.

ԱՍԵՏՈՒՐ ՀՐԱՆՏ. — նշ. տաճկահայ գրագէտ-հրատարակախօս. ծն. Կ. Պօլսի Պօյաճի գ. 1862 օգոստոս 10-ին. Մի առ ժամանակ նա ուսու Ռօբէրտս քօլէճում, իսկ յետոյ թողեց ուսումնարանը և 1881-ին գնաց Փարիզ, ուր նա մտաւ իրաւարանական ուսումն., ուր 1884-ին ուսման շրջանն աւարտելով Կ. Պօլիս վերադար-

\*) Վերջերս «Հանրամատչելի գրադարան» անուան տակ սկսել է գրքեր հրատարակել: Այդ գրադարանին են պատկանում Նապօնիա, Անդերսէնի հէքիաթները ևն:

ձաւ: Կ. Պօլիս հասած օրից նա երկաց զրա-  
կան և հասարակական առարկէզում և մի առ  
ժամանակ ստանձնեց Գիլիկեան և Միացեալ  
ընկերութեանց ատենադպրի պաշտօնը, իսկ  
1889—1896 թ. Ղալաթիոյ Կեդրոնական վար-  
ժարանի խնամակալների ժողովի անդամակից



ընտրուեցաւ, իսկ վեր-  
ջերս նոյն դպրոցի բարձ-  
րագոյն դասարանների  
աշխարհաբարի և զրա-  
դիտութեան ուսուցիչնը-  
շանակուեցաւ, որ պաշ-  
տօնումն է և այժմ: Նրա  
զրական գործունէու-  
թիւնը սկսուած է 1874  
թ., երբ նա 12 տ. հա-  
սակում թարգմանեց և  
տպեց Պատմութիւն Մալ-

վինայի գիրքը: 1892 թ. Հ. Ասատուրը Գրիգոր  
Զոհրապի հետ սկսեց «Մասիս» հանդէսը հրա-  
տարակել, որի մէջ տպուեցան նրա մի շարք  
ուսումնասիրական յօդուածները: 1898 թ. այդ  
երկուսին աւելացաւ և տիկին Սիպիլը (տ. Զա-  
պէլ Տօնելեան) և երեքով սկսեցին «Մասիս»-ը  
խմբագրել մինչև 1899 թ., որից յետոյ Հ. Ա-  
սկսեց զբաղուել լուրջ ուսումնասիրութիւննե-  
րով: Նրա զբաւոր գործերը ցրուած են «Ման-  
գումէի էֆբեար», «Թէրճիմանի էֆբեարի», «Մա-

սիս», «Արևելք» (1884 թուականից Արարս ստորագրութեամբ) թերթերում, որոնք ի միասին վերցրած մի քանի հատորներ կարող են կազմել, Հ. Ա. 1900 թուականից սկսած խմբագրում է Պօլսոյ ս. Փրկչեան ազգային հիւանդանոցի օրացոյցը, որը իր ճոխ բովանդակութեամբ ոչ տաճկահայոց և ոչ էլ ռուսահայոց մէջ նման ունի. նրա մէջ կարող էք գտնել ամենաճշգրիտ տեղեկութիւններ բոլոր պետութիւնների մասին, Հայոց եկեղեցու նուիրապետութեան ահագին տեղ է տուած, վիճակագրական տեղեկութիւններ համայն հայոց եկեղեցեաց, վանօրէից, ուսումնարանաց և այլ բաների մասին, մէկ խօսքով նա ոչնչով ետ չէ մնում Кавказский календарь կոչուած օրացոյցից և դեռ աւելի հարուստ է: Մեր բոլոր պատի և ծոցի օրացոյցների հրատարակիչների գլխաւոր աղբիւրը նա է \*): Հ. Ա. թարգմանել է Վ. Հիւզոյի Դամքանականները: Գր. վաստ.— ա) Պատանեկան ներշնչումներ Կ. Պ. 1879. ք)

---

\*) Այս օրացոյցից գոյացած գումարը ս. Փրկչեան հիւանդանոցին է յատկացրած: 1902 թ. գոյացել է 99010 դրուշ (7920 ր. 80 կ.): 1904 թ. օրացոյցն ունի 567 էջ, չը հաշուած յայտարարութիւնները: Ի միջի այլ յօդուածների հետաքրքիր են «Օրացոյցի պատմութիւնը», «Նշանաւոր վախճանեալներ», Երաժշտական յաւելուածն և այլն: Արժէ 10 դրուշ (80 կ.) որ համեմատաբար չափից գուրս էժան է:

Պատմութիւն ս. Փրկչեան ազգ. հիւանդանոցի Կ. Պ. 1888. Կ) Կ. Պօլսոյ Հայերը եւ իրենց պատրիարքները 1461 — 1858 թ. (տպուած է 1901 թ. ս. Փրկչեան Հիւանդան. Օրացոյցի մէջ). Լն.

ԱՍԼԱՆԵԱՆ ԹԱԳԻՈՐ ՎԱՐԺԱՊԵՏ.— Կարծում են ծնուած լինի Կ. Պօլսի Ենի գարու թաղում, ապրում էր ԺԹ-ըդ դարու առաջին քառորդում, նշանաւոր հայկարան և աստուածարան էր: Թագւոր վարժապետը, որին «պատրիարքարանի իմաստապերճ տիրացու» է անուանում պատրիարքութեան պատմիչը, լինելով Պօղոս Ագրիանուպոլսեցի պատրիարքի սիրելի և բարեկամ՝ երկար ժամանակ ծառայեց նրա մօտ որսպէս նօտար-քարտուղար: Ինչպէս յայտնի է, Պօղոս պատրիարքը փորձ արեց դադարեցնել հայ առաքելականների և հայ կաթողիկոսների միջև եղած վէճերը, և այդ հարցերը վճռելու համար 1816 թուականից սկսած մի շարք ժողովներ եղան, որոնց մէջ մեծ դեր էր խաղում Թագւոր վարժապետը, մանաւանդ 1820-ին, երբ նա հաշտեցուցիչ յանձնաժողովի աշխարհական անդամի դեր էր խաղում: Թագւոր վարժապետը ջերմ ջատագով հանդիսացաւ հայրենի եկեղեցուն և պաշտօնական գրութեանց մէջ շարունակ գրչակոծ էր անում կաթողիկոսներին: Թ. Ա. միևնոյն ժամանակ կրօնական գրքերի սրբազրիչ էր և պատրիարքական բոլոր գրութիւն-

ները նա էր խմբագրում, օրոնցից մէկի համար, որ էջմիածին էր ուղարկուելու նոյն Պօղոս պատրիարքի օրով հալածանքի ենթարկուեցաւ. Մ. Կ. Պօլսում, տարին անյայտ:

ԱՍԼԱՆԵԱՆ ՍՏԵՓԱՆ ՓԼԶԱ.—Պետական և պատրիարքական տաճկահայ գործիչ. ծն. Կ. Պօլսում 1822 զեկտ. 22-ին: Կրթ. ստացաւ Սկիւտարի ճեմարանում և ապա Կալաթա Սէրայի ուսանող գրուեցաւ: 1848-ին բժշկական վկայական ստանալով, անցաւ Վեննա և այնտեղի համալսարանից էլ նոյնպիսի վկայական ստանալով Կ. Պօլիս գնաց: 1870-ից գինուորական բժշկական ճիւղի սպարապետութեան անդամ ընտրուեցաւ և նոյն տարի վաշայութեան արժանացաւ: 1877-ին կառավարութիւնը նրան Եւրոպա ուղարկեց բժիշկներ հրաւիրելու համար: Բացի բժշկական ասպարէզում ունեցած պաշտօնների նա Տաճկաստանում ուրիշ պաշտօններ էլ վարեց, ինչպէս օրինակ 1863—64 թ. Հանրային կրթութեան վարիչ անուանուեցաւ: Իբրև ազգային գործիչ նա ասպարէզ եկաւ 1846-ին, երբ նա Բերայի նարեկեան վարժարանի հոգաբարձու ընտրուեցաւ: 1859-ին ընտրուեցաւ Գերագոյն ժողովոյ ատենապետ, իսկ 1863-ին անդամ Քաղաքական ժողովոյ, որ պաշտօն վարեց նա բաւական երկար ժամանակ և 1896—1901 թ. կրկին անգամ: 1875—80 թ.

պատրիարքական ժողովի ատենապետ հղաւ, 1879-ին Երուսաղէմի, իսկ 1883-ին էլ Եգիպտոսի պատուիրակ: Մ. Կ. Պօլսում 1901 թ. նոյեմբեր 17-ին:

ԱՍԿԵՐԵԱՆ Ն. ՎՐԹԱՆԷՍ Վ.—Մը. Վտ. Մխ. ծն. Կ. Պօլսում 1720 մարտի 15-ին, 1830-ին զրկուեցաւ Վենետիկ, ուր աշակերտեց Մխիթարին և 1743-ին վարդ. ձեռնադրուեցաւ: Մխիթարի մահից անմիջապէս յետոյ իբրև քարոզիչ Կ. Պօլիս զրկուեցաւ և 1751-ին ետ կանչուելով աթոռակալ ընտրուեցաւ, իսկ յետոյ Վենետիկի առաքելական-լուսաւորչական հայոց ս. Խաչ եկեղեցու աւագերէց նշանակուեցաւ \*): Վխճ. 1810 յունուար 12-ին Վենետիկում: Հ. Ասկերեանն հօթը տարի շարունակ զբաղուեցաւ Աստուածաշունչ զբքի հայ և լատին թարգմանութեանց համեմատութեամբ: Գր. վաստ.— (տպ. Վտ.) Մշտնջենատր պարզատումար եկեղեցական 1782: Թարգմանել է.— ա) Թովմաս զեմբացի 1786 և 1853. բ) Խմաստասիրութիւն ըարոյական էմ. Թեսալոսի 1793 և 1853. գ) Խոկմունք Բրիստոնէականք 1771. դ) Խրատք կրօնաւորական կատարելութեան 1779. ե) Զարոզիրք հօթնկարգեան 1781. զ) Փիլիսոփայու-

\*) Այդ եկեղեցին վաղուց գոյութիւն ունէր և հիմնուեցաւ հայ վաճառականների ծախքով, որոնք վաղուց առևտուր էին անում այնտեղ:

Թիւն Կովզնի 1750. է) Պատմութիւն Հոովմէա-  
կան Ռօլէնի 1816—17:



ԱՍՏՂԻԿ (օր. ԳԱՆԹԱ-  
ՐԵԱՆ).—Անդրանիկ հայ  
ղերասանուհի, աղջիկ  
Սահակ Գանթարեանի,  
որը Կ. Պօլսում կառքե-  
րի գործարան ունէր,  
ըսյր տիկ. Սիրանոյշի.  
Ծն. Կ. Պօլսի Բերա թա-  
ղում 1855 թ.: 1871 թ.  
աւարտելով իր թաղի օ-  
րիորդաց վարժարանը  
16 տ. հասակում բեմ  
դուրս եկաւ Վարդովեա-

նի խմբում (Կ. Պօլիս) և առաջին անգամ խա-  
ղաց Մօլիէրի «Դօն-Ժուան»-ում երկրորդ կնոջ  
ղերը: Առաջին թատերաշրջանին նա խաղում  
էր Կէտիկ փաշայի թատրոնում, իսկ երկրորդ  
թատերաշրջանին Մաղաքեանի թատերախումբ  
մտաւ (որի խնամակալն էր Յակոբ Պալեան)  
և սկսեց խաղալ Միջագիւղի թատրոնում: 1879-  
ին տիկ. Սիրանոյշի հետ Տփլիս հրաւիրուեցաւ,  
ուր նա խաղում էր իշխ. Ամատունու խմբում:  
Այդ ժամանակ Տփլիսը յափշտակուած էր եր-  
կուսով—Աստղիկ և Ադամեան: Երկու տարի խա-  
ղալով Տփլիսում 1880 թ. վերջերը վերադար-

ձառ Կ. Պօլիս և սկսեց խաղալ տեղական թատրոններում: Ինչպէս այդ ժամանակ, այնպէս էլ մինչև Տփլիսի գալը նա խաղացել է Զմիւռնիա, Պրուսա, Ադրիանուպօլիս, Սալօնիկ և այլ հայարնակ գաւառաքաղաքներում: Նա մեռաւ Կ. Պօլսում 1884 մայիս 16-ին ստամոքսի հիւանդութիւնից և թաղուեցաւ Բերայի գերեզմանատան: Որտեղ և Աստղիկը բեմ է դուրս եկել, ամեն տեղերումն էլ հասարակութիւնը յափշտակուել է ու սիրալիր ընդունելութիւն ցոյց տուել: Խաղացել է տիկ. Սիրանոյշի դերերը, Բէպէրտուար՝ Քոյր Թերեզա, Կամելիա, Լիւսիդիդիէ, Կատերին Հովարտ, Ընջելօ Մալիպիէրիի, «Սէք առանց համարման»-ի մէջ և այլն:

#### ԱՍՏՈՒԸՆԱՏՈՒՐ ԿԸԹՈՂԻԿՈՍ ՀԸՄԵՂԱՆՑԻ.

— Կաթողիկոս ամենայն հայոց, յաջորդեց Ադէրսանդր Զուղայեցուն, ընտրուեցաւ 1715 թ. մայիս 7-ին: Այս կաթողիկոսը Մայր տաճարի մէջ կարևոր նորոգութիւններ կատարեց, բայց ապրելով Հայոց երկրի ասպատակութեան ժամանակներում՝ թափառական կեանք էր վարում և ժողովրդին սփռելու համար շարունակ շրջում էր: 1725 թ. հոկտ. 10-ին Յշական գիւղում եղած ժամանակ, լուսնի խաւարումը լայնագիւղ պատուհանից դիտելու ժամանակ վայր բնկաւ և շորս ժամից յետոյ վախճանուեցաւ: Մարմինը

էջմիածին տեղափոխուեցաւ և Հռիփսիմէի վան-  
քի բակում հողի յանձնուեցաւ:

ԱՍՏՈՒԱԾԱՍՏՈՒՐ ԿԱԹՈՂԻԿՈՍ ՍԱՍՈՒՆՅԻ,  
Նարին կոչուածը, կաթ. Տանն Կիլիկիոյ, ընտ-  
րուեցաւ 1691-ին, վխճ. 1694-ին:

ԱՍՏՈՒԱԾԱՍՏՈՒՐ ՊԱՏՐԻԱՐԷ Կ. ՊՕԼՍԻ.—  
Ծն. Կ. Պօլսում 1768-ին և աշակերտեց Զաքա-  
րիա պատրիարքին: 1805-ին եպ. ձեռնադրուե-  
ցաւ: 1820-ի կրօնական վէճերի ժամանակ 24  
օրով բանտարկուեցաւ իբրև առաքելական հայոց  
աղմկարար: 1841-ի սեպտ. 19-ին Կ. Պօլսի պատ-  
րիարք ընտրուեցաւ և ընտրող ամիրաները նրան  
ուզեցին իրենց ձեռքի խաղալիկ շինել, և որով-  
հետև ամիրաների ու արհեստաւորների միջև  
մեծ տարաձայնութիւններ էին ծագել, ուստի  
և հոկտ. 3-ին Իւսկիւտարի ճեմարանը, որ կը-  
ռուսպատճառ էր դարձել, փակուեցաւ: Աստ.  
պատրիարքը տեսնելով որ արհեստաւորների  
պահանջն իրաւացի է, նրանցից 27 հոգարար-  
ձու ընտրել տուեց, որոնք իրենց ձեռքն առան  
աղղային-պատրիարքական գործերի ղեկը և 1841  
դեկտ. 12-ին հաստատուեցան: Արհեստաւորաց  
հոգարարձութիւնը գործելով առանց ամիրանե-  
րի, անընդունակ գտնուեցան և ստիպուած ե-  
ղան հրաժարուելու Գործերի խառն գրութեան  
պատճառով թէ արհեստաւորները և թէ ամի-

րաները զինուեցան Աստուածատուրի ղէմ և նա 1844 յուլիսին ստիպուած եղաւ հրաժարուելու, ու քաշուեցաւ Իսկիւտար, որտեղ և վխճ. 1846 յունուար 2-ին և թաղուեցաւ Պաղլար Պաշիի գերեզմանատան:


**ԱՍՏՈՒԱԾԱՏՈՒՐ ՄԵՐԴԻՆՅԻ.** — Պատրիարք Երուսաղէմի, որ ընտրուեցաւ 1532 թ.: Սրա օրով պատահեց ծռազատիկը, որի համար Աստ. ընդհարուեցաւ յունաց հետ և բողոքեց սուլթանին: Սրա օրով շինուեցաւ Երուսաղէմի պարիսպը: 1542-ին հրաժարուեցաւ Աստուածատուրը և նրա տեղ ընտրուեցաւ Անդրէաս և պիսկոպոսը \*):

**ԱՍՏՈՒԱԾԱՏՈՒՐ ԶՈՒՆԴ.** — Բարեբար, ծն. Աւստրիոյ Սուլաւա հայաքաղաքում 1825 օգոստ. 14-ին հայ-առաքելական ազնուական ծնողներից: Սկզ. կրթ. ստացաւ նոյն քաղաքի հայոց վարժարանում, յետոյ գերմանական ուսումնարանում, որը կիսատ թողնելով, 1837-ին ղըր-

---

\*) Չը գիտեմ ինչ աղբիւրից է վերցրել ս. Փըրկչեան օրացոյցի խմբագիրը, որ Աստուածատուր Մերտինցուն համարում է երկու անգամ պատրիարքացած՝ 1523—1544 և 1564—1566, որ տարին և վախճանուել է: Բայց ըստ մեր աղբիւրի նա 1542-ին հրաժ. ձերութեան պատճառով (ժամանակագր. պատմ. Երուսաղէմի հատ. Ա.):

կուեցաւ Վեննա՝ Մխիթարեանց վարժարանում  
ուսանելու։ Այնտեղ ուսումն աւարտելով հօր մա-  
հից յետոյ, գնաց նախ Զմիւռնիա, ապա Կ. Պօ-  
լիս և յետոյ էլ կրկին Վեննա, իսկ 1850-ին  
Սուշաւայի հայոց ուսումնարանի վերատեսուչ  
նշանակուեցաւ։ Ուսումնարանին մատուցած ծա-  
ռայութիւնների համար սիրուեցաւ նա իր հայ-  
րենակիցներից, իսկ կառավարութիւնն էլ այլ և



այլ արտօնութիւններ  
շնորհեց։ 1853-ին թո-  
ղեց այդ պաշտօնը, գը-  
նաց Կ. Պօլիս, ուր շը-  
փուելով հայ նշանաւոր  
ընտանիքներին նրանցից  
մէկի որդուն Փարիզ տա-  
րաւ։ Վեննայով անցնե-  
լիս պետութիւնը նրան  
պաշտօնի հրաւիրեց, սա-  
կայն նա մերժեց և ե-  
րբ տարի յետոյ վերա-  
դառնալով Կ. Պօլիս՝

պետական վայտի մատակարարութիւնն իր ձեռ-  
քըն առաւ։ Այս շահաւէտ գործը նրան հարս-  
տութեան տէր դարձրեց և նա վերանորոգեց ս.  
Փրկչեան ազգային հիւանդանոցը, վեց տարի  
էլ նուրար Ճահնազարեան վարժարանի խնա-  
մակալ և ատենապետ եղաւ։ Նա իր անունն  
անմահացրեց Զունդեան հիմնարկութիւն (Fonda-

tion Chevalier Czunt) կոչուած 60 հազար ֆրանքի կտակով, Այդ գումարը պէտք է մնայ Աւստրիոյ դրամատան մէջ և տոկոսով եւրոպական համալսարաններում հայ ուսանողներ պէտք է պահուին: Կտակի գործադրութիւնը յանձնուած է Կ. Պօլսոյ Յ. Իզմիրեանց Գրական-Յանձնաժողովին: Զունդը Աւստրիայի Միջազգային Դատարանի դատաւորի պաշտօնն էլ է վարել և Պօլսոյ Աւստրիական դաղթականութեան մէջ գործօն դեր խաղացել: Եղել է անդամ եւրոպական բազմաթիւ ընկերութիւնների, ստացել է շքանշաններ, իսկ Աւստրիոյ Փրանցիսկ Յովսէփ կայսրը նրան պատուել է իւր և երկաթէ թաղի շքանշաններով, 1875-ին էլ կայսերութեան ասպետի տիտղոս ստացաւ, որով և նրան շնորհուեցաւ ժառանգական ազնուականութիւն: Մ. 1897 Վետր. 19-ին Փարիզում: Նա զբաղուել է գրականութեամբ. Կ. վ. Չահնագարեանի առաջարկութեամբ հայերէն է թարգմանել Ergaenzungsblatt-ի մէջ եղած հայոց վերաբերեալ յօդուածը: Նա ֆրանսերէն է թարգմանել Առաքել Դաւրիժեցու պատմագրութիւնը, սակայն լսելով որ Քրոսէ հայագէտն արդէն թարգմանել ու տպել է, իրենը թողել է անտիպ:

ԱՍՏՈՒԸԾԱՏՈՒՐ ՎԱՐԴԵՊԵՏ. — Պատրիարք Կ. Պօլսոյ, աշակերտ Կերջանցի Մաղաքիա վարդապետի, ընտրուեցաւ 1537, վիսճ. 1550 թ.:

ԱՍՏՈՒԱԾԱՏՈՒՐ ՏԵՐԹՆԵՑԻ. — Պատրիարք Երուսաղէմի, աշակերտ Գրիգոր Պարոն Տէր Երուսաղէմի պատրիարքի, ընտրուեցաւ 1645-ին իր նախորդի կտակի համաձայն: Մատենազրի ստեղծով «յաւուրս իշխանութեան սորա պատահեցան ձախորդութիւնք զիպուածք մեծամեծք և ցաւք անբուժելիք»: Աստուածատուր պատրիարքը ընդհարուեցաւ նեստորականներին, նորոգեց ս. Հրեշտակապետի վանքը, ս. Փրկչի ու ս. Յակոբայ վանքերը: Մի առ ժամանակ աթոռադուրկ մնալով, նա նորից հաստատուեցաւ իր աթոռի վրայ: Հապէշների առաջնորդը առ ժամանակ հեռանալով Երուսաղէմից՝ իրենց վանքերը Աստուածատուր պատրիարքին յանձնեց, սակայն յունաց պատրիարքը նախանձելով խից հայերից և այս պատճառով մեծ խռովութիւն ծագեցաւ: Այս պատճառով նա 1656-ին Կ. Պօլիս գնաց և Եղիազար Անթապի վարդապետի միջոցով իր գործերն աւարտած Երուսաղէմ վերադարձաւ, սակայն վէճը շարունակուեցաւ և յոյներն ս. Յակոբայ վանքի վրայ էլ բռնացան: Այս անգամ մեծ դեր էր խաղում Եղիազար վ., որին Աստուածատուրը խոստացել էր պատրիարքական աթոռը: 2ր նայած այս խռովութիւններին, մի նոր խռովութիւն էլ ծագեց և պատճառն Եղիազար վ. էր, որ կամեցաւ Երուսաղէմում կաթողիկոսանալ և յափըշտակեց պատրիարքութիւնը, որի համար

երկրի պետերին կաշառեց: Աստուածատուրն էլ նոյն միջոցներով վերստին պատրիարքացաւ Վիսւ. 1671 խոր ծերութեան մէջ և ժաղուեցաւ ս. Փրկչի վանքում\*):

ԱՏՐՊԵՏԵԱՆ, ԱՏՐՊԵՏ (Սարգիս Մուրայաճեան).—Վիպասան. ծն. Կարս քաղաքում տաճկաց տիրապետութեան ժամանակ, 1850 յունուար 21-ին: Սկզ. կրթ. ստացաւ Բաղէշցի Գրիգոր պատուելու մօտ, 1869—71 թ. ծխ. ուսումնարանում, իսկ 1871—72 կաթողիկաց դպրոցում: 1873-ին դնաց Ալէքսանդրոպոլ ուսումը շարունակելու նպատակով, և այնտեղից էլ անցաւ Կ. Պօլիս, ուր մտաւ Վեննայի Մխիթարեանց ուսումնարանը հանգուցեալ Ա. վ. Այտրնեանի օրով: Այնուհետև մտաւ Յամանեան լիցէոն և այդտեղից էլ, մինչև 1878 թ. ուսանելուց յետոյ, չ'աւարտած դուրս եկաւ: 1881-ին վերադարձաւ Կարս և տեղւոյն հայոց երկսեռ ծխ. ուսումնարաններում մինչև 1888 թ. ընդհանուր պատմութեան ու աշխարհագրութեան ուսուցիչ եղաւ: Միննոյն ժամանակ ընտրուեցաւ նաև քաղաքային պատգամաւոր (депутатъ)\*):

\*) Ըստ ս. Փրկչեան Օրացոյցի պատրիարքացել է 1647 և մնացել մինչև 1666 թ., յաջորդ տարին կրկին մի տարի, 1670 կրկին և վիսւ. 1672-ին:

\*) Քաղաքային պատգամաւորներ կամ դեպուտացիան համարեա միննոյն ձևի կառավարութիւն է, ինչ


1889-ին ուսուցչական ասպարէզը [ժողնելով՝  
տեղափոխուեցաւ Բագու և սկսեց ծառայել նա-  
թագործարաններում: 1893-ին անցաւ Թաւրիզ  
դատարանական գործերը վարելու և 1895-ին  
կրկին եկաւ Կովկաս: 1898-ին գնաց հարաւային  
Ռուսաստան մասնաւոր գործերով, սակայն քիչ  
ժամանակից յետոյ անցաւ Պարսկաստան՝ Թաւ-  
րիզ ք. և 1899 մայի-  
սից սկսած մինչև այժմ  
գրադուում է դատարանա-  
կան գործերով: Ատրպե-  
տի առաջին զրական  
աշխատութիւնն է Խել  
Կարապետ վէպը, որ  
լոյս տեսաւ 1889 թ.  
«Մուրճ»-ի մայիսի համա-  
րում և առանձին զրր-  
քով: Աշխատակցել է «Մը-  
շակ»-ին, «Աղբիւր»-ին,



«Տարագ»-ին և «Գաղափար»-ին: Գր. վաստ.— ա)  
Շուշան (օպերա 3 գործ.) ՄԳԲ. 1890. բ) Աշ-  
մաստ վէպ Բարձր Հայոց իրական կեանքից Մ.  
1891. գ) Ղաղի. դ) Արդար դատաստան քննադ.  
կ) Թուլութեան ջիւղեր Ն. Նախիջ. 1899. զ) Սարրաֆ,

որ քաղաքային ինքնավարութիւնը: Առաջ կատարու-  
թեան այդ ձևը սովորական էր և քաղ. ինքնավարու-  
թիւններ բացուելով ոչնչացաւ: Գեղուտասներ ընտր-  
ում էին ժամանակաւոր և ոչ մշտական:

ողբերգ. Տ. 1893. է) Սուլթանը խալիֆ շէ. ք) խալիֆաթ. թ) ժառանգներ. պատկեր ն. ն. 1899. ժ) Բոն Եղիկ, վէպ. Տ. 1898. ժա) Բերսայի Առաքելը վէպ ն. ն. 1893. ժբ) Շխնոց, պատկեր ն. ն. 1898: Բացի այս ունի բազմաթիւ վէպիկներ ու պատկերներ. Բիւրանքէյ, Կաղ Նազօ, Խառա-Խրիսա, Սօֆիժա, Ոսկէ որդին, Այիշէ-խանում, Օսմանեանների 600 ամեակը, Հաւթան, Հարազիստներ, Երախտապահանջ, Կուռք, Սեւ քաղաք, ծպտնալ Սուլթան, Փաշա, Վիքալայի զաղտնիքը, Երախտիք, Բըրդերը Պարսկաստանում և այլն տպուած ու անտիպ բազմաթիւ գրուածքներ, որոնք մեծ մասամբ Կարսումն է թողել հեղինակը:



ԱՐԱՄԵԱՆ ՃԱՆԻԿ.—Ար-

հեստաւոր հայ գրագէտ, նշանաւոր տպագրիչ, ծն. Տաճկաստանի Նիկոմիդիաք. 1820 թ.: Հայրը որ մի հասարակ արհեստաւոր է եղել, որդուն ուղարկեց Կ. Պօլիս արհեստ սովորելու և նա էլ մտաւ դերձակի մօտ աշակերտ: Պօլ-

սում արհեստի հետ զուգընթացաբար նա սկսեց մայրենի լեզուն սովորել, իսկ ազատ ժամերն էլ նուիրեց տպագրական գործին, որի համար և

տպարան էր յաճախում և սովորում: 1846-ին Փարիզ գնաց և սկսեց գերձակուլթեամբ զբաղուել, իսկ փոքր ինչ նիւթապէս ապահովուելուց յետոյ հայերէն տառեր ձուլել տուեց և Վալ'տերի տպարանում հայերէն գրքեր տպագրեց: Ընտանի կարողացաւ սեպհական տպարան բանալ և 1859 թ. սկսած նրա տպարանումն էր տպագրուում Ստեփանն Ռսկանի «Արեմուտը» կիսամսեայ հանդէսը: 1862-ին նա տպարանը ծախեց և Կ. Պօլիս տեղափոխուեցաւ, այնտեղ էլ տպարան բացեց: Ինչպէս Փարիզում, այնպէս էլ Կ. Պօլսում նա բաւական օգտակար գրքեր տպագրեց՝ մեծ մասամբ դասագրքեր: Մ. 1879 թ. ապրիլ 16-ին Կ. Պօլսում և Խաս գիւղի գերեզմանատանը թաղուեցաւ: Ա. Զ. հազուադիւտ աշխատասէր ու զործունեայ մարդ է եղել: Գր. վաստ.—ա) *Դատարան Հայկազն մանկանց Փ.* 1860 \*). բ) *Բառագրքուկ հայ-գաղղ.*

\*) Այս գիրքը շատ հետաքրքիր է և գիտութեան բոլոր ճիւղերի վերաբերեալ տեղեկութիւններ է պարունակում (սրբազան, ազգային և ընդհանուր պատմութիւն, հայոց լեզու, կենդանաբանութիւն, գիցարանութիւն, տոմար, թուարանութիւն, երաժշտութիւն, աշխարհագրութիւն և այլն) զարգարուած է 200-ից աւելի պատկերներով և Հայաստանի փոքրագիր բարակ-սով: Պէտք է նկատել, որ առանձին խնամքով են տրպուած պատկերները և հաւանական է որ մեծ ծախսով էլ փորագրուած պէտք է լինեն: Այս գրքից մի օրինակ էլ կայ մեր զբաղարանում:

Փ. 1860. դ) Դիտողութիւն ի վերայ տեղեկա-  
գրի կաթողիկոսական յանձնաժողովոյ Կ. Պ.  
1866. դ) Ռուսիա եւ ընդհ. ժողով Հայոց ի Կ.  
Պօլիս, Կ. Պ. 1866. ե) Զէյթունցիք եւ Լուսաւոր-  
չական Հայք Կ. Պ. 1867. գ) Ընդունելութիւն  
Ընծայի եւ այլն:

ԱՐԱՄԵԱՆ ՄԻՍԵԿ բժիշկ. — «Մեղու»-եան  
շրջանի գործիչ, ծն. Կ. Պօլսի Սամաթիա թա-  
ղում 1845՝ թ. 6 տարեկան հասակում ծնող-  
ները նրան յանձնեցին ոմն Բարսեղ վարժապե-  
տի խնամքին գրել կարգալ սովորելու համար,  
իսկ յետոյ Սամաթիոյ թաղային վարժ. Միսա-  
կի հայրը լինելով զերձակ՝ արհեստաւոր, իր  
որդուն էլ ուզեց արհեստի տալ եւ մի ոսկերչի  
մօտ արհեստը սովորելու համար աշկերտ տուեց,  
սակայն մայրը տեսնելով որ իր որդին արհեստի  
գլուխը չունի ու խելքն ու միտքը ժամի ու  
գրքի վրայ է, համոզեց հօրը եւ 1857-ին նրան  
տուեցին ս. Փրկչեան ճեմարան: Կ. Պօլսի Մատ-  
թէոս պատրիարքը ներսէս Ե. Աշտարակեցու  
մահից յետոյ ամենայն Հայոց կաթողիկոս ընա-  
րուելով՝ 1859-ին դէպի Էջմիածին ճանապարհ  
ընկաւ: Ինչպէս յայտնի է կաթողիկոսին ուղե-  
կից էին մի շարք հայ զբաղէտներ ինչպէս Մ.  
Աղաբէկեանը, Աւետիս վարժապետ Պէրպէրեանն  
եւ այլք եւ ահա դոցա մէջն էր եւ Արամեանը, ո-  
րին կաթողիկոսը հրամայեց տեղաւորել ներս-

դպրոցում: 1864 ին Արամեանն աւարտելով դաս-  
ընթացը, մտաւ գիմնադիա. ուր մեծ յառաջա-  
դիմութիւն ցոյց տուեց և 1868-ին յաջողութեամբ  
աւարտեց: Նոյն տարին, իրրև յառաջագէմ ա-  
շակերտ. պետական հաշուով ուղարկուեցաւ Մոս-  
կուա բժշկականութիւն սովորելու: 1873 թ. նա  
իրրև բժիշկ Գովկաս եկաւ և արքունական բժըշ-  
կի պաշտօնը ստանձնեց, որ և շարունակում է  
ցարդ և ապրում է Սալիանում: Պէտք է նկա-  
տել, որ իր գալու օրից արդէն նա յայտնի է  
իրրև հասարակական գործիչ: Նրա զրական գոր-  
ծունէութիւնը սկսում է «Գոռնկ»-ում տպուած  
յօդուածներով, որ զրել է նա աշակերտական  
նստարանից: Այնուհետև նա շարունակաբար աշ-  
խատակցել է «Մեղու Հայաստանի» և յետոյ էլ  
զլիաւորապէս «Նոր-Գար» թերթերին: Գր. վաստ-  
—Սալիանից Էջմիածին Տ. 1887 (ճանապարհոր-  
դական յիշատակարան):

ԱՐԱՊԵԱՆ ՊՕՂՈՍ ԱՊՈՒԶԵԽՅԻ. — Նշանաւոր  
Պօլսահայ տպարանատէր. ժԹ-ըդ գարու առա-  
ջին քառօրդում Կ. Պօլսում մի տպարան հաս-  
տատեց, որ իր ընդարձակութեամբ առաջին  
տեղն էր բռնում: Այս տպարանում մի շարք  
պարբերական հանդէսներ են տպուել՝ «Ազգա-  
րար Բիւզանդեան», «Սուրհանդակ Բիւզանդեան»,  
«Նոյեան Աղաւնի և 1856-ին էլ «Զուարճախօս»-ը:  
1820 թ. սկսած այս տպարանից են դուրս ե-

կել Բան հրաւեր սիրոյ, Պատմութիւն Մարինայ  
կուսին, Շարական և այլ հոգևոր բովանդակու-  
թեամբ գրքերը: Պ. Արապեանը մեռել է Կ. Պոլ-  
սում 1831—1833 թ. միջոցին, իսկ տպարանն  
երկար գոյութիւն ունեցաւ:



ԱՐԱՍԻԱՆԵՆՆՅ ԱԻԵ-  
ՏԻՔ. — «Մուրճ» ամսա-  
գրի հիմնադիր խմբա-  
գիր. ծն. Ազուլխում  
1857 փետրուար 13-  
ին: Սկզբ. կրթ. ստա-  
ցաւ ժամանակոր ան-  
ձանց մօտ, 1867-ից  
տեղոյն ծխ. ուսում-  
նարանում, իսկ 1870-  
ին զնաց Տփլիս և 6  
ամիս պարապելով մը-  
տաւ Բէալական ու-

սումնարանի Բ. դասարան: 1876-ին աւարտեց  
դասընթացն ու զնաց Գերմանիա քաղաքատնտե-  
սութիւն ու իրաւաբանութիւն սովորելու: 1876/  
78 լսեց Լայպցիգի, 1878/79 Փարիզի, 1879/82  
Ստրասբուրգի համալսարաններում և զոկտորի  
աստիճան ստացած 1882 հոկտեմբերին Տփլիս  
վերադարձաւ: 1883/85 ներս. և Գայեանեան  
դպրոցների ընդհանուր պատմութեան դասատու  
եղաւ, իսկ 1885 թ. Պետական կալուածոց նա-

խարարութեան յանձնարարութեամբ զրկուեցաւ նուխու և Արէշի գաւառների սկտական հողեր ունեցող գիւղացիների տնտեսական զրութիւնն ուսումնասիրելու, որ և վերջացրեց 1886-ին, 1887/88 դարձեալ շարունակեց ներս. դպ. ընդհատած դասատուութիւնը: 1889 սկսեց «Մուրճ» հրատարակել, որ մի ժամանակ մեր մէջ լուրջ ամսագիրներէից մէկն էր \*): Արասխանեանը 1875 — 87 թ. «Մշակ»-ի գլխ. աշխատակիցներից մէկն էր և գլխաւորապէս առաջնորդող յօդուածներ է գրել: Միևնոյն ժամանակ նա աշխատակցել է եւրոպական, ռուս և հայ թերթերին («Արձագանք»-ին) տալով հրատարակախօսական, տնտեսական, սօցիալական և այլ յօդուածներ: Իր մի դասախօսութեան համար, որ նա կարդացել է 1881-ին Փարիզի ու Ստրասբուրգի ակադէմիական ժողովներում, ստացել է ֆակուլտ. պրէմիա: Մասնակցել է Հայոց հասարակական գործերին և 1883 թ. մի շարք դասախօսութիւններ է կարդացել աշխարհային կեանքի


---

\*) 1901 թ. «Մուրճ»-ը նոր խմբագրի ձեռն անցաւ՝ Ա. Արասխանեանցը «Մուրճ»-ը ծախեց Կրասիլնիկեանին և այդ տարուանից «Մուրճ»-ի վրայ զրուեցաւ նոր շրջան I տարի, գիրքը նոյն մնաց, միայն մի բիչ հաստացաւ: Կրասիլնիկեանն էլ շուտով ծախեց և այս անգամ խմբագիր նշանակուեցաւ Լևոն Սարգսեանը (Յ. Սպենդիարեանը ժամանակաւոր), իսկ հրատարակիչ տիկին Վ. Քանանեանց:

զարգացման, քաղաքատնտեսութեան և այլ նիւթերի վերաբերեալ Արժրունու թատրոնի և Գալիանեան դպրոցի դասլիճներում:—Գր. վաստ.— Die Geschichte der Getreide—handels Pob. Tif. 1879 in zusammen Jahre mit Volks: Ռուս լեզուով էլ յօդուածներ է տպել Արէշի և Նուխու հետազոտութիւնների մասին Материалы для изслѣд. быта Государ. крестьянъ-ի V—VII հատորներում: Ունի ոսերէն գրուածքներ նաև թելի մանարանների մասին (Անդրկովկասում) և Գովկասի առևարի վերաբերեալ: Հայերէն՝ ա) Ազգաբնակութիւն և ազգաբնակչական շարժումներ Տ. 1883. բ) Հողի արդիւնաբերութիւնը և հասարակութիւնը Տ. 1884. գ) Արևելեան ազգերի հին պատմութիւնը Տ. 1891: Բացի այս բազմաթիւ մեծ ու փոքր յօդուածներ է գրել «Մուրճ»-ում և այլ պարբերականներում:

ԱՐԱՐԱՏԵԱՆ ԱՂԷՔՍԱՆԳԻՐ.— Վիպասան. ծն. Չամշուղա գ. 1854 մարտ 18-ին. նրա հայրը՝ Տէր-Պետրոս քահանան ուսումնասէր մարդ լինելով ինքն առաջին իր որդուն զիրը կարգալ սովորեցրեց, սակայն նա շուտով զրկուեցաւ իր ուսուցիչ-հօրից և հօրը փոխարինեց Եղիսաբէթ անունով սարկաւազուհին, որը նոյնպէս շուտով մեռաւ և 10 տարեկան Աղէքսանդրը որը մնալով սկսեց հովուի պարզ կեանքը վարել: 2որս տարի յետոյ նա Տփլիսիս գնաց և այնտեղ

Ներս. դպ. մտաւ, սակայն այստեղ էլ նիւթա-  
կան պակասութիւնը ճնշեց նրան և նա թողեց  
գալանուցը, ուր նա կարողացել էր ինքնաշխա-  
տութեամբ զարգանալ, անցաւ Չամշուլտէ և  
սկսեց ուսուցչութեամբ զբաղուել, որ պաշտօ-  
նը նա վարել է նաև Մեծ Գաղէթ, Փիր, Հաղ-



բութ և Վաղարշապատ  
գիւղերում: Մեծանալով  
գիւղերում, շնչելով գիւ-  
ղի պարզ օդը, ուսում-  
նասիրելով այդ օդը շըն-  
չողների լաւն ու վատը,  
նիստ ու կացը, նա մեր  
առջև ներկայացրել է  
այդ բոլորն ամենահեն-  
դանի կերպով: Նա մեռաւ  
1884 զեկտեմբ. 23 ին  
Տփլիսում և 26-ին թա-

ղուեցաւ: Ա. Արարատեան աշխատակցել է «Վար-  
ժարան» ին և մէկ-մէկ էլ ուրիշ թերթերին: Գր-  
վաստ. — ա) *Երկու թուրք*, վէպիկ. Գանձակ 1876.  
բ) *Խղճութեան արգասիք*, վէպիկ. Գանձակ 1877.  
գ) *Քնարիկ մանկական*, բանաստ. Տ. 1880. դ)  
*Գիւղական Խալիֆայ վէպ*. Տ. 1883. ե) *Փնջիկ*,  
*երգեր*. Տ. 1885. զ) *Հիմնարկութիւն գաւառական*  
*ուսումնարանի*, գաւառական պատկերներ. Տ.  
1889. է) *Սոստ ճգնաւոր*, վօղեիլ. Տ. 1891.  
ը) *Մանկական երգարան* և այլն. Թողել է ան-

տիպ գրուածքներ— Տըլոտ Կարօ, Անսէր ամուսնութիւն, Կրակի մէջ եմ ընկեր, Չայն, Փոքրիկ ախոյեաններ, Մի ուսումնարան և այլն \*):

ԵՐԵՐԱՏԵԱՆ ԱՂԷՔ-ՍԱՆԴՐ Ծ. ՎԵՐԴԱՊԵՏ

(Կանոնիկոս). — «Անի քաղաք նստեր կուլա՛յ» երգի անմահ հեղինակը. ծն. Ջիրակի Փոքր Ղարաքիլիսա գիւղում 1830 թ.: Կրթ. ստացաւ Ախալցխայում Գրիգոր վ. Սառափեանի մօտ: 1846-ին փարդապետ ձեռնադրուեցաւ և նշանակուեցաւ նախ Ալէքսանդրապօլի հայ կաթողիկայ հոգևոր հովիւ, իսկ յետոյ այդ պաշտօնի հետ կարգուեցաւ նաև Կովկասի համայն հայ կաթողիկայ հոգևոր կառավարիչ: Վ.խճ. 1888 մայիս 15-ին և թաղուեցաւ Ալէքսանդրապօլի



\*) Աղէք. Արարատեանի գրուածքները ուսումնասիրութեան և կրկին հրատարակութեան կարօտ են: Սուա ճգնաւորը, որ քանի մի անգամ տպուել է, Ռուսահայ զաւառների ամենասիրելի վօղեիչներից մէկն է: Արարատեանը մեծ գործ է կատարել, բայց այդ գործը մեռած է շնորհիւ հայ հասարակութեան միակողմանիութեան:

կաթողիկաց եկեղեցու դրան մօտ: Աղէքսանդր  
վ. նշ. քարոզիչ էր և հայրենասէր: Նա ողբաց  
Անույ անցեալ փառքի դառն յիշատակը և այդ  
ողբով անմահացաւ: Ունի նաև այլ ոտանաւոր-  
ներ ինչպէս *Թնդաց երկինք* և այլն: Գր. վաստ.  
— *Ճակատ անմահից զեղերական արկածից Յո-  
րայ Արդարոյն*. Տ. 1850: Թողել է բազմաթիւ  
ձեռագիր գրուածքներ \*):



### ԱՐԱՐԱՏԵԱՆ ԱՌԷՔԵԼ

վարժապետ. — Ծն. Տըվ-  
խիսում 1808 թ. սեպտ.  
13-ին: Առաքել վարժա-  
պետի ծնողները՝ Աս-  
տուածատուրն ու Հռիփ-  
սիմէն (բազմատանջ Գա-  
նիէլ կաթողիկոսի քոյրը)  
1804 թ. ռուս-սլաւոնա-  
կան պատերազմի ժա-  
մանակ ուրիշ բազմա-  
թիւ արարատցիների

հետ Տըվխիս զաղթեցին և Հաւլարարում բնակու-  
թիւն հաստատեցին: Առաքելը մի տարեկան հա-  
սակում հօրից զրկուեցաւ, իսկ մայրն էլ սովի

\*) Կենսագրական տեղեկութիւնները կամ աւելի  
լաւ ասած թուականները ստացել ենք պ. Գրիգոր Ան-  
տոնի Կիրակոսեանից, որից վերջրել ենք նաև պատ-  
կերը:

պատճառով Վաղարշապատ տեղափոխուեցաւ  
ուր և մեռաւ և Առաքելը մնաց որը իր քոյրերի  
խնամքին: Յովհանն. Բաճանայ Ոսկերչեանը \*),  
որ ներսէս արքեպիսկոպոս Աշտարակցու յանձ-  
նարարութիւններով 1816-ին Էջմիածին գնաց,  
որպէս Առաքելի աղգական վերադարձին նրան  
իր հետ Տփլիս տարաւ և 12 տարի շարունակ  
իր մօտ պահեց ու կրթեց նրան և այնուհետև  
Երարատեանն աշխարհ եկաւ որպէս ուսուցիչ:  
Այս պաշտօնը նա վարեց մինչև իր մահը և եր-  
կար տարիներ գիմնագիտյի հայերէն լեզուի դա-  
սատու եղաւ: Մ. 1887 թ. փետրուար 3-ին և  
նոյն ամսի 10-ին թաղուեցաւ Խօջիվանքում:  
Աշխատակցել է «Վոռնիկ»-ին: Գր. վաստ.— ա)  
Դիմագրաւ ընդդէմ սատան յարուցանելոյ ամե-  
նապատուական լեզուիս Հայոց Տ. 1858. ք) Սխա-  
լանք գրոյն՝ որ կոչի Վարդապետարան կրօնի  
Տ. 1858. դ) Համասօտ վարք ևւ գրաւոր գործք  
Յովհաննու աւագ Բաճանայի Ոսկերչեանց Վա-  
ղարշապատեցոյ Տ. 1859. (այս գրքի մէջն է և  
իր ինքնակենսագրութիւնը) \*):

\*) Յ. Բաճ. Ոսկերչեանը ժամանակին մեծ դեր է  
խաղացել և թողել է մի ձեռագիր յիշատակարան Արա-  
րատեան գողթականների վերաբերեալ, որոնց առաջ-  
նորդներից մէկն է եղել: Բայց ի՞նչ եղաւ այդ յիշա-  
տակարանը:

\*) Ա. Արարատեանը թողել է բազմաթիւ մեծա-  
հասօր ձեռագիր գրուածքներ, որոնք մինչև վերջին

ԱՐԱՐԱՍԵՆԻ ՅԱՐՈՒԹԻՒՆ (ԱՍՏՈՒԸՅԱՏՐԵԱՆ\*).

— Նշանաւոր հայ, ծն. 1774 ապրիլ 20-ին Պարզապատում (ներա հայրը քարտաշ է եղել), Սկզ. կրթ. ստացաւ ս. էջմիածնի վանքի կազմարարի և միաբանների մօտ, իսկ յետոյ էլ Յովհաննէս ա. ք. Ոսկերչեանի մօտ: Այնուհետև բազմի ձեռքին խաղալիկ եղած գնաց Աստրախան, ուր սուս լեզու սովորեց և անցաւ Ռուսաստանի խորքերը: 1797 օգոստոս 7-ին նա Պետերբուրգ հասաւ: Այնտեղ նա մտաւ պե-

ժամանակներս գտնուում էին թուների մօտ, որոնցից, ինչպէս մենք լսեցինք, մեր անգործ վանականներից մէկը տարել է իբրև թէ հետազօտութեան համար: Կարելի է Ոսկերչեանի ձեռագիրն էլ զբանց մէջն է, ժամանակ է սպելու...:

\*) Այս մարդը կասկածաւոր և հետաքրքիր անձնատրութիւն է: Սրա մասին ցանկացողները տեղեկութիւններ կարող են գտնել հետեւեղներում, ա) Ճանապարհորդութիւն ի Լեհաստան Մ. Վ. Բժշկեանի, էջ 69 և 73. բ) Կ. Պոլսի «Բանասէր» հանդէսում 1851 թ. էջ 397—401. գ) Համառօտ վարք և զր. զործք Յ. ա. ք. Ոսկերչեանց էջ 26—29 և 74—76. դ) Կուռնկ 1862 ապրիլ էջ 289. ե) Յարութիւն Արարատեանի կեանքը. զ) Յարութիւն Արարատեանի կեղծիքը Ա. Կ. Ս. 1894. է) Акты обзорѣнія исторіи Арм. народа. ը) Сборникъ свѣд. о Кавказѣ թ) Հատուկաբ տեղեկութիւններ կան նաև Акты, собран. Кавказскою Археограф. комиссіею հասարկների մէջ եղած զբազրութեանց մէջ, որոնք մասամբ ոչնչացնում են Ա. Կ. Ս-ի (Արխատակէս եպ. Սեդրակեանի) յայտեալ կարծիքները:

տական ծառայութիւն և պաշտօնների մէջ արագ առաջ գնալով մինչև Իսկական Պետական Խորհրդականի (Дѣйстви. Статскій Совѣтникъ) կոչման հասաւ։ Ռուսաստանից նա անցաւ Եւրոպա և մի առ ժամանակ Փարիզում բնակութիւն հաստատեց, որտեղ սովորեց ֆրանսերէն լեզու և Յ. ա. ք. Ոսկերչեանի *Ճամանակագրութիւնը* (1751—1804 թ.) թարգմանեց ֆրանսերէն ու տպեց։ Այնտեղ նա մի քանի ուրիշ գրքեր էլ տպեց։ Նա իր կեանքը ճանապարհորդութեան մէջ անցկացրեց։ Կարծում են մեռած լինի Լիւմ անապատում, որտեղ և թաղուած պիտի լինի։ Նա մեռել է 1825—1835 թ. միջոցներում։ Նա տպել է իր կենսագրութիւնը մի քանի լեզուներով, որոնցից ռսերէն լեզուովը տպուած է 1813-ին Պետերբուրգում և հայերէն թարգմանութիւնն էլ, որ արել է Պ. Պոռշեանը *Յարութիւն Արարատեանի կեանքը* վերնագրով, տպուած է Տփլսիսում 1892 թ.։ Այս գիրքը մի պատմական յիշատակարան է և շատ հետաքրքիր, թէպէտ ոմանք կարծել են, որ դա կեղծիք է։

**ԱՐԱՔՍԵԱՆ (ՔԱԼԱՆԹԱՐԵԱՆ ՊՕՂՈՍ).**—Կոմիկ և ֆատ, գերասան. ծն. Երևանում 1862 ապրիլ 16-ին։ Սկզ. կրթ. ստացաւ Տփլսիսի Բէալական ուսումնարանում և 1879-ին թողնելով ուսումնարանը, գնաց Պետերբուրգ, ուր ըս-

կրսեց պատրաստուել համալսարան մտնելու համար, սակայն անյաջողութեան պատճառով սկսեց զբաղուել երաժշտութեամբ օպերետային խումբը մտնելու համար: Առաջին անգամ «Корневильские колокола» օպերետում բեմ զուրս գալով Մարկիզի դերում՝ տապալուեցաւ և թողեց այդ էլ: 1886-ին Կովկաս վերադարձաւ և սկսեց ծառայել այլ և այլ տեղերում, միևնոյն ժամանակ մէկ-մէկ էլ բեմ էր զուրս գալիս որպէս սիրող: Առաջին անգամ խաղաց *Բանդած օջախ-ի* մէջ Գիժ-Մոզու դերը, որով ամենք որոշեցին, որ նա լաւ դերասան է լինելու\*): Արաքսեանը շուտով որպէս դերասան սկսեց խաղալ և 1889 - 90 թ. Տփլիսիսում խումբ կազմեց, որի միակ յաջողութիւնն Պէպօ-ն էր (ինքը Կակուլի): Արաքսեանը յայտնի է որպէս լաւ բէթիսսօր և շատ անգամ թէ դերասանների և թէ սիրողների խմբեր է պահել և որ զլիսաւորն



\*), Երբ Գ. Սուճուղեանը բեմ հանեց իր Ամուսիններ կոմեդիան, Արաքսեանը խաղաց Արկադիի դերը և այս խաղի համար «Նոր-Գար»-ի խմբ. Ս. Սպանդարեանը մի թատերաբնականով որոշեց, որ նա լաւ ապագայ ունեցող դերասան է և խորհուրդ տուեց Արաքսեանին այլ ևս չը թողնել հայոց թատերաբեմը:

է՛ անփորձ սիրողներին պատրաստել է բեմք համար: 1903 թ. Արաքսեանը Տփլիսի Հալաբար թաղում սեպհական թատրոն հիմնեց և այդպիսով սկիզբ դրեց հայերէն ժողովրդական ներկայացումներին: Արաքսեանը խաղացել է Կովկասեան համարեան բոլոր մեծ ու փոքր քաղաքներում, և յայանի է որպէս կուպետիստ, Քեպերտուարն է Սունդուկեանի բոլոր կոմիկֆատ հերոսները, Անդրէ (Զաւակում), Սերեօժա (Յրուան շարիրում), Վերաքննիչ (Գողտլի), Գօն Քիշոտ, Ակոր (Խանումի մէջ): Մէկ-մէկ կանանց դերեր էլ է խաղում ինչպէս Խանումը, Չարլէի մօրաքոյրը և այլն: Ունի թարգմանութիւններ, սրոնք խաղացում են: Չմեռային մի քանի թատերաշրջաններին Արաքսեանը պարբերական ներկայացումներ է տուել Տփլիսի ժողովարանում և միշտ սիրողների մասնակցութեամբ:

ԱՐԶԱՆԵԱՆ ԳԱՒԻԹ և ՅԵԿՈՔ. — Ղզլարցի եղբայրներ, Կրթ. ստացան Մոսկուայի Լազարեան ճեմարանում և 1821 թ. առաջին կարգի վկայականներ ստանալով մտան Մոսկուայի համալսարանի բանասիրական բաժինը: Աւարտելուց յետոյ նրանք Ղզլարում մասնաւոր ուսումնարան բաց արին, սակայն անյաջողութեան պատճառով երեսնական թուականներին Տփլիս գնացին, որտեղ ուսումնարան բաց արին, իսկ

քիչ յետոյ էլ տպարան \*)։ Յակօբ Արզանեանը 1846-ին սկսեց Յ. Կարինեանի հետ խմբագրել «Կովկաս» շաբաթաթերթը (որի պատասխանատու խմբագիրն էր օտարազգի Յովսէփ Իլիչ Կոնստանդինովը, որը խմբագրում էր և ռուսերէն «Кавказ»-ը), իսկ յետոյ արդէն հրատարակիչ էլ եղաւ (տես Կովկաս 1846. էջ 135—136)։ Գաւիթ Արզանեանը 50-ական թուականներին գրաքննիչ էր։ Երկու եղբայրներն էլ պետական ուսումնարաններում ուսուցչութիւն են արել։ Մահուան թուականներն անյայտ։ Գր. վաստ. (երկուք միասին). ա) Опытъ начертанія Исторіи Царства Армянскаго \*) (Հայոց թագաւորութեան պատմութիւնը գրելու փորձը) Մոսկուա 1827 (սկզբից մինչև Արշակունեաց անկումը, զարգարուած է 26 մեծադիր զեղեցկատիպ հազուագիւտ պատկերներով)։ բ) Բերա-

---

\*) Մեզ մօտ կայ նրանց տպարանում տպուած «Կրթութիւն Աւետարանական» ի պէտս Հայաստանեայց սուրբ եկեղեցւոյ։ Ի Տփլիս։ Ի տպարանի Յ. և Գ. Արզանեանց։ 1839։ էջ 40, փոքրադիր, գրաբար։ Եթէ չենք սխալուած, Ռուսահայոցս մէջ սրանք են առաջին օրացոյց հրատարակել. մենք տեսել ենք 1840 թ. օրացոյցը, որ գտնուած էր Ազնախի նախկին ծխական դպրոցի գրադարանի գրքերից մէկի հետ մի կողմի մէջ, սակայն վերջերս բազմաթիւ ուրիշ գրքերի հետ անհետացաւ...

\*) Կայ մեր անձնական գրադարանում։

*Կանութիւն հայերէն, Տ. 1840 թ. 4) Յրացոյց  
և այլն:*

ԱՐԹԻՆ ՊԷՅ.—Նախարար արտաքին գործոց և վաճառականութեան Մէհէմէտ Ալի փաշայի թագաւորութեան օրով. ծն. 4. Պօլսում 1800 թ.: 1814-ին իր հօր հետ Եգիպտոս տեղափոխուեցաւ, իսկ մինչև այդ ժամանակ նա 4. Պօլսում ուսաւ մայրենի լիզուն, իտալերէն և թուրքերէն և երբ Եգիպտոս հասաւ սկսեց իր հօր գործերով զբաղուել, իսկ յետոյ ուսաւ Մէհէմէտ Ալիի բացած (արքայորդի Աբրաաի համար) վարժարանում, որից անցաւ Քասր-էլ-Այնի վարժարանը 1825-ին: 1826-ին Արթին պէյ Փարիզ զրկուեցաւ, ուր ուսաւ քաղաքական և ելեմտից տնտեսութիւն, վարչական, վաճառականական և համազգային օրէնք և 1834 սեպտեմբերին Եգիպտոս վերադարձաւ, ուր նրան պատերազմի Պաշտօնարանի մէջ պաշտօն տրուեցաւ զօրապետի օգնականի աստիճանով: 1835-ին Տնտեսութեան և Թարգմանութեան վարժարանի տեսուչ նշանակուեցաւ և յանձնարարութեան համաձայն բացեց Բագմարուեստից դպրոցը, ջուտով հազարապետի աստիճան ստացաւ Արթին պէյն և Պետական ժողովի անդամ նշանակուեցաւ: Այս պաշտօնի մէջ մեծ գործ կատարեց Արթին պէյն և պետական ներքին կազմակերպութեան զարկ տալու համար նա Մէհէ-

մէտ Ալի փաշային ծանօթացրեց Եւրոպական  
օրէնսդրական գրուածքների հետ, որոնց թարգ-  
մանութիւններն ինքն էր կատարում: 1839 թ. փա-  
շայի առաջին թարգման-քարտուղար համարուե-  
ցաւ և ստացաւ Միրալայի (գնդապետ) աստի-  
ճան: 1839—41 պատերազմի ժամանակ մեծ  
դեր խաղաց, 1841-ին Մէհմէտ Ալին նրան իր-  
բև սլատգամաւոր Փարիզ և Լոնդոն ղրկեց, որ-  
տեղ նա բարեկամացաւ պետական նշանաւոր  
անձանց հետ: 1844-ին Արթին պէյն *Ֆերիքի*  
աստիճանով արտաքին գործոց և վաճառակա-  
նութեան նախարար սնուանուեցաւ: Այս պաշ-  
տօնում նա մեծ զարկ տուաւ վաճառականու-  
թեան, բարեկարգեց մաքսատների վարչական  
մասը, թղթատարական, հեռագրական և այլ  
մասերը, մանաւանդ փոխադրական՝ շոգենաւա-  
յին գործը: 1848-ին Արթին պէյն Մէհմէտ Ալի  
փաշայի հետ Եւրոպա գնաց (զղային հիւանդու-  
թիւնից բժշկուելու համար Մէհմէտ Ալին ստի-  
պուած էր գնալու բժշկուելու Եւրոպայում, սա-  
կայն խելագարուեցաւ): Արթին պէյն Մէհմէտ  
Ալիի յաջորդների ժամանակ էլ նոյն դեր խա-  
ղաց և շատ անգամ որպէս գեսպան Վ. Պօլիս  
գնաց և սուլթանից էլ քրիստոնեային տրուող  
ամենաբարձր *ռիթսկյ պալա* աստիճանին ար-  
ժանացաւ 1849 թ.: 1850 թ. Արթին պէյն,  
պետական յեղաշրջութեան և այլ և այլ ան-  
ձանց պաշտօնանկ լինելու ժամանակ, ստիպուած

Թողեց Եգիպտոսը և Կ. Պօլիս գնաց, այնտեղից էլ 1852-ին Փարիզ, 1854-ին, Սայիտ վաշայի գահակալութեան ժամանակ, նախկին պաշտօնով Եգիպտոս հրաւիրուեցաւ, սակայն շուտով հրաժարուեցաւ պաշտօնից և անուանուեցաւ նախարար առանց պաշտօնի ու փոխարքայի ներքին խորհրդական: 1857-ին Արթին պէյն դարձեալ Փարիզ գնաց, որտեղից վերադարձաւ և 1859 փետրուարին մեռաւ Գահիրէում: Արթին պէյն վարձատրուած էր այլ և այլ պետութեանց շքանշաններով, ի թիւս այլոց ունէր Պատուոյ Լեգէոնի, Կարմիր Արծուի, ս. Ըննայի, Նիշան Իֆթիխար և այլ շքանշաններ:

ԱՐԻՍՏԱՆԿԷՍ Բ. ԱԹՈՌԱԿԱԼ.—Ամենայն հայոց կաթողիկոս. 1448 թ. օծուեցաւ իրրև աթոռակից Գրիգոր Ժ. Մակուեցու և նրա մահից յետոյ՝ 1466-ին յաջորդեց նրան: Վ.խճ. 1470-ին:

ԱՐԻՍՏԱՆԿԷՍ ՏԻՐԱՅՈՒ (ՅՈՎՀԱՆՆԻՍԵԱՆ).—Նշանաւոր տաճկահայ երաժիշտ, ծագկեցաւ Կ. Պօլսում ԺԹ-րդ դարում, երբ դեռ չէր կանոնաւորուել Հայկական ձայնազրութիւնը և կամաց կամաց վերակենդանանում էր շնորհիւ ժամանակի երաժշտագէտների: Այդ երաժշտագէտները շնորհիւ եւրոպական ձայնազրութեան կանոնաւորեցին և շարականների մէջ ի հնուց եղած ձայնանիշներից կազմեցին հայկական ձայ-

Նանիշների ութնեակը (փօ, է, վէ, բէ, խօ, նէ, պա և փօ երկրորդական): Արիստակէսը անդրանիկ ձայնազրագէտներից մէկն էր և 40 տարիի շափ ձայնազրութեան ուսուցիչ եղաւ, ունեցաւ բազմաթիւ աշակերտներ, որոնք ցրուեցան գաւառները և բեղմնաւոր զործունէութիւն ցոյց տուին: Այս նշանաւոր տիրացուն մեռաւ Գ. Պօլսում 1878 ապրիլ 13-ին խորին ծերութեան մէջ:

ԱՐԾՐՈՒՆԻ ԱՆԴՐԷԱՍ.—Եղբայր Գր. Արծրունու, ծն. Մոսկուայում 1847 նոյեմբեր 15-ին: Մանուկ հասակում հօր հետ Տփլիս տեղափոխուելով՝ այնտեղ առաջին անգամ հայերէն սովորեց և զիմնազիա մտաւ, ուր 1864-ին աւարտեց և նախ Պետերբուրգի համալսարանում աւարտեց ուսումը, իսկ յետոյ անցաւ Քերմանիա, մտաւ Հայդելբերգի համալսարան, ուր 1870-ին աւարտեց քիմիական մասնաճիւղն ու մնաց այնտեղ, 1874-ին Կովկաս եկաւ ու Լօուու և Քանձակի գաւառներում մի շրջան արեց հետազօտելով հանք արտադրող տեղերի դիրքն ու որպիսութիւնը: 1875-ին վերադարձաւ Քերմանիա և Ստրազբուրգի համալսարանի ասիստենտ նշանակուեցաւ, ուր և մնաց մինչև 1877 թ : 1877 —83 Բերլինի համալսարանի պրիվատ-դոցենտ եղաւ, իսկ 1884-ից օրդինար պրօֆեսսօր Աախէնի բարձրագոյն Տեխնիքական ուսումնարանի, որ

պաշտօնում և մեռաւ 1898 օգոստոս 29-ին (սեպտ. 10-ին) ՀօՏէնհօննէֆում: Աշխատակցել է «Մշակ»-ին և բազմաթիւ եւրոպական թերթերին: Եղել է թղթակից անդամ եւրոպական գիտական ընկերութիւններին:



ԱՐԾՐՈՒՆԻ ԳԷՈՐԳ ԵՂԱ.

— ԺԹ-րդ դարու անդրանիկ բարեգործներից մէկը. ծն. Վանում 1771-ին: Փոքր հասակից ցանկալով կուսակրօն դառնալ՝ մտաւ Աղթամարայ վանքը, սակայն ծնողների անհամաձայնութեան պատճառով ստիպուեցաւ 20 տարեկան հասկումամուսնանալու: Ըս-

կրդրում նա միտք դրեց Աղթամարայ վանքում տպարան բանալ (բստ Ա. Երիցեանի), սակայն առևտրի սկզբնականում՝ շարունակեց իր հօր սկսած գործն և անցաւ Փոքր Ասիայ քաղաքներով Պ. Պօլիս. այնտեղից հարաւային եւրոպա և կրկին Վան գնաց. որտեղից 1813-ին Էջմիածին գնաց և այնտեղից էլ Տփլիս: Հաւանելով Տփլիսին և տեսնելով, որ տեղացի հայերը ռուսաց հովանաւորութեան ներքոյ անգործ կեանք են վարում, գաղթեց Տփլիս. ուր նա իր հարստութեան շնորհիւ յայտնի մարդ դար-

ձաւ և քաղաքացիներից էլ յարդուեցաւ: Գէորգ աղան Տփլիս գալու օրից սկսեց կալուածքներ դնել, տներ ու քարվանսարայ շինեց և ծանօթանալով Ներսէս Աշտարակեցու հետ, նիւթապէս նպաստեց նրա սկսած գործին: 1816-ին Գէորգ աղան առևտրական գործով Եւրոպա գընաց: Հասնելով Հոլանդիոյ Ամստերդամ քաղաքը, լսեց որ նախկին հայ եկեղեցու շինութեան մէջ հայ տպարանի պարագաններ են սլահուած (այս այն տպարանն է, որտեղ Ոսկան վ. Երեւանցին բազմաթիւ գրքեր տպեց Փէ դարու երրորդ քառորդում): Այս տպարանը եկեղեցու հետ միասին ս. Էջմիածնին էր կտակուած և փակուած էր վազուց արդէն, սակայն մի ինչ որ վէճի սլատճառով մնացել էր երեսի վրայ, ուստի և Գէորգ աղան դնեց պարագայքը: Կամ աւելի լաւ ստած վճարեց բարդուած պարտքն և Ներսիսեան դպրոցին ուղարկեց իրրի բնծայ, որի համար էլ տպարանը կոչուեցաւ «Տպարան Ներսիսեան Հոգևոր դպրոցի Հայոց բնծայեցելոյ յազնուական Գէորգայ Երեմեան Արմբուհուոյ»: Գէորգ աղան Տփլիս վերադառնալով շարունակեց առևտուրը: 1830 թ. մեծ խօլերայի ժամանակ ուղենալով խօլերայից փախչել նա մըտնում է իր քարվանսարայի ներքնատունը, սակայն խօլերան անխուսափելի լինելով Գէորգ աղան մեռնում է անկտակ...

ԱՐԾՐՈՒՆԻ ԳԷՈՐԳ ՔԱՀԱՆԱՅ.— Խաղաղիկի  
աւագերէց, յայանի հոգևորականներէց մէկը,  
անգամ Կ. Պօլսի Հոգևոր ժողովի 1847-ին, Վլսճ.  
1894 յունուար 3-ին 107 տարեկան հասակում:



ԱՐԾՐՈՒՆԻ ԳՐԻԳՈՐ.—

Հրատարակախօս, հիմ-  
նադիրը խմբագիր-հրա-  
տարակիչ «Մշակ» հայ  
լրագրի, ծն. Մոսկուա-  
յում 1845 փետրուար  
27-ին: Արժրունին իր  
մանկութիւնն անց կաց-  
րեց Մոսկուայում և փոքր  
հասակից տան մէջ քս-  
կրսեց ֆրանսերէն խօ-  
սել: 1855 թ. ծնողնե-

րի հետ Գերմանիոյ Կրայցնախ քաղաք զնաց,  
ուր սկսեց դաս առնել գերմաներէն և լատինե-  
րէն լեզուներէց: Այնտեղից Գրիգորը նորից Մոս-  
կուա բերուեցաւ, իսկ Մոսկուայից էլ Տփլիսս, ուր  
12 տարեկան հասակում առաջին անգամ սկսեց  
հայերէն սովորել նախ Մոզնոյ միաբան Գրիգոր  
քահանայ Տէր Բարսեղեանի մօտ (դեռ այժմ էլ  
կենդանի է), ապա «Մեղու Հայաստանի» հայա-  
թերթի խմբագիր Պետրոս Միմօնեանցի մօտ,  
որին հայհոյեց նա մինչև իր մահը, իսկ յետոյ  
էլ նշանաւոր Առաքել վարժապետ Արարատեանի

մօտ: Տփլիսում Գրիգորին գիմնազիա տուին  
և նա 1863-ին դասընթացն աւարտելով 1864-ին  
Մոսկուա գնաց և մտաւ բնագիտական ֆակուլ-  
տէտը: 1865 ին Արժրունին Պետերբուրգ տե-  
ղափոխուեցաւ և այնտեղից առաջին անգամ  
սկսեց գրել «Մեղու Հայաստանի»-ի մէջ (1865  
№№ 13 և 14): 2ր կարողանալով Պետերբուրգի  
օգին գիմանալ, գնաց Փրանսիոյ Նիցցա քաղաք  
բժշկուելու համար, իսկ այնտեղից էլ ժընև և  
Յիւրիխ, ուր մի առ ժամանակ տեղոյն համալ-  
սարանի ազատ ունկնդիր եղաւ, իսկ 1867-ին  
Հայդելբէրգի համալսարան մտաւ քաղաքատըն-  
տեսութիւն սովորելու: 1869-ին Փիլիսոփայու-  
թեան դոկտօրի կոչումը ստանալով Փարիզ ան-  
ցաւ, այնտեղից էլ Վեննա, ուր համալս. լսում  
էր իսկ Միխիթարեանց մօտ էլ հայերէն էր սօ-  
վորում: Վեննայից նոյն նպատակով Վենետիկ  
գնաց: Մի անգամ ևս այցելելով Հայդելբերգը՝  
1871-ին Տփլիս հասաւ, ուր ձրիաբար ուսուց-  
չութեան պաշտօնը ստանձնեց Գայիանեան և  
Մարիամեան ուսումնարաններում և միևնոյն  
ժամանակ սկսեց աշխատակցել «Մեղու»-ին Նեո-  
րէ և Ս. Պետերբուրգսկիայ Վեդում.-ին (СлБург.  
Вѣдомости) էլ Լ. Շատ-Իրաւացի (Э. Шатъ-  
Ириваци) կեղծանուններով: Արժրունու առա-  
ջին գործն եղաւ «Մշակ»-ի հրատարակութիւնը,  
որ սկսեց նա 1872-ին իբրև շաբաթաթիւրթ:  
Հրատարակման օրից Արժրունին իրեն շրջապա-

տեց ժամանակի ամենաաչքի ընկնող գրողներով, ինչպէս էին Բաֆֆին, Գ. Սունգուլեանը, Ա Քիշմիշեանը, Ստ. Պալասանեանը և այլք, որոնք ամեն քայլափոխում աջակցում էին իրեն, քանի որ նա դեռ հայերէնին այնքան էլ չէր ընտելացել, և սորա էին խմբագրում թերթը: 1876-ին «Մշակ»-ն սկսեց շարաթն երկու անգամ հրատարակուել, իսկ 1878-ից շարաթը 5 անգամ: 1884-ին Արծրունու գործերը ձախ գնացին, որովհետև իր հօր պարտքերի պատճառով քարվանսարայն (այժմեան վրաց ազնուականաց թատրոնը) ձեռքիցը գնաց և նիւթապէս ճնշուած, փիղիքապէս էլ քայքայուած՝ զագարեցրեց «Մշակ»-ը, գնաց Զվէյցարիա առողջութիւնը վերականգնելու համար: 1885 թ. վերջերը վերադառնալով արտասահմանից 1886-ին վերսկսեց «Մշակ»-ի հրատարակութիւնը — շարաթ երեք անգամ—որ տեեց մինչև իր մահը, որ տեղի ունեցաւ Տփլիսիսում 1892 զեկտ. 19-ին: Հանգուցեալը մեծ հանդէսով ու բազմաթիւ պսակներով թաղուեցաւ Խօջիվանքի գերեզմանատանը, ուր 1902 զեկտ. 23-ին բացուեցաւ նրա «առանց խաչի» մահարձանը: Արծրունին սովորութիւն ունէր քննադատել ազգի, եկեղեցու, լեզուի և այլ հարցերը, որոնց մէջ նա անխնայ ոչնչացնում էր ժամանակի հայ նշանաւոր գրողներին և անձանց: Արծրունին սիրում էր ոտի տակ տալ հայոց կաթողիկոսի

իրաւունքները (օրինակ բողոքականների հրատարակելի հայ աւետարանի հարցն և այլն), որի համար և «Արարատ»-ում Արծրունուն գրը-շակոծ էր անում *Խթան կեղծանունով մէկը* «Արամի ու Արշակի խօսակցութիւնը» վերնագրով և այլ յօդուածներում: Պակաս չէին նաև Զմիւռնիոյ «Արևելեան Մամուլ» շաբաթաթերթում պարբերաբար լոյս տեսնող յօդուածները, որի համար Արծրունին գինուեցաւ նաև Մ. Մամուրեանի դէմ: Այնուամենայնիւ Արծրունին ունէր բազմաթիւ համակրողներ... Գրիգոր Արծրունու գր. վաստ.—ա) *Ըվէլինա հոգ. էտիւգ.* բ) *Թուրքաց հայերի տնտեսական դրութիւնը* (այս երկուսը թարգմանուած են ռուսերէն). գ) *Восточный вопрос* փոքրիկ բրօշիւր \*):

ԱՐԾՐԱՆՈՒՆԻ ԵՐԵՄԻԱ.—Գեներալ-մայիօր, հայր Գ. Արծրունու, ծն. Վանում 1804-ին և մօտաւորապէս ինը տարեկան հասակում Տփլիսի բն-

\*) Գ. Արծրունու մահից յետոյ թերթի խմբագիր հաստատուեցաւ Աղէքսանդր Քալանթարը և թերթն ըսկըսեց շաբաթը 5 անգամ լոյս տեսնել, իսկ յետոյ էլ 6 անգամ: Հրատարակութեան իրաւունքն էլ անցաւ տիկ. Մելիք Աղամալեանին (ըժշկապետ Գրիգոր Քոչարեանի նախկին կնոջ), իսկ սորա մահից յետոյ էլ իր ժառանգներին: 1903 թ. նոյեմբեր 15-ից մինչև 1904 տունուար 15-ը «Մշակ»-ը զաղարեց և յետոյ վերսկըսուեցաւ նոյն ձևով և պրօզրամով: Եթէ չենք սխալուում այժմ «Մշակ»-ը մի քանի մարդոց է պատկանում:

բուեցաւ, ուր ուսաւ գիմնագիտայում և յետոյ էլ Պետերբուրգի գինուորական վարժարանում: 1823-ին գինուորական ծառայութիւն մտաւ և մասնակցեց 1826—28 թ.թ. ուս-տանկական և ուս-պարսկական պատերազմներին: Մինչև 1844 թ. նա վարեց Կովկասեան ինտենդանտի պաշտօնը, որից յետոյ գնաց Ռուսաստան և արտասահման: 1866—68 թ. Տփլիսի քաղաքապետիս եղաւ: Մեռաւ 1877 թ. նոյեմբ. 15-ին և թաղուեցաւ Վերայի հայոց գերեզմանատանը:

ԱՐԾՐՈՒՆԻ ՎԱՀԸՆ (բժիշկ \*). — Խմբագիր Առողջապահիկ թերթի որ սկսեց հրատարակել 1903 թ. հոկտեմբերից իբրև կիսամսեայ հանդէս՝ տարեշրջանը հաշուելով հոկտեմբերից հոկտեմբեր և տալով տարէն 4—5 գրքոյկ յաւելուած: Վերջերս բժիշկը մի շարք առողջապահական գրքոյկներ հրատարակեց ինչպէս՝ Մի' խմիր, Վատ ցաւ կամ Սիֆիլիս, Վարակիչ հիւանդութիւնները և նրանց թոյնը, Աղջիկ (Տ. 1903), Ժանտախտ, Թոքախտ կամ Բարակացաւ, Մի' ծխիր, Գողէրոցք կամ Մալարիա, Ինֆլուէնցա կամ նոր ցաւ, Նորածին մանուկների հիւանդութիւնները, Թշուառների քարե-

\* Նոյն շրջանում որ պ. բժշկին գեռ 1902 թ. մի քանի անգամ զիմեցինք, սակայն այսօր վաղի պատճառով չը կարողացանք ստանալ: Կաշխատենք յաւելուած հատորում տպել:

կամ՝ բժիշկ Հաազ, Խօշերա, Կահուղ շանկր կամ Սուսունակ և այլն, որոնք բաւական լաւ տարածուում են ժողովրդի մէջ: Վ. Արծրունին աշխատակցում է «Մշակ»-ին:

ԱՐԴՈՒԹԵԱՆ ԵՐԿԱՅ-  
ՆԱՐԵԶՈՒԿ ԻՉԽ. ՄՈՎ-  
ՍԷՍ. — Նշանաւոր գի-  
նուորական, ծն. 1798  
թ. Սանահնում (՝), ման-  
կութիւնն անցրեց Տրփ-  
խիսում և երիտասարդ  
հասակում գինուորական  
ծառայութիւն մտաւ և  
մասնակցեց 1826 - 28



թ.թ. ռուս-պարսկական պատերազմներին. իսկ  
1829-ին Երևանի (Армянская область) տեղա-  
կալ եղաւ: Երկար ժամանակ Գաղեստանի և  
Անդրկասպեան երկիրների զօրավար և զլխա-  
ւոր կառավարիչ եղաւ ու մասնակցեց Չամիլի  
յարձակման դէմ մղած պատերազմներին, իսկ  
Գերգերելիի առման համար զեներայ-աղիւտան-  
տի աստիճան ստացաւ: Գաղեստանի խռովու-  
թիւնների ժամանակ՝ 1851 թ. սկսած մի քանի  
անգամ ջարդեց լեզգիներին: Արզութեանը հիմ-  
նեց Թեմիր-Խան-Չուբան, որի համար և 1878  
թ. քաղաքի մէջ նրա արձանը կանգնեցրին:  
Մեռաւ 1855 թ. և թաղուեցաւ իր հայրական:

կալուածքում՝ Սանահնի վանքի Զաքարէ սպասարի գաւթում:



ԱՐԴՈՒԹԵԼՆ ԵՐԿԱՅ-  
ՆԱԲԸԶՈՒԿ ՅՈՎՍԷՓ ԿԱ-  
ԹՈՂԻԿՈՍ ԱՄԵՆԱՅՆ ՀԱ-  
ՅՈՅ (չ'օծուած). — Ծն.  
1743 թ. մայիս 23-ին  
(Սանահնում թէ Տիխի-  
սում յայտնի չէ \*): Սկզ-  
կրթ. ստացաւ հայրենի  
Սանահնի վանքի զբո-  
րոցում, որտեղից էջ-

միածին զրկուեցաւ, ուր Սիմէօն երևանցի կա-  
թողիկոսն որդեգրեց նրան և սարկաւազ ձեռ-

\*) Ահա ինչ է ասում կենսագիր Յովհաննէս Տէր-  
Աբրահամեանը Յովսէփի տոհմի մասին. «Արդութեանց  
տոհմին նախահայր կ'համարեն ոմանք Պարսից Աբտա-  
շիր Երկայնարագուկ թագաւորը, որոյ որդիքը Հայաս-  
տան փախան՝ կասեն, և ի նոցանէ յառաջացան Ար-  
դութեանք. ոմանք մեր Բագրատունի թագաւորաց ցե-  
ղէն յառաջ եկած են՝ կասեն, Զաքարիա սպասարէն  
սկսելով՝ որ 1184-ին Վրաց և Հայոց սպարապետ էր և  
ոմանք՝ Արդութ անունով հայ իշխանն եղած է, կասեն,  
նոցա ցեղապետը, որ 1287-ին իւր բազմատեսակ ծա-  
ռայութիւններովը մեծ պատիւ ունեցաւ Մողոլաց Ար-  
դուն Սանի առաջև: Իսկ ինքը Յովսէփ սրբազանը՝ իւր  
ազգաբանութեան վերայ հետագայ յիշատակարանս թո-  
ղուցած է նոր նախիջևանի Հոգևոր դատարանի կանո-

նազրեց, 1765-ին նա վարդապետ ձեռնադրուեցաւ իսկ 1771 դեկտ. 25-ին եպիսկոպոս և իբրև նուիրակ Թուրքիա ուղարկուեցաւ էջմիածնի նոր շինութիւնների համար ժողովարարութիւն անելու։ Այնտեղից վերադառնալով՝ 1773-ին արքեպիսկոպոսութիւն ստացաւ և ուղարկուեցաւ Աստրախան իբրև առաջնորդ համայն ռուսխարնակ հայոց։ Յովսէփ արհին գործունեայ մարդ լինելով՝ հէնց սկզբից ցոյց տուեց իր ընդունակութիւնները, այցելեց իր թեմում ցրուած հայերին, ուսումնարաններ բացաւ, ուսումնասիրեց իր հօտի դրութիւնն և ծրագիրներ պատրաստեց նրանց վիճակը բարւոքելու համար։ Հաստատուելով իր պաշտօնում, նա Աստրախա-

---

նադրութեանց յառաջարանին մէջ. «Յիշեցէք ի Քրիստոս... զմարմնաւոր ծնողսն իմ զՇիօշ բէզն՝ զսպաննալն յանօրէն Լէզզեաց ի տարապարտուց, և զզարկեշտագնաց մայրն իմ Բէթեանն և հանգուցեալ եղբարսն իմ զվաղաթառած և զխորհրդակորոյս Մովսէս բէզն և զՓարսագանն. և զկենդանի եղբայրն իմ պարսն Բէթան բէզն, և զբորսն իմ Ռուսուդանն և զՄարիամն և զամնայն զարմս զաւակս նոցին. որք ի յեթներորդ դաւառէն Հայոց ի նահանգէն Տաշրայ և Լօռու, զոր այժմ Վիրք ունին. և յիշխանանիստ զիւղաքաղաքէն Սանահնու, և յազգէ մեծի սպարապետին Հայոց և Վրաց՝ Զաքարիա իշխանին՝ որդւոյ Սարգսի իշխանի, զորմէ պատմէ պատմիչն Կիրակոս։ Որք և ի հնունն կոչէաք Երկայնաբազուկ, իսկ այժմ կոչիմք Արղութեանց»։ էջ 3—4։

նի հայոց համար առանձնաշնորհութիւններ խնդրեց Եկատերինէ Բ. կայսրուհուց, իսկ յետոյ, Խրբիմի հայոց Ազովեան երկիր փոխադրելու ժամանակ, բարեկամացաւ Պոտեմկին իշխանի հետ և գործակից եղաւ ու 1779—80 թ. նոր նախիջևան քաղաքը հիմնեց: 1781-ին քաղաքում Հոգևոր դատարան հիմնեց և 126 յօդուածից բաղկացած մի կանոնադրութիւն գրեց քաղաքական օրէնքների յաւելուածով \*): Յովսէփ արհին իր ծրագիրներն զլուխ բերելու համար Պետերբուրգ գնաց և լաւ ընդունելութիւն գտաւ և իր խնդիրների վճիռը ստացած վերադարձաւ: Նա հիմնեց նաև ս. Խաչ վանքը, իսկ ն. նախիջևանում 1790-ին տպարան և դպրոցներ հաստատեց: Իշխ. Պոտեմկինի հետ աւելի բարեկամացաւ Գունայեան պատերազմի ժամանակ և պատերազմից յետոյ սահմանից փախած հայ գաղթականներին Գուբոսսար քաղաքից 12 վերստ հեռաւորութեան վերայ տեղաւորեց, ուր 1792 յուլիս 25-ին օրհնեց Գրիգորուպօլ քաղաքի հիմքը: Եկատերինէ Բ. կայսրուհու մահից յետոյ թէպէտ նրա ծրագիրները մասամբ ոչնչացան, սակայն ռուսաց արքունիքում ունեցած դիրքը նոյն մնաց: 1795 ռուսաց դէպի Պովկասը կատարած արշաւանքի ժամանակ արհին իր շըր-

---

\*) Սրանով կառավարուեցան Ռուսիոյ հայ եկեղեցիները մինչև 1836-ին հրատարակած Պօլօժենիէն:

զարեբրականներով հայերին զինեց պարսից զէմ:  
 1799-ին Աննայի Ա. աստիճանի ասպետանշանը  
 ստացաւ, իսկ 1800 մարտ 22-ին ռուսաց կայս-  
 րութեան տոհմական իշխանի կոչումը ստացաւ:  
 Յովսէփ արհին ձգտում էր անպատճառ կաթո-  
 դիկոսանալ և էջմիածնի ու Կ. Պօլսի հայոց հետ  
 շարունակ զբաղբուրթեանց մէջն էր, սակայն  
 շատերն էին հակառակ նրան: 1799 զեկտ 27-ին  
 վիսճ. էջմիածնի Ղուկաս կաթողիկոսը և ընտրուե-  
 ցաւ Կ. Պ. պատրիարք Գանիէլ արքեպիսկոպոսը,  
 սակայն Յովսէփ արհին ռուսաց արքունիքի և  
 վրաց Գիորգի ԺԲ. թագաւորի միջոցով ստիպեց  
 էջմիածնի միաբանութեան իրեն ընտրել, իսկ  
 Կ. Պօլսի հայերին էլ ռուսաց Թաւմարա դես-  
 պանի միջոցով հաճեցրեց և կայսերական հրո-  
 վարտակով 1800 օգոստ. 4-ին ճանապարհ ըն-  
 կաւ զէպի ս. էջմիածին: 1801 փետր. 10-ին  
 մեծ հանդիսով Տփլիս մտաւ և փետր. 17-ին  
 կատարեց Վրաստանի Ռուսիոյ հետ միացման  
 հանգէտը: Արհին զիմաւորելու համար էջմիած-  
 նից շորս արքեպիսկոպոսներ էին եկել, որոնք  
 պէտք է ուղեկցէին նրան մինչև էջմիածին, սա-  
 կայն նա օժման չ'արժանացաւ: Մարտի սկզբին  
 վրաց շերակլ Բ. թագաւորի այրին՝ Գարեճան  
 թագուհին արհինն հրաւիրեց իր սեպհական  
 բաղանիք, որտեղից արհին գնաց թագուհու  
 մօտ թէյ խմելու: Այնտեղ մըսելով՝ հիւանդացաւ  
 և մարտ 9-ին (1801 թ.) վախճանուեցաւ: Կան

ասողներ, որ նա առաջուց հիւանդ էր, իսկ ումանք էլ ասում են, որ թաղուհին է թունաւորել: Հանդուցելոյն մարմինը մի քանի ամիս Մողնոյ ս. Գէորգ եկեղեցում փակուած մնալուց յետոյ էջմիածին տարուեցաւ և կտակի համաձայն Գայիանէի վանքի գաւթում Սիմէօն երևանցու կողքին թաղուեցաւ: Յովսէփ արհին ունի մի քանի դրաւոր վաստակներ, որոնք տպուած են ն. նախիջևանում և Պետերբուրգում: Նա թարգմանել է հայոց պատարագն ու ծիսակատարութիւնները և Исповѣданіе Христіанскія вѣры Армянскія церкви վերնագրով տպել ՍՊԲ. 1799 թուին:

ԱՐՄԵՆԵԱՆ (ԱՐՄԷՆ ԻՓԵՎԵԱՆ). — Գերասան. ծն. Գ. Պօլսում 1871 սեպտ. 10-ին Ուսաւ Գատը գիւղի Մխիթարեանց վարժ. և յետոյ Կեղրոնական վարժարանում: 1891-ին դերասան Գ. Պետրոսեանի հետ Տիխիս գնաց, ուր սկսեց խաղալ և առաջին անգամ բեմ դուրս եկաւ Կամելիապարզ տիկին-ի մէջ մի փոքրիկ դերում: Այնուհետև առևտրական գործերով անցաւ Եգիպտոս, Տաճկաստան և ապա Բրիւսէլ, ուր ծանօթանալով Սարա-Բերնարի հետ, նրա հետ Փարիզ գնաց և կոնսերվատորիա մտաւ, ուր 3 տարի սովորելուց յետոյ սկսեց ֆրանսիական թատրոններում խաղալ: 1901 ղեկտեմբեր 6-ին Փարիզում հրաժեշտի ներկայացում տալով Հայ

Գրամատիքական ընկերութեան հրատարակած Տրվի-խիս հասարակայն պայմանների անյարմարութեան պատճառով ինքը մի քանի ներկայացումներ տուեց, իսկ 1902-ին Բագու գնաց (իբրև բեթիսսօր) և այնտեղ սկսեց խաղալ, Խաղում է ժեօնպրիմիէ դերեր, Բեպէրտուարն է՝ Վաղածամ վճիռ, Արքայ և պօէտ, Կրեմոնի վնագործը, Պուարիէի փեսան և այլ նման ֆրանսիական պիէսների մէջ եղած դերերը:

ԱՐՏԻՒՐ ԼԱՅՄԹ. — Գերմանացի հայազէտ. ծն. Բրեսլաւ քաղաքում 1852 թ.: Ուսումն աւարտելուց յետոյ երկար ժամանակ Լեհաստանում ուսուցչի պաշտօն վարեց, իսկ յետոյ 12 տարի նուիրեց իրեն հայ և վրացի լեզուների ուսումնասիրութեան 1884-ին եկաւ Անդրկովկաս, իսկ յաջորդ տարին Կովկաս և մնաց մինչև 1889 թ.: Ուսումնասիրելով հայոց լեզուն ու գրականութիւնը՝ մի շարք գրուածքներով գերմանացիներին ծանօթացրեց հայոց գրականութեան հետ «Armenische Bibliothek» գրքերով (որ հրատարակել է հանգ. Արզար Յովհաննիսեանը): Եյս գրքերում նրան են պատկանում ա) Սայաթ-Նովա, բ) Ռ. Պատկանեան, գ) Հ. Ղ. վ. Ալիշան, դ) Մ. Պէշիկեթաշլեան, ե) Ն. Աբովեան, զ) Վենետիկի Մխիթարեանք, է) Գարրիէլ արքեպ. Այվազեան, ը) Գ. Սունդուկեանց, թ) Հայոց լրագրական մամուլը և ժ) Խրիմեան Հայ.

ըրիւր Այս յօդուածներին զուգընթաց նա հայ հնդիւնակաների գրուածքներիցն էլ թարգմանութիւններ է արել: 1890 թ. Magasin հանդիսի № 12-ում հրատարակեց մի յօդուած հայոց բանաստեղծութեան մասին: Գերմաներէն է թարգմանել նաև ծիծեռնակ, Կոռնկ և Հառաչք ի վերայ գերեզմանի մտերմին բանաստեղծութիւնները: Իր Georgien, Natur, Sitten und Bewohner գրուածքներում երկար յօդուածով խօսում է հայ գրականութեան վրայ: Ունի նաև այլ գրուածքներ, ա) Armenische Dichterstimmen. բ) Vom Lebensborn der Morgenlandes, որի մէջ խօսում է Ասիայի ազգերի, ի թիւս այլոց և հայերի, ներքին կեանքի մասին: Լայսթն ունի գրուածքներ վրաց գրականութեան մասին, թարգմանել է վրաց յայտնի դասական բանաստեղծական վէպը «Վէփ-խիս տղաւօսանի» (Բնձենաւոր, Der Mann in Tiger felle):

ԱՐՓԻԱՐԵԱՆ ԱՐՓԻԱՐ \*).— Տաճկահայ նշանաւոր գրագէտներից մէկը, ծն. Ակնայ Ապուշէխ գիւղում, կրթուեցաւ Կ. Պօլսի վարժարաններում և գրական ասպարէզ մտաւ: 1890—

\*) Երկու Արփարեաններին էլ նամականեր ենք գրել, սակայն պատասխանները չենք ստացել և այժմ յուսով ենք, որ կը բարեհաճեն զրկելու իրենց կենսագրականները յաւելուած հատորի համար:

1893 թ. *Հայրենիք* թերթի խմբագիր եղաւ:  
 1896 (՝) ընդ միշտ թողեց Կ. Պօլսի ու ան-  
 ցաւ Լոնդոն: 1903 թ. յայտարարեց որ Վենե-  
 տիկում «Հայ Հանդէս» վերնագրով երկշաբաթա-  
 թերթ պիտի հրատարակէր, սակայն չը գիտենք  
 ինչ եղաւ: Աշխատակցել է հայ պարբերական-  
 ներին, որոնցից «Մշակ»-ին Հայկակ ստորագրու-  
 թեամբ: Գր. վաստ.—*Կեանքի պատկերներ, Դա-  
 տապարտեալը, Երագի մը զինը, Կատակ մը,  
 Ապուշ եւ այլն:*

**ԱՐՓԻԱՐԵԱՆ ՏԻԳՐԱՆ.**—Տաճկահայ նշ. հրա-  
 պարակախօս, խմբագիր Կ. Պօլսի *Մասիս* շա-  
 բաթաթերթի, ունի գրուածքներ:

**ԱԷԱԳԵԱՆ ԽԱՉԱՏՈՒՐ.**—Բժիշկ, եկատերի-  
 նողարցի, ծն. 1825 մայիս 9-ին: Աւարտելով  
 Լազ. ճեմ.՝ 1841 թ. յունուարին մտաւ Գորպա-  
 տի համալսարան բժշկականութիւն ուսանելու:  
 Այնտեղից գնաց Կազանի համալսարան մտաւ,  
 սակայն 1852-ին կրկին Գորպատումն էր ուսա-  
 նում: Այս անգամ արդէն գնաց Պետերբուրգ,  
 ուր 1854 թ. բժշկական ակադեմիայում վերջ-  
 նական աւարտական քննութիւն տուեց: Իր  
 կեանքի վերջին տարիները Տփլիսում անցրեց  
 և մեռաւ 1862-ին բարակացաւից շքաւորու-  
 թեան մէջ: Ուսանողութիւնից նա յայտնի է ե-  
 գել իրրև օրինակելի հայ և նրա խօսակցու-

թեան նիւթն եղել է «ապրել հայի համար, գործել հայի համար և մեռնել հայ մնալով» և «ով որ չ'գիտէ հայերէն, նա հայ չէ և չի կարող լինել» \*)։ Լինելով ուրախութեան ու երգի սիրահար և տեսնելով որ հայերէն երգեր չը կան՝ նա շարադրեց «Որդիք Հայկայ, գտչիք ներկայ ձերոց զգացմանց Տէր արքայ—լուարուք երգել զերգս երգոց, լուարուք զիմ՝ ձայն եղբարք Հայոց» և Հայոց զինի (Ացրէ՛ք, եղբարք, ձեր քաժակները եւ բաշ պարսպեցէք») երգերը, որոնք ուսանողների սիրած երգեր էին։ Աւագեանը թարգմանեց ուսանողական նշանաւոր հին քայլերգը *Gaudeamus igitur—Ուրախասցուք ուրեմն* \*\*):

ԱԵՆ ԽԱՆ.—Սիւնեաց աշխարհի (Ղարաբաղի) նշ. հայ մելիք, որ իր ձեռքի տակ տասնեակ հազարներով զօրք ունէր՝ երբ Սարի Մուստաֆա փաշան ամրացաւ Գանձակում և իւր զօրքն էլ ուղարկեց մելիքների երկիրներն աւերելու, Աւան խանը, որ հայ մելիքների գլխաւորն էր և լաւ գիրք էր ձեռք բերել, առ երես մտերիմ ձեռնալով հնազանդուեցաւ և դաշն կապեց փաշայի հետ։ Սակայն փաշայի զօրքի

\*) «Լուսնայ», 1903, № 5, էջ 25 բժ. Լեոն Տիգրանեանի յօդուածում։

\*\*\*) Այս երգերը տպուած են Մ. Միանսարեանի «Քնար Հայկական» երգարանում։

զգուելի ու ծայրահեղ անկարգութիւնները շուտով ինքնաճանաչութեան հրաւիրեցին Աւան խանին և նա գաղտնի միացնելով հայ մելիքներին, 1733-ին յանկարծ զլնք բարձրացրեց ու ջարդեց փաշայի զօրքին և Մուստաֆան մագապուրժ Երևան փախաւ։ Միևնոյն ժամանակներում Հայաստան արշաւեց Նատրը-Չահը, որը մեծարեց Աւան խանին ու միւս մելիքներին, ետ տուեց իրենց ժառանգական իրաւունքներն որ խլել էին նրա նախորդները։ Ի պատիւ այս շնորհի, Աւան խանն ամբողջ մի տարի շահի զօրքին կերակուր մատակարարեց։ 1740-ական կամ 50-ական թուականներին նա իր պաշտօնեաների հետ Ռուսաստան գաղթեց, որտեղ Աննա կայսրուհին սիրով ընդունեց, զենեւալի կոչումը տուեց և թոշակ կապեց։ Սրա և իր եղբոր սերունդները բնակուեցան Աստրախան և Մոսկուա քաղաքներում և արքունի պաշտօններում առաջ գնացին։ Աւան խանի սերունդներիցն են Ռուսաստանի Մելիքեան, Սմբատեան և Արապետով կամ Հայրապետեան իշխանները։

ԱՒԳԵՐԵԱՆ Ն. ՄԿՐՏԻ2 Վ. - Մր. Վնտ. Մխ. ծն. Գաղատիոյ Անկիւրիա քաղսքում 1762 նոյեմբեր 11-ին։ Հայրը նրան 1774-ին Վենետիկ տարաւ, ուր վանական դպրոցն աւարտելով 1786-ին վարդապետ ձեռնադրուեցաւ և մօտ 10 տարի դպրոցում ուսուցչութիւն արեց, միև-

նոյն ժամանակ ուրիշ պաշտօններ էլ վարեց և 20 տարի էլ արքայի աթոռակալ եղաւ: 8 տարի Կ. Պօլսի կաթողիկ հայոց բարոզիչ եղաւ: Վ.Խճ. Վենետիկում 1854 մարտ 3-ին: Ազգերեանը



նշ. հայկարան էր և երից վարդապետաց կոչուած Հայկազեան ըստ զորի մէջ նա է կազմել է գրից մինչև վերջը (տպ. 1836—37 թ.թ.): 1846.ին տպեց զրա համառօտութիւնը — Առօնն ըստարան Հայկազեան լեզուի վերնագրով (Բ. տպ. 1865-ին): Միւս զր. վաստ. (տպ. Վենետիկում) — ա) Լիակատար

վարք սրբոց 1810—14. բ) Բան գործնական 1812. գ) Բարի խորհուրդներ 1809. դ) Դեղ կենաց 1810. ե) Դիմառնութիւն չորից վերջնոց 1810 և այլն: Հրատարակել է Փիլոնի Եւրայնցոյ մնացորդք ի Հայս 1822—26, Յովհաննու իմաստասիրի Օձնեցոյ ճառ ընդդէմ երեւոյթականաց 1807. Հեթում պատմիչ թաթարաց 1842 և Եւսեբիոսի Բրոնիկոն 1818. Թարգմանել է Թաստնի՞ Ապացոյցք կրօնից 1844, Կանոն կենաց 1834, Սուաէի Կենդանագիր արաբինի և զգօն անձին 1816, Կիկերոնի Յաղագս

պատշաճից 1845, Սենեկայի ճառք 1849, Հո-  
հէնրիխի Սուրբ Բլաշու մտածութիւնք, Գրիգոր  
Մեծի Հովուականք, Սերբիանոսի ճառք, Եփ-  
րեմի Համարարրառ և այլն, Ունի գրուածքներ  
Երոսական լեզուներով և Հայոց Հարց գրուա-  
ծոց Թարգմանութիւնները Bibliotheca Patrum Ar-  
menorum վերնագրի տակ:



ԱԻԳԵՐԵԱՆ Հ. ՅԱՐՈՒ-  
ԹԻՒՆ Վ. — Մր. Վնտ.  
Մխ. ծն. Անկիւրիա ք.  
1774 յունիսին: 12 տ.  
Վենետիկ զրկուեցաւ, ուր  
վանական դպրոցն ա-  
ւարտելով 1798-ին վարդ-  
ձեռնադրուեցաւ: Երկու  
տարի վանքում պաշտօ-  
նավարելուց յետոյ քա-  
րոզի պաշտօնով Տրան-  
սիլվանիոյ հայաքաղաք-

ները ուղարկուեցաւ, որտեղից վերադառնալով  
Վենետիկ՝ երկու անգամ Լոնդոն գնաց, իսկ  
մնացած ժամանակ համարեան վանքից չի հե-  
ռացել: Վանքումը նա մօտ 20 տ. ընդհանրա-  
կան քարտուղար եղաւ և երկար ժամանակ էլ  
հիւրընկալի պաշտօնը վարեց: 1816-ին Վենե-  
տիկ եկաւ Լորդ Բայրոնը, որի հետ Յարութիւն  
վ. մտերմացաւ և սկսեց նրան հախըէն սովո-

րեցնել, իսկ նրանից էլ անդլիերէնի դասերը առնել: Երգիւնքն այն եղաւ, որ Աւգերեանը կազմեց Անգլ.-հայ (1816) և Հայ-անգլ. (1833) քերականութիւնները ձեռնառուութեամբ Բայրոնի և բացի դրանից Անգլ.-հայ և Հայ-անգլ. բառարանները (1821—25) Պրէնտ հայերէնագէտ անգլիացու ձեռնառուութեամբ: Բացի այս նա ունեցաւ բազմաթիւ անգլիացի աշակերտներ, Աւգերը զիտէր տաճիկ, երբայեցի, յօյն, լատին, իտալ., ֆրանս., անգլ., հունգար. և գերմաներէն լեզուներ և սրա ջանքերովն ու մեծ մասամբ իրեն թարգմանութեամբ տպուեցաւ ներսէս Ընորհալու Հաստով խոստովանիմք աղօթքի 24 լեզուով հրատարակութիւնը \*): Վխճ. 1854 նոյնմբ. 24-ին Վենետիկում: Գր. վաստ.—  
ա) Բացատրութիւն շափուց եւ կշոոց 1821. բ) Բառգիրք գաղղիարէն 1811. գ) Բառգիրք հայգաղղ. 1817. դ) Պատմութիւն վարուց Մխիթարայ արքայի (հայ-իտալ.) 1819, Թարգ. Միլտոնի

\*) Հաստով խոստովանիմք հոչակաւոր աղօթքը առաջին անգամ 4 լեզուով տպուեցաւ, 1810-ին Վենետիկում տպուեցաւ 6 լեզուով, ապա 14, յետոյ 16, յետոյ 24 լեզուով, իսկ 1862-ին էլ 36 լեզուով: Թարգմանական մի հրատարակութիւն էլ եղել է Մոսկուայում 12 լեզուով: Մեր նշանաւոր պատարագակնիք Որօրնեսս գալնոսիկ, ոյր օրննն գրեզ Տէ'ր աղօթքն էլ շնորհիւ Վեննայի Մխիթարեան հարց 1893-ին հրատարակուեցաւ 50 լեզուով:

*Դրախտ կորուսեալ* (արձակ թարգմանութիւն) 1824, *Հրատ. Լամբրոնացու Ատենարանութիւն հայ-իտալ.* 1812 և այլն, *Լատիներէն՝ Confessio Ecclesiae Armenicae* 1845, *Թողել է անտիպ գերմաներէն և յունարէն լեզուների բառարաններ.*

**ԱՒԴԱԼԵԱՆ ՅՈՎՀԱՆՆԷՍ.**— Նոր Զուգայեցի հայ գրագէտ, (հաւանականաբար ուսել է նոր Զուգայում): Նա բնակութիւն հաստատեց Հրնդկաստանի Կալկաթա հայաշատ քաղաքում ուր հայոց մարդասիրական ճեմարանի հայ. քերականութեան և ճարտասանութեան ուսուցիչ նըշանակուեցաւ և 1820-ին ճեմարանը, նրա շնորհիւ, նոր շրջան մտաւ: Այս պաշտօնի հետ զուգընթացաբար Կալկաթայի անգլիական եպիսկոպոսական ճեմարանում անգլիերէն սովորեց և քիչ յետոյ Մարդաս. ճեմարանում նոյն լեզուի ուսուցչի պաշտօնը ստանձնեց: 1826-ին ընտրուեցաւ Ասիական Բենդալական ընկերութեան անդամ: Գր. վաստ.— ա) *Անգիտաց անպէտ Կալկաթա* 1821, բ) *Բառարան Անգլիարէն-հայերէն Կալկաթա* 1825, գ) *Վերջին ատուրք ըարեյիշատակ տիկին Մերջանին Ստեփաննոսեան* Կ. 1830, *Հրատարակել է Յովհաննէս Արճիշեցու Մեկնութիւն ահաւոր խորհրդոյ սրբոյ սատարագին* Կ. 1830, *Թարգմանել է Չատօրբիանի՝ Ատալա* Կ. 1826, *Ջօնսընի Հոասսըսս* Կ. 1826, *Քրիստոսուսոյց* Կ. 1826, *Հայերէնից անգլիերէն է*

Թարգմանել Չամչեանի Հայոց պատմութիւնը քաղուածօրէն Կ. 1827: Ունի նաև այլ երկասիրութիւններ, մահուան թուականն մեզ անյայտ:

ԱԻԴԱԼԵԱՆ ՍԻՄԷՅՆ.— Նոր Ջուղայեցի հայ վաճառական, որ 1676-ին Աստրախանով Մոսկուա գնաց և մետաքսեղէն տարաւ: Այնտեղից նա անցաւ արտասահման՝ Զվէդիա և երոսկական ապրանքով Պարսկաստան վերադարձաւ: Մինչև 1692 թ. նա մի քանի անգամ Ռուսաստան և արտասահման գնաց:

ԱԻԵԴԻՆԵԱՆ ՅԱԿՈՅ.— Պարսկաստանցի հայ վաճառական, որ 1675-ին Աստրախանի վրայով Մոսկուա գնաց տանելով մետաքսեղէն և այլ պարսկական ապրանք: Մոսկուայից նա անցաւ Արխանգելսկ, Մոսկուայում նա մի քանի հայ վաճառականների հետ Բէլլըի Գորոդ քաղաքամասում առևտրական տուն հաստատեց, որը գոյութիւն ունեցաւ մինչև 1683 թ. երբ նա դործերը վերջացրեց և հայրենիք վերադարձաւ:

ԱԻԵՏԵԱՆ ԳՐԻԳՈՐ.— Կօմիկ դերասան. ծն. Պարսկաստանի Ռաշտ քաղաքում 1871 յունուար 8-ին: Սկզ. կրթ. ստացաւ Զուշում՝ Պարոնեանի պանսիօնում, իսկ յետոյ Բազուի Բէալական ուսումնարանում: 1889-ին Մոսկուա գնաց հաշուապահութիւն սովորելու համար, սակայն դրա

հետ զուգընթացաբար սկսեց լսել նաև դրամատիքական կուրսերի դասախօսութիւնները: 1890-ին Բագու գնաց և սկսեց ծառայել մասնաւոր դրասենեակներում: Առաջին անգամ բեմ դուրս եկաւ աշակերտ ժամանակ 1887-ին *Վարդանանց պատերազմ* ողբերգութեան մէջ Փարամոնի դերում և իբրև սիրող սկսեց շարունակաբար մասնակցել ներկայացումներին: 1892-ին արդէն իբրև դերասան՝ Սաֆրազեան ամուսինների հետ Չուշի գնաց, իսկ նոյն տարուայ սեպտեմբերից հրաւիրուեցաւ Տփլիս: Խաղացել է ինչպէս Կովկասեան այնպէս էլ Ռուսաստանի հայաքաղաքներում և շարունակ զլիսաւոր խմբումն է լինում:

ԱԵՏԵԱՆ ՏԻԿ. ՄԸՐԻԱՄ (ծննդեամբ օր-Սարգսեան).—Գերասանուհի, խաղում է էնժենիւ դերեր. ծն. Տփլիսում 1876 յունուար 3-ին: Կրթ. ստացաւ Սերպիինէի գիմնազիայում և օրիորդ ժամանակ սկսեց մասնակցել ընտանեկան ներկայացումներին: 1893 յունուարին ամուսնանալով դերասան Գ. Աւետեանի հետ, մի ամսից յետոյ դերասանական խմբի հետ Ռուսաստան գնաց և առաջին անգամ Աստրախանում բեմ դուրս եկաւ Արշակ Բ. ողբերգութեան մէջ Միհրանի (պատանի) դերում և Առաջարկութիւն վօղելիլի մէջ նոյն ներկայացման ժամանակ կատարեց Նատալիայի դերը: Այդ ժամանակից նա

շարունակաբար խաղում է գլխաւոր խմբում:  
Մի թատերաշրջանում խումբ է սլահել:

ԱԻԵՏԻՍ ԵՐԵՒԱՆՑԻ. — Նշանաւոր Ռսկան վ.  
երկանցու եղբայր, որ Ամստերդամում վաճառա-  
կանութեամբ էր զբաղւում: 1661-ին մեռաւ Մատ-  
թէոս Ծարեցին, որ երկու տարի Ամստերդա-  
մում տպարանական գործով էր զբաղւում՝ սեպ-  
հական տպարան ունէր, որի համար նա պարտ-  
քերի մէջն էր ընկել: Աւետիսը վճարելով պարտ-  
քերը, այն տպարանը նուիրեց Երեանի ս. Սար-  
գիս եկեղեցուն և էջմիածնին և ինքն էլ առժա-  
մանակ Ռսկանի աշակերտ Կարապետ վարդա-  
պետի օգնութեամբ մի շարք գրքեր տպագրեց,  
ինչպէս են՝ *Յիսուս որդի, Սաղմոս, Ժամագիրք,*  
*Աղաթամատոյց* և այլն: Աւետիսը 1662-ին հայ-  
րենիք վերադարձաւ և ճանապարհին Լիվորնօ  
քաղաքում հանդիպելով Ռսկան վարդապետին,  
նրան ուղարկեց Ամստերդամ տպարանի գործե-  
րը կարգի բերելու:

ԱԻԵՏԻՔԵԱՆ ԱՂԱՋԱՆ. — Պարսկաստանցի  
հայ վաճառական, որ 1687-ին Աստրախանով  
Մոսկուա գնաց առևտուր անելու: 1689-ին Ռու-  
սական ապրանքով հայրենիք վերադարձաւ, որ-  
տեղից կրկին Ռուսիա գնաց, բայց ճանապար-  
հին՝ Մոսկուայի մօտ ուռւ գիւղացիները կողոպ-  
տեցին նրան, ուստի և Դեսպանական ատեանի

միջոցով հրովարտակով պատժել տուեց բոլոր աւագակներին և ապրանքն էլ ետ խլեց ու գնաց Արխանգելսկ, որտեղից Զվէգիա անցաւ և 1695-ին այնտեղից Եւրոպական ապրանքով հայրենիք վերադարձաւ:

ԱԻԵՏԻՔԵԱՆ Հ. ԳԱՐ-  
ՐԻԷԼ Վ. — Մը. Վնտ.  
Մխ., ծն. Գ. Պօլսում  
1751-ին, ուսաւ վանա-  
կան դպրոցում և 1773  
ղեկտ. վարդ. ձեռնա-  
դրուեցաւ: 1785-ին նոյն  
դպրոցում ուսուցիչ նը-  
շանակուեցաւ: Ինչպէս  
1799-ին, այնպէս էլ Մել-  
քոնեան Ստեփանոս ար-  
քայի մահից յետոյ ա-  
թոռակալ-տեղապահ եղաւ: Վխճ. 1827 զեկտ.  
24-ին Վննեաիկում: Հ. Աւետիբեանը հմուտ աս-  
տուածաբան է եղած և գրել է *Մեկնութիւն  
Թղթոցն Պօղոսի* (տպ. 1806—11—12 թ.թ.) որ  
3 հատորից է բաղկացած: Գրել է նաև *Բացա-  
տրութիւն Շարականաց* (1814), որը կնքել է մի  
յօդուածով՝ *Եաղագս քղիսման Հոգւոյն սրբոյ ի՛  
Հօրէ և յՈրդոյ*, որի մէջ յայտնած սխալ կար-  
ծիքների պատճառով գրքի արժէքը ընկած է: \*)



\*) Երևի այդ սխալիցն է գուրս եկել և այն, որ

Հ. Գարրիէլը հմուտ հայկաբան է եղել և երկը վարդապետաց Հայկազեան ըստարանում նա է կազմել Ա. տառը: Գր. վաստ. (տպ. Վենետիկում) — ա) Լուծումն նարեկ աղօթագրոց 1801 (յետոյ էլ մի քանի անգամ) բ) Բերականութիւն Թոսքանեան լեզուի 1792. գ) Բերականութիւն Հայկական, աշխարհ. 1819, գրար. 1823. դ) Բերթուածք՝ Յերանուհին Շուշան, Յատնին Յազկերտի՝ Գարեգին Սրուանձտեաց, ՚ի Մեծ սպարապետն հայոց քաջ Վարդան, Վահանայ ՚ի յաղթական շուտո Նիխոր, Տրդատ, Արտաւան: Թարգմանել է Ալ. Ռոտրիկուէցի՝ Ճառք համակերպութեան ընդ կամս Աստուծոյ 1823, Հիպպոնի՝ Յաղագս քաղաքին Աստուծոյ 1841., Մտածութիւնք ՚ի վերայ եօթն գլխաւոր ցաւոց Ս. Աստուածածնի 1810 և այլն. Ունի իտալերէն գրքուածքներ. ա) Dissertazione sulla procession dello Spirito Santo dal padre e balfiglio 1824 բ) Dissertazione Sulle correzioni deilibrì ecclesiastici armeni 1868. գ) La liturgia armena 1827 և դ) Grammatica Italiana-

Վենետիկի Մխիթարեանք մեզ անյայտ ձեռագրից տպելով Շնորհալու Առաւօտ լուսոյ՝ կրգը, աղաւաղեցին բնագիրն ու տպեցին Բղխումն ՚ի Տօրէ և յՈրդոյ (՚ը) և յՈրդոյ այնպիսի մի անտեղի բան է, որ Շնորհալու շնորհալի բանաստեղծական քանքարին պատիւ չի բերում, որովհետև նա այդպէս չի գրել: Մխիթարեան հարց անչափ աշխատանքն միանգամից ոչնչանում է, երբ մարդս այսպիսի նեղ կրօնական անհամութիւններ է պատահում:

armena-turca 1762: Թողել է 9 կտոր ձեռագիր  
 գրուածքներ:

ԼԻԵՏԻՔ ՊԱՏՐԻԱՐԻ ԹՈՒՆԱԹԵՅԻ (ԵԿԴՈՎԻԼ-  
 ՑԻ).—Ծն. 1657 ապրիլ 1-ին: Իր հայրը՝ Բաղ-  
 դասար Թոխաթցին ջուլհակ էր: Աւետիքը մինչև  
 7 տարեկան հասակը իր պապ Տէր-Սարգիս քա-  
 հանայի մօտ կարգալ սովորեց, իսկ նրա մա-  
 հից յետոյ 1664-ից ուսաւ իր կնքահայր Տէր  
 Պետրոսի մօտ: 1672-ին ինչ որ Յակոբ վ-ի մօտ  
 փորրաւոր մանելով 1675-ին սարկաւագ, իսկ  
 1681-ին էլ արեղայ ձեռնագրուեցաւ և Սեպուհ  
 լերան Ս. Յակոբ վանքի վանահայր նշանակուե-  
 ցաւ: Յետոյ պաշտօնավարեց Երզնկայում, ուր  
 նորոգութիւններ արեց և եկեղեցիներ շինեց,  
 որի համար Կ. Պօլիս գնաց, ուր ծանօթացաւ  
 տեղացի աչքի ընկնող հայերի հետ: 1691-ին  
 Եղիազար Կաթողիկոսը նրան եպիսկոպոս ձեռ-  
 նադրեց Էջմիածնում, որտեղից նա կրկին Եր-  
 զնկա գնաց, այնտեղից անցաւ Կարին և այն-  
 տեղ 1701-ին Կ. Պօլսից հրաւէր ստացաւ պատ-  
 րիարքութեան համար, որ և ընդունելով գնաց  
 Կ. Պօլիս: Երուսաղէմի ժամանակակից պատրի-  
 արք Մինաս Համբեցին (պատմագիր) իր միա-  
 բանութեան հետ անբաւականութեան մէջ էր,  
 ուստի և Աւետիք պատր. 1702-ից Երուսաղէմի  
 պատրիարքութիւնն էլ իր ձեռքն առաւ և տե-  
 դապահ նշանակեց: Աւետիքը խիստ կերպով

զինուեցաւ կաթովիկների ու եզուիտների դէմ, որոնք զայլժակղեցնում էին հայերին և նրա վախից հայ կաթովիկ քահանաները ստիպուած եղան հեռանալու Կ. Պօլսից, իսկ Մխիթար Սեբաստացին էլ Մօրէա փախաւ: 1703-ին Երուսաղէմի իսկ 1704-ին էլ Կ. Պօլսոյ պատրիարքութիւններից գրկուեցաւ, բայց 1704-ին կրկին անգամ Կ. Պօլսոյ պատր. ընտրուեցաւ (մինչև 1706), սակայն ֆրանսիոյ զեսպան Փերիոլի Յամանեան պետութեան տուած բողոքների համաձայն Գենետոս կղզի աքսորուեցաւ, բայց Փերիոլի կարգադրութեամբ եզուիտները ճանապարհին փախցրին նրան ֆրանսիա, ուր Փարիզի Բաստիլիա բերդում շարշարուելուց ու տանջուելուց յետոյ վախճանուեցաւ 1711 յուլիսի 10-ին: Այնտեղ նա 1710 թ. մի յիշատակարան է գրել — ինքնակենսագրութիւն, որ թարգմանուած է ֆրանսերէն: \*)

ԱԻՆՏՈՒՄԵՆՆՑ ԹԱԴԷՈՍ. — Հնդկահայ գրագէտ, ծն. Բասրա ք. 1810 թ., Ինը տարեկան հասակում իր հօր հետ Կալկաթա գաղթեց, ուր նա Մարդասիրական ճեմարան մտաւ: 2ընայած այն հանգամանքին, որ նա շարունակ առևտրով էր զբաղուում, այնուամենայնիւ հետամուտ եղաւ

\*) Ոմանք սխալմամբ կարծում են, որ Աւետիք պատրիարքն էր Երկաթէ դիմակով մարդը:

նակ գրականութեան և Մ. Թաղիադեանի «Ազգասէր» հանդիսի գլխ. հրատարակիչներէից մէկն էր. Մ. 1863 փետր. 13-ին Կալկաթայում. Թողել է գրուածքներ, զրել է երգեր, մի ոտանաւոր էլ Մ. Թաղիադեանի մահուան առթիւ (տպ. «Արշալոյս Արարատեան»-ի մէջ 1858-ին):



ԱԻԵՏՈՒՄԵԱՆՑ ՍԱՐ-  
ԳԻՍ— Հնդկահայ բը-  
ժիշկ, որդի Թաղե-  
ոս Աւետուսեանի, ծն.  
Կալկաթայում 1854  
դեկտ. 4-ին: Ուսաւ  
նախ իր հօր մօտ, իսկ  
8 տ. հասակից սկսեց  
յաճախել Անգլիական  
Լա Մարտինիէր ու-  
սումն., ուր 8 տարի  
մնալով ոսկէ շքանշա-

նով աւարտեց: 1870-ին Կալկաթայի բժշկական  
վարժարան մտաւ և 1875 թ. աւարտեց: 1876-ին  
Լոնդոն գնաց և մտաւ Բժշկ. Բարձրագոյն Գօլ-  
լէժ, ուր 1879-ին բժիշկ-վիրազէտի կոչումը  
ստացաւ: 1881-ին նետլի գնաց. ուր զինուորա-  
կան բժշկի վկայական ստացաւ և նոյն տարուայ  
հոկտեմբերին գնաց Պոմպա, իբրև զինուորակ.  
ան բժիշկ գնաց Գուէտա, այնտեղից էլ Սիրի:  
1885-ին Անգլիական պետութիւնը նրան Եգիպ-

տոս զրկեց, որտեղից քիչ յետոյ Պօմպա վերագարձաւ, 1886/87. ծառայեց Աւգանիստանի կողմերում, 1890-ին Եւրոպա գնաց, 1891-ին Եգիպտոս և ապա Լոնդոն՝ ըժշկուելու համար: Այնտեղից անցաւ Վեննա և 1892-ին նորից Հընդկաստան, որտեղ ծառայում է նա:

ԱՓԻՆԵԱՆ ԿԱՐԱՊԵՏ.— Խմբ. տարեկան օրացոյցի, ծն. Ալէքսանդրոպօլ ք. 1870 հոկտ. 18-ին և ուսաւ նախ տեղւոյն Եկ.-ժխ. ուսումնարանում, իսկ 1888 — 94 թ. Գէորգեան ճեմ. և դուրս եկաւ Բ. լսարանից: 1894/97 ուսուցիչ Ալէքսանդրոպօլի ժխ. ուսումն., 1897-ից Տարրական ուսումն.: 1899 թ. սկսեց հրատարակել պատի և ծոցի օրացոյցներ *Շիրակ անուան տակ*, որ և ցարդ շարունակում է (հրատ. Տիխիսում իսկ 1903-ից Ալէքսանդրոպօլում, սեպհական տպարանում), Վերջերս սկսեց հրատարակել ուսերէն օրաթերթ *Александропольскія объявленія անունով*.

ԱՓԻՄԵԱՆ ԳԷՈՐԳ.— Դպրոցական և հասարակական գործիչ. ծն. Տիխիսում 1829 յուլիս 20-ին, ուր աշակերտեց անմահ Խաչատուր Արովեանին և 1846 թ. Դորպատ զրկուեցաւ ու 1848-ին համալսարան մտաւ բնագիտութիւն սովորելու: Արիմեանն իր հետն էր տարել Վէրջ Հայաստանի վէպը, որի միջոցով, ըժ. Լ. Տի-

զբանեանի ասելով, Գորսլատեան ուսանողներն ուսումնասիրում էին աշխարհաբար լեզուն: 1852-ին Աբիմեանը հիւանդութեան պատճառով Տփլիս վերադարձաւ և 1858-ին Յովսէփ Փոնդոյեանի հետ հրատարակեց «Վէրք Հայաստանին»: Աբիմեանը երկար ժամանակ ծառայեց Տփլիսի փոստ-հեռագրական վարչութեան մէջ, նա երկար ժամանակ ներս. դպրոցի հոգաբարձու է եղել, այժմ ապրում է Տփլիսում: Թարգմանել է՝ Ոսկի ասեղներ Տ. 1878. Նալ և Դամայեանտի Տ. 1877. և այլն.

Մի բանի խօսք  
Մատենադրութիւն  
Համառօտութիւններ

երես:  
Ն  
Բ  
ԺԲ

	երես:		երես:
Երամելիքեան Յովհաննէս .	13	Ելթուն Տիրբրի Ընարել .	52
Երզար դպիր .	14	Ելթուն Տիրբրի Երխտակէս .	»
Երզարեան Յարութիւն .	16	Ելիխանեան Խասակ .	53
Երեւեան Յարութիւն .	17	Ելիխանեան Նիկողայոս .	»
Երեւեան Յովհաննէս պատկ. .	»	Ելիշան Տ. Ասող Վ. պատկ. .	»
Երեղեան Մանուկ պատկ. .	19	Ելիսաղեան Յակոբ պատկ. .	58
Երիխ Հերման պատկ. .	22	Ելիսաղեան Քէրք .	59
Երովեան Քէրք պատկ. .	23	Եկուրթ Ընդրէս .	60
Երովեան Խաչատուր պատկ. .	24	ԵՏարնեան Ընտիս պատկ. .	61
Երրահամ Բ. Խոշարեցի .	32	Եղարէկեան Մարկոս պատկ. .	63
Երրահամ Բ. Կրետացի .	»	Եղարէկեան Ընտիս Ղազար .	66
Երրահամ կաթողիկոս .	33	Եղաթն Քրիզոր պատկ. .	»
Երրահամ վարդապետ .	»	Եղաթն Միլտիշ .	68
Երրահամեան Քրիզոր պատկ. .	34	Եղամալեան Մարիամ .	69
Երրոյեան Պետրոս .	35	Եղամալեան Տ. Սուքիսս Վ. .	»
Եղապեան Երշակ .	37	Եղայեան Ղազարոս պատկ. .	71
Եղոնց Տ. Ստեփանոս .	38	Եղայեան Մատթէոս .	74
Եղամեան Պետրոս պատկ. .	»	Եղանեան Քիւտ ա. ք. պատկ. .	75
Եղելեան .	41	Եղանուր Վիքտորիա .	79
Եղարեան Ստեփանոս կաթող. .	»	Եղափիրեան Քրիզոր եպ. .	80
Եղարիա Հին-Ջուղայեցի .	42	Եղէքսանդրեան Յովսէփ .	81
Եղարիա Նոր-Ջուղայեցի .	»	Եղէքսանդր Ը. Ջուղայեցի .	»
Եզրար Եղամ .	43	Եղէքսանդր Բ. Կ. Պոլսեցի .	82
Եղնուորեան Կարապետ ամիրա .	»	Եղուանեան Քրիզոր արքեպ. .	83
Եղնուորեան Տ. Քերովէ Վ. .	»	Եճառեան Հրաշխայ. պ. .	»
Ելաղաթեան Նիկողայոս .	44	Եճէմեան Միլտիշ պ. .	85
Ելաճաճեան Համբարձում .	»	Եճատեան Սարգիս .	86
Ելամդարեան Յարութիւն Վ. պ. .	45	Եմատունի Նազովէն (իշխ.) .	87
Ելէթմեան Քրիզորիս եպ. պ. .	47	Եմարիսան Յովսէփ .	»
Ելէքսանեան Տ. Ջարարիս Վ. .	»	Եմիրիկեան Յովհաննէս պատ. .	89
Ելէքսանեան ա. Մարգարիտ պ. .	48	Եմիրեան Պետրոս և Պօղոս .	90
Ելթրնեան Յովհաննէս .	50	Եմիրշան Բեզլար պատկ. .	91
Ելթունեան Երշակ .	51	Եմիրտօլվաթ .	93

	երես:	երես:
Եյփաղեան Երրահամ	93	Երարատեան Աղէք. վ. պ. 138
Եյփաղեան Բազրատ պատկ.	94	Երարատեան Առաքել պատկ. 139
Եյփաղեան Դարբիէլ արքեպ.պ.	96	Երարատեան Յարութիւն . 141
Եյփաղեան Յովսէփ եպ.	100	Երաքսեան » պատկ. 142
Եյփաղովսէր Յովհաննէս պ.	»	Երզանեան Դաւիթ և Յակոբ 144
Եյփատեան Սահակ արքեպ.	103	Երէիին Պէյ . 146
Եյաթնեան Ն. Երսէն վ. պ.	»	Երեստակէս Բ. Եթնոսակալ 148
Ենանեան Ն. Մկրտիչ վ.	106	Երեստակէս տիրացու . »
Ենգրէաս պատր. երուս. .	»	Երծրունի Ընգրէաս . 149
Ենգրէաս Ստամբուլցի	107	Երծրունի Դէորդ աղա պատկ. 150
Ենոյշեան Գարապետ	»	Երծրունի Դէորդ քահ. 152
Ենտոն քահանայ	»	Երծրունի Դրիզոր պատկ. »
Եշրղեան Խորէն արքեպ. պ.	108	Երծրունի երեսիս . 155
Եշճեան Երամ	109	Երծրունի Վահան. 156
Եպրօ Սահակ . . . . .	»	Երզութեան երկ. Մովսէս (իշխան). պատկ. 157
Եռաքիլ Դաւրիժեցի	110	Երզութեան երկ. Յովսէփ կաթողիկոս պատկ. . 158
Եռաքիլեան Ն. Խաչատուր վ.	111	Երմնեան (ղերստան) . 162
Եռաքիլեան Համբարձում պ.	112	Երտիւր Լայսթ . 163
Ետատու Նրոնտ պատկ.	115	Երփիարեան Երփիար . 164
Եսլանեան Խաչատր	118	Երփիարեան Տիգրան . 165
Եսլանեան Ստեփան	119	Ետզեան Խաչատուր . »
Եսկերեան Ն. Վրթանէս վ.	120	Եան Խան . 166
Ետողիկ պատկ. . . . .	121	Եւզերեան Ն. Մկրտիչ վ. պ. 167
Ետուածատուր կաթող. Հա- մաղանցի . . . . .	122	Եւզերեան Ն. Յարութիւն վ. պ. 169
Ետուածատուր կաթող. Սա- սունցի . . . . .	123	Եւզալեան Յովհաննէս . 171
Ետուածատուր պատր. Գ. Պօլսի . . . . .	123	Եւզալեան Սիմէօն . 172
Ետուածատուր Մերդինցի.	124	Եւզիկեան Յակոբ. . . »
Ետուածատուր Ջունդ պ.	124	Եւտեան Դրիզոր . . »
Ետուածատուր վարդ. . . . .	126	Եւտեան տիկ. Մարիամ . 173
Ետուածատուր Տարօնցի.	127	Եւտիս երեանցի . . 174
Ետրպետեան պատկ. . . . .	128	Եւտիքեան Աղաջան . . »
Երամեան Ճանիկ պատկ.	130	Եւտիքեան Ն. Դարբիէլ վ. պ. 175
Երամեան Միսար . . . . .	132	Եւտիք պատրիարք . 177
Երասեան Պօղոս . . . . .	133	Եւտումեան Թաղէոս . 178
Երասխանեանց Եւտիք պ.	134	Եւտումեան Սարգիս պատկ. 179
Երարատեան Աղէքսանդր պ.	136	Եփիմեան Գարապետ . 180
		Երիմեան Դէորդ . . . »

## ԲԱՅ ԹՈՂԱՅ ՀԱՄԱՌՕՏՈՒԹԻՒՆՆԵՐ.

գ.—գիւղ, գիւղում.

թ.—թէոզոսիա.

ծխ.—ծխական.

ն. ն.—նոր նախիջևան.

սլ. սլատկ.—սլատկեր.

Էջ:	Տող:	Սկաւ:	Ուղիղ:
թ	12	մտտենագր...	մտտենագր...
ԺԲ.	23	սլաարիարք	սլատրիարք
67	9	1-53-ին	1853-ին
69	8	ղեռ	ղեր
76	4	ոխեց	փոխեց
114	16	Risphore	Bosphore.



1988  
20

